

**NATIONAL ASSEMBLY OF
SEYCHELLES**

Friday 19th March, 2021

The Assembly met at 9am

National Anthem

Moment of Reflection

Mr Speaker in the Chair

**LE PRESIDENT DE
L'ASSEMBLÉE NATIONALE**

Bonjour à tous les Membres de L'assemblée Nationale, aux téléspectateur et aux auditeur de la radio.

Je suis heureux ce matin d'accueillir notre assemblée son excellence Monsieur Dominique Mas Ambassadeur de Français Aux Seychelles et Monsieur David Andre, Maire de Victoria et Président de la Commission Nationale de la Francophonie.

Si ces deux dignitaires nous honorent de leur présence c'est parce que nous voudrions commémorer aujourd'hui la Journée Internationale de la Francophonie, qui est normalement célébrée le 20 mars mais comme nous ne siégeons pas demain nous tenons à le faire aujourd'hui.

Notre petit pays de 100 mille habitants est très heureux de faire parti de cette grande famille qu'est l'Organisation Internationale de Francophonie qui regroupe 88 états et gouvernements et environ 300 millions de locuteurs.

C'est dans ce cadre que nous avons forgé des liens avec des membres du parlement français pour former le groupe d'Amitié France-Seychelles.

J'ai l'honneur ce matin de vous lire un message au nom de l'Assemblée Nationale pour le groupe d'Amitié France-Seychelles et le message que la Présidente du groupe, Madame Monica Michel nous a adressé.

**Message au nom de
L'assemblée Nationale**

Alors que nous commémorons la Journée Internationale de la Francophonie, l'assemblée Nationale de Seychelles, présente ses salutations chaleureuses et ses meilleurs voeux au groupe d'Amitié France-Seychelles au parlement français.

La commémoration de cette journée est l'occasion opportune et propice pour le renouvellement des liens qui ont été établis entre nos deux groupes et pour remettre à jour les contacts que nous

espérons désormais renforcer. Nous sommes reconnaissant pour l'engagement de la Présidente du groupe d'Amitié France-Seychelles Madame Monica Michelle, envers notre parlement et pour avoir œuvré à forger ces liens et pour son attachement à notre pays.

Nous prenons connaissance des entretiens et contacts qu'elle a eu avec les membres dans notre parlement dans le passé et j'espère que nous aurons l'occasion d'organiser d'autres rencontres dans un avenir très proche.

Nous sommes heureux de noter que la Secrétaire Générale de l'Organisation Internationale de la Francophonie a choisi d'inscrire les célébrations de cette année sous le thème - 'Femme francophone – Femmes Résilient.' Thème qui sans aucun doute va encourager les femmes à relever les nombreux défis auxquels elles font face pendant cette période de crises que nous traversons.

Bien que les nombres de femmes engagées dans la politique ne soit pas négligeable dans notre pays, nous souhaitons avoir une plus grande participation et davantage de visibilité des femmes dans la politique.

Nous apportons notre soutien aux efforts de L'ÓIF

pour la promotion de l'utilisation de la langue française, qui est aussi une de nos langues nationales.

Nous souhaitons au groupe d'Amitié France-Seychelles une excellente commémoration de la Journée Internationale de la Francophonie et nous affirmons notre engagement envers des relations proches à l'avenir. Au nom de l'Assemblée Nationale des Seychelles.

Et le message de Madame Monica Michel

Monsieur le Président, mesdames et messieurs les députés,

Je tiens à vous remercier, Monsieur le Président, de ce formidable cadeau que vous nous faites en partageant avec les membres de cette honorable assemblée notre message d'amitié et de célébration de la langue française, qui je le rappelle, fait partie des trois langues officielles de la République des Seychelles.

Députée française, présidente du groupe d'amitié France-Seychelles de l'Assemblée nationale française et secrétaire générale adjointe de la section française de l'APF, je suis ravie de pouvoir échanger

avec vous en cette semaine de la langue française et de la francophonie.

Je suis aussi franco-seychelloise, ma fille ainée et sa famille, ma mère, mes frères et une partie de ma famille vivent aux Seychelles. C'est vous dire la grande fierté qui est la mienne d'assurer la présidence du groupe d'amitié France-Seychelles durant cette XV^e législature, me permettant ainsi de contribuer à la permanence et au renouvellement de nos relations d'amitié avec les Seychelles, auxquelles je suis très attachée.

Depuis 2017, le groupe d'amitié France-Seychelles qui compte un bureau de 5 vice-présidents, de deux secrétaires et de 27 membres, a tenté de contribuer, à la hauteur de ses possibilités, à développer les relations franco-seychelloises dans toutes leurs dimensions, avec le souci de soutenir, autant que faire se peut, la Francophonie aux Seychelles et les relations de coopération régionale.

Permettez-moi à cette occasion de remercier M. Dominique Mas, ambassadeur de France aux Seychelles, pour son soutien constant et sa volonté sans faille de nous associer aux initiatives qu'il prend aux

Seychelles. Il contribue régulièrement et activement à la bonne information du groupe d'amitié et il est à l'origine de l'initiative de ce jour. Je tiens par ce message à lui confirmer tout mon soutien aux actions bilatérales menées par notre ambassade à Victoria.

Je voudrais tout d'abord saluer la remarquable gestion de la crise sanitaire aux Seychelles, même si je sais que ses conséquences économiques risquent de se faire sentir pendant quelques années. Je ne doute pas qu'ensemble, nous pourrons relever le défi de redynamiser nos économies, et le tourisme aux Seychelles, tout en continuant à œuvrer au bien-être des populations et à la préservation de notre environnement.

Je ne voudrais pas alourdir ce message en citant toutes les actions conduites par notre groupe d'amitié depuis 2017. Celles-ci se sont principalement dirigées vers trois thématiques : l'enseignement du français et la coopération universitaire, la coopération régionale et le développement durable ; la synthèse de ces actions est jointe en annexe et jettera les bases de nos échanges par visio-conférence prévue à 15h00 ce jour.

C'est bien la francophonie qui nous réunit aujourd'hui, aussi je voudrais rappeler tout mon attachement à ce que nos deux parlements puissent unir leurs forces et mener des actions communes pour promouvoir l'usage du français aux Seychelles.

D'abord chez les jeunes générations à travers des actions éducatives, culturelles et sportives en explorant des formats innovants en particulier celui du numérique et à travers les médias les plus suivis par nos jeunes.

Vous pouvez compter sur notre soutien pour développer ensemble des projets communs et jeter des passerelles entre les peuples de la francophonie.

Je vous remercie chaleureusement pour votre écoute.

Madame Monica Michel.

Maintenant, j'invite Le Chef de L'Opposition l'Honorable Sebastien Pillay, et le Chef des affaires gouvernementale a l'Assemblée, l'Honorable Bernard Georges, a dire quelques mots pour cette occasion.

HON SEBASTIEN PILLAY

Merci le Président, monsieur Président de L'Assemblée Nationale, son excellence Dominique Mas Ambassadeur de France, Monsieur David Andre et chers collègues, dirigeant des affaires gouvernementale de L'Assemblée Nationale Honorable Bernard Georges, chers collègues e peuple Seychellois.

Cela fait un tres grande plaisir pour moi aujourd'hui d'adressé L'Assemblée Nationale dans une langue ou je n'est pas pratiqué pendant un bout de temps me je tacherai a être a la hauteur de la tâche pour pouvoir communiqué lenportans de nos trois langues, me aussi pouvoir communiqué dans une fason claire l'importance du thème de la Francophonie cette année.

Pour ça je vous inviteraz a écouté un poème de Maggie Faure Vidot tres apte pour la journée d'aujourd'hui.

Maggie dit,

Vent du l'age, qui soufflait sur le terre, soulage le cœur endorderie et ployant sous la souffrance et le pilori aide le a sortir du sanctuaire.

Ouvre leur toute grande tes voiles et abrit le sous ton nuages. Apprend leur docilement être sages et sous leur corps an fetisse et de toiles.

Monsieur le Président pour nous le Français et la Francophonie c'est quelque chose de très important et il faut en faire davantage d'effort pour pouvoir retrouver cette importance au sens de l'éducation mais aussi au sens de la littérature Seychelloise.

Monsieur le Président j'ai fait une petite recherche pour trouver comment la belle langue a pu être décrite notre pays si jolie et j'ai trouvé aussi ce paragraphe D'Antoine Abel qui dit :

"Alors les collines sans flammes dans la nuit sèche les pieds des danseurs se baignent dans la fine poussière de la terre de leur pasquante sauvagement en diable. "Décrivant le moutia Seychellois.

Pour nous aujourd'hui ça fait une très grande importance parce que d'habitude L'Assemblée Nationale a toujours un message pour la journée de Commonwealth mais on n'a pas fait assez d'effort pour la Journée de la Francophonie.

J'engage alors les membres de L'Assemblée Nationale pour cette année de faire davantage l'effort pour pouvoir aider dans le panouïsman du Français de la Francophonie pas juste ici aux Seychelles mais à travers

nos collègues dans les autres pays à travers le monde.

J'engage le peuple Seychellois à pouvoir animer l'importance de nos trois langues nationales et de vouloir toujours chercher ce sens littéraire qui nous aide à décrire notre beau pays dans des façons magnifiques avec des mots très fières. Merci Monsieur le Président.

(APPLAUSE)

LE PRÉSIDENT DE L'ASSEMBLÉE NATIONALE

Merci monsieur Pillay. Honorable Bernard Georges?

HON BERNARD GEORGES

Monsieur le Président de L'Assemblée Nationale,

Monsieur Ambassadeur, Monsieur le Maire,

Chers collègues, Chers auditeurs, auditrices, téléspectateurs, téléspectatrices, bonjour.

Monsieur le Président permettez-moi de toute au départ de dire ma fierté, et mon honneur de pouvoir vous adresser dans la langue Molière qui est après tout la langue Seychelloise à part entière.

Mais étant donné que notre pays sera livrés entre les mains de nos jeunes demain, je vous demande la permission

de céder la parole a une jeune député et il s'agit de Honorable Kelly Samynadin d'Au Cap et osi diplômé en langue Française qui nous fera l'honneur d'adressé en cette auguste l'occasion. Merci Monsieur le Président.

LE PRESIDENT DE L'ASSEMBLÉE NATIONALE

Je vous remercie. Madame.

HON KELLY SAMYNADIN

Monsieur le Président de l'Assemblée Nationale des Seychelles,

Monsieur l'Ambassadeur de France aux Seychelles, son excellence Dominique Mas

Monsieur le Maire de Victoria, David Andre

Chers collègues,

Mes chers compatriotes, "C'est par le travail que la femme a en grande partie franchi la distance qui la séparait du mâle; c'est le travail qui peut seul lui garantir une liberté concrète." Citation de Simone de Beauvoir, grande philosophe et écrivaine française.

Eh oui, mes chers collègues, comme vous avez bien pu constater, la Journée Internationale de la Francophonie le 20 mars 2021 se tiendra sous le thème: "Femmes francophones, Femmes résilientes". Dans un monde, face à la pandémie

de Covid-19, les femmes et les jeunes filles se trouvent dans des conditions les plus vulnérables que l'on avait peut être jamais oser imaginer. Le manque d'emploi, l'abus excessif d'alcool ou d'autres substances toxiques sont parmi les circonstances qui permettent à la femme de devenir victime des cicatrices inexorable de la vie.

Toutefois, malgré leur vulnérabilité, les femmes sont aussi les plus fortes tout en prenant compte le fait qu'elles apprennent à se remettre debout après avoir succombé sous l'épée du sexe opposé ou sous d'autres circonstances inévitables du quotidien.

J'ai été très réconforté d'apprendre que l'Organisation Internationale de la Francophonie a créé un fonds de solidarité dans le but de promouvoir le bien-être des femmes reconnue sous le titre « La Francophonie avec elles ».

D'après le site de l'OIF, ce fonds doit financer des actions de terrain menées par des acteurs reconnus dans l'espace francophone et notamment en Afrique, dans les Caraïbes et au Liban. J'espère qu'avec cette initiative, le gouvernement Seychellois va pouvoir bénéficier de ce fonds tout en prenant compte les besoins les plus essentiels des femmes

seychelloises, surtout quand il s'agit des domaines comme l'éducation, la santé ou même l'emploi.

En conclusion, j'aimerais lancer un appel à vous les femmes seychelloises de reconnaître que ce sont nos expériences qui nous rendent plus fortes et plus résilientes face aux défis de la vie. En cette occasion de francophonie, je voudrais demander au peuple Seychellois de mieux valoriser la langue française, une de nos langues nationales et qui est parmi les atouts linguistiques les plus précieux de notre héritage bien-aimé.

Merci.

(APPLAUSE)

LE PRESIDENT DE
L'ASSEMBLÉE NATIONALE

Je vous remercie tous pour votre attention et je remercie son excellence Monsieur Ambassadeur Mas et Monsieur le Maire David Andre pour leur participation.

Je souhaite bonne fête de la francophonie à tous.

Nous allons maintenant faire une pause de dix minutes pour faire une photo de souvenir avec nos invités devant l'assemblée.

(BREAK)

MR SPEAKER

Nou aprezan pran en size en pti pe pli sonm, e sa se repons Minis Lasante lo kestyon ki ti ganny poze par Leader Lopozisyon dan Lasanble e mon lir repons Minis.

“Dear Honorable Minister in response to the questions from the Leader of the Opposition please find responses for the Minister for Health:

1) Konbyen *staff* oubyen rezidan ki'n teste pozitiv pou COVID-19? I annan 15 travayer kot lakour dimoun aze Anse Norde ki zot rezilta tes PCR pou COVID-19 i pozitiv, e 52 rezidan ki zot rezilta i pozitiv, 58 rezidan zot rezilta i negative, e 5 rezidan pe esper konfirmasyon zot rezilta.

2) Ki zot kondisyon e eski i annan okenn *staff* oubyen rezidan ki'n devlop okenn konplikasyon? Pour lemoman napa okenn rezidan oubyen travayer ki'n devlop okenn konplikasyon. Zot tou zot stab.

Lekip lasante pe zer byen sityasyon. Serten travayer Lasante in ganny re depoye, e pour ranforsi mendev, e pou kontrol sa sityasyon dan sa rezidans.

En msye 72an in transfer kot Lopital Lafanmir Perseverans e son leta Lasante i stab. Rezidan ki pozitiv in separe avek lezot e zot dan

diferan lasanm e pa pe melanz avek rezidan ki negativ.

Laplipar rezidan positive pann devlop sentonm *COVID-19* apard detrwa ki'n devlop en pti lafyev. Resours materyel e resours imen in ganny ranforsi e nou satisfè avek travay ki'n akonpli pou adres sa sityasyon.

3) Eski tou bann *staff* e rezidan ti'n fini pran vaksen kont *COVID-19*? 108 rezidan in fini pran premye doz vaksen *covidshield* e zot pe esper zot dezyenm doz. 7 dan popilasyon total 115 sa rezidans pa'n kapab pran vaksen pour rezon medikal. E sa in determinen par dokter sirplas.

Konsernan bann travayer ki annan 65 an total, 53 in pran vaksen, 20 in pran *covidshield* e 33 in pran *sinopharm*. Lezot travayer pa'n kapab pran pou rezon medikal. Polisi Minister Lasante se pou ankouraz *maximum* travayer pou pran zot vaksen. *I thank you sincerely.* Peggy Vidot (Minister.)

MR SPEAKER

Onorab mon pa ankore ganny sans anvoy sa repons kot ou, akoz mon ti gannyen zis avan rantre, me ou ava gannyen byento. Eski ou ti ava kontan dir de mo an reaksyon? Silvouple.

HON SEPASTIEN PILLAY

Mersi Mr Speaker. Mr Speaker i vre i en nouvel sonm, e nou swete ki sa bann dimoun i re ganny zot lasante o pli vit posibil. Nou osi swete ki bann mezir pou separ bann dimoun ki pozitiv ek bann dimoun ki negativ, i ganny mentenir dan en fason tre strict.

E mon krwar sa i osi montre nou ki, ou a permet mwan Mr Speaker ki malgre ki Prezidan Larepublik lo sa lanons ki in fer yer swar an relasyon avek louvertir pei le 25, sa i montre nou pou dir nou pei i ankore annan bokou distans pou ale.

E ki probableman si Gouvernman i mentenir sa desizyon sa i kapab anmenn nou dan plis difikilte. Mon ti ava swete Mr Chairman ki parey Minister Lasante in fer an relasyon avek sa size ki mon'n souleve, ki mon pou swiv de-pre.

Ki mon pou annan serten lezot komantr ki mon pou fer lo la apre, ki osi Minister Ledikasyon mon pa pou al dan okenn polemik la, Minister Ledikasyon i osi fer sir ki i donn piblik Seselwa, Lepep Seselwa tou lenformasyon posibil, kot i neser lo bann sityasyon ki kapab pe evolye dan bann lekol. Mersi Mr Chairman.

MR SPEAKER

Mersi. Mon ti pe al ofer Onorab Georges Laparol, me Onorab Arissol in lev lanmen alor nou a pas en parol dan ou kote.

HON SANDY ARISSOL

Mersi Mr Speaker. Mr Speaker mon'n lev mon'n lanmen parske mon ti a kontan lo non kekfwa mon bann koleg aport sipor pou ou biro. Parske i enportan pou dimoun konnen poudir i annan en lantant travay ant ou lofis koman Sekretarya avek biro *LOTO - Leader* Lopozisyon e osi lo nou kote.

E dezyenmman mon ti a kontan lo sa not osi kekfwa letan *Leader* Lopozisyon in koz lo nou bann pasyan, nou bann rezidan, nou bann *staff* ki nou annan North East Point, nou osi nou ti a voudre kekfwa anmenn en swe sipor an relasyon avek sa ki in dir pou nou bann pasyan, nou bann rezidan ki reste North East Point.

E nou salye travay e zefor ki Minister Lasante pe kontinyelman fer. E sirtou letan ou'n mansyonn sa bout 'ranforsi' kot lezot *staff* in vini pou ranforsi, pou donn en pti koudmen, pou asire ki nou bann nou bann rezidan, nou bann pasyan laba, e osi nou bann *staff* Minister Lasante,

zot pe fer zot mye pou asire ki keksoz i retourn normal dan sa letan difisil.

Alors se pou sa rezon Mr Speaker mon'n demann ou zis pou mwan dir sa detrwa mo an relasyon avek sa. Mersi bokou.

SEYCHELLES
AGRICULTURAL AGENCY**MR SPEAKER**

Mersi tou lede kote. Prezan nou a pas dan Staz Komite pou nou kontinyen avek *Appropriation Bill*.

Alor nou swet labyenveni delegasyon zofisye pour *Seychelles Agricultural Agency* e nou annan avek nou ankor Minister Flavien Joubert, *PS Thesee* pou *Finance*, e Madanm Noella Vinda *Financial Analyst* dan Minister *Finance*.

Lo kote *Seychelles Agricultural Agency*, nou annan Mr Antoine Marie Moustache, *Principal Secretary* pou Lagrikiltir, Madanm Linetta Estico *Chief Executive Officer* pour *Agricultural Agency* e Madanm Elsa Quatre *Senior Accountant* pou sa *Agency*.

Byenveni e mersi pour zot prezans e zot pasyans. Nou pe pran Bidze pour *Seychelles Agricultural Agency* lo paz 533 ziska 541 pou en total 68milyon R238mil. Avek sa

Minis mon ava envit ou fer lentrodikeyon pou ou Bidze.

MINISTER FLAVIEN JOUBERT

Mr Chair bonzour. Bonzour tou bann Manm e bonzour tou bann dimoun ki pe ekoute ozordi bomaten. Ozordi bomaten nou pou ganny diskisyon avek Lasanble lo Bidze pou Lazans Lagrikiltir. Dokiman i donn tou sa bann *achievements* e osi son bann *current challenge and strategic priorities*.

Yer nou'n fer en pe diskisyon lo serten size otour sa ki ganny fer dan Lagrikiltir. Mon krwar pou annan serten size ki pou relevan ozordi osi. E parey mon'n sizere osi i annan serten *strategic priorities* ki apre pou sanze i pou reflekte en pe bann nouvo panse ki nou pe mazin lo la.

E ki mon'n prezant en pe yer. E alor Mr Chair mon avar retourn laparol avek ou pou bann kekeyon lo sa Bidze pou sa lazans. Mersi.

MR SPEAKER

Wi *un instant* Minis letan mon not bann Manm ki pe prepare pou demann kekeyon. Onorab Gabriel ou lanmen i anler, mersi. Tre byen mon a zis pas lo mon lalis silvouple, mon annan Onorab Pillay, Lemiel, Aglae, Gill, Vidot, Gabriel, Cosgrow, Uranie, Ghislain,

Loze, Woodcock, Adelaide, Poris, Romain, Arissol Philip, Samynadin, e Arissol Sandy, e Onorab William, Onorab Labrosse, Onorab Roucou. Tre byen nou a komanse. Mon a komans avek Onorab Woodcock.

HON WAVEL WOODCOCK

Mersi Mr Speaker, bonzour Minis avek ou delegasyon. Mr Speaker mon kekeyon i konm swivan. I annan en *MOU* resaman ki fek sinyen ant Lasosyasyon Fermye avek SAA.

E se Lasosyasyon Fermye ki pou take *over* sa bazar Grand Anse ki oparavan ti Ladministrasyon Distrik ki ti pe *manage* sa. Sa bazar i dan en leta ase i pa dan en bon leta me ti annan koze ki ti pou annan en proze pour fer renovasyon lo sa bazar Grand Anse.

E dan vizit ki Minis pour Lapes ti vini ti dir pou dir i pou ganny en koze avek SAA, kot kekfwa zot pou ed SAA mon krwar *aluminium sink* parey ende landrwa ki zot in fer bann ti bazar lo Mahe.

Alor mon kekeyon i kan ki travay pou ganny antreprann pou amenaz pou *refurbish* bazar Grand Anse *Praslin*?

Monn dezyenm kekeyon i kot i konsern stor Amitie dan lepase nou'n toultan ganny bann konplent parmi bann

fermye, kot ki konsern bann mankman bann materyo, parey pestisid, legren, lagrenn bann keksoz koumsa e toultan i annan *scarcity* lo sa stor.

Alor mon kestyon i eski nouvo Minis pou fer sir ki bann materyo ki bann fermye lo Praslin i bezwen, me sa i enkli osi bann serten lekipman osi ki zot bezwen pou zot travay lo zot laferm, ki ennler zot bezwen lwe, ki bann fermye i bezwen lwe avek SAA, *ok?*

Finalman mon lot kestyon i kot i konsern *agro processing* i annan en manm anmennen pou Grand Anse Praslin yer ti mansyonn en pe difikilte ki bann fermye pe fer fas, avek kot ki konsern vann zot bann fri avek legim.

Akoz zot pe ganny difikilte ganny en market anvi sityasyon ki nou pe fer fas avek. Me selman sa in en problem ki'n la pou en bon pe letan menm *pre COVID*. E sa se parey lavant melon, zironmon.

Me parey nou ti pe koze yer en pti pe lo *agro processing*. Sa i en keksoz ki mon santi ki si nou met lanfaz lo la nou an ladan, mon krwar i pou redwir en pe sa problem ki nou pe gannyen kot - Konmsi Dr Gedeon larzan pa pouri.

Me legim osi ouswa fri si nou *process* li byen nou *package* li byen, nou met dan

poban ouswa bann *special packaging* i pou *last* bokou pli lontan. E sa kekfw sa i en *area* ki Gouvernman ki pe met plis lanfaz lo la konmsi pou nou al ver sa direksyon.

Kot ki konsern Labatwar *Cap Samy*, eski Minis i kapab eksplik nou pou lavyann rouz, kan eski ki zot pe *forecast* ki sa Labatwar pou konplete? Akoz i deza annan en sonm larzan ki zot in depanse pou fer en pe renovasyon la.

Me selman ti annan bann lekipman ki nou ti pe fer demars pou gannyen, kan eski zot pou ganny sa bann lekipman, pou zot kapab konplet sa labatwar ki a kapab komans fonksyonnen deservi bann fermye lo Praslin? Mersi.

MR SPEAKER

Mersi Onorab. Minis.

MINISTER FLAVIE JOUBERT

Mersi Mr Chair. Mersi Onorab pou ou 4 pwen. Mon pou reponn zis enn ladan mon pou pas larestan avek CEO Madanm Linetta Estico.

Kot ki konser *memorandum of understanding* pou bazar Praslin, e osi son reparasyon. E lo kote materyo lo stor, Onorab, mon lapros ki mon pe pran pou asire ki napa retard dan materyo lo stor parey yer mon'n endike, enn bann

demars ki mon'n fer se ki nou fer laranzman avek bann dimoun kot *Procurement Oversight e Tender Board* pou ki nou pa pou ki nou pa bezwen pas dan en prosedir zistifikasyon sak fwa ki nou fer vini materyo.

Nou ganny en *open permit* pou sa bann *suppliers* ki'n deza fini ganny aprouve, e ki lazans li menm i zis fer son bann peyman sak fwa ki i bezwen fer pou kapab renouvle son stok.

Me i annan lezot keksoz osi ki nou bezwen gete. E enn bann keksoz ki mon, mon annan konsern lo la ki mon'n ganny en konversasyon avek Minis Finans, se lafason ki keksoz pe ganny vann lo stor.

E larzan ki retournen dan *Revolving Fund* pou asire ki nou annan toultan sifizaman larzan dan fon pou kapab aste materyo. E nou pou bezwen fer en revu lo la.

Akoz dapre mon obzervasyon sa kantite larzan ki annan, i pa pe ganny mentenir e i pe dousman, dousman desann degrade avek letan.

E sa i en problem. nou bezwen omwen asire ki sa kantite sonm ki nou'n depanse pou aste omwen i ganny mentenir e nou kapab re aste materyo. Mon konnen poudir petet sanzman dan to lesanz i kapab fer en lefe la. E nou

kapab fer en pert me selman dan en lannen normal i merit kapab omwen letan ou ariv lafen ou lannen ou'n rekouver omwen ou kou.

Lazans pa la pou fer en profi me i la pou kouver kou lenportasyon e *supply* sa bann materyo pou bann fermye.

Kot ki konsern *agro processing* byensir sa i enn bann keksoz ki mon krwar nou pou bezwen met dan nou bann plan ki pe vini e nou bezwen met lanfaz lo la. Praslin nou bezwen mazin byen kote nou pou fer li.

E mwan dan mon lespri si nou pou fer bann laranzman, kot nou pou fer *packing* pou distribisyon, i byen ki nou fer li kot i asosye avek transportasyon.

Kote Baie Ste Anne kote bann bato i vin koste eksetera, so nou bezwen mazin en pe ki kalite laranzman nou kapab fer, pou asire ki materyo i sorti e al kot bann konsonmater. Mon pou pas kestyon bazar Grand Anse ek renovasyon labatwar *Cap Samy* avek *CEO Madanm Linetta*. Mersi

MR SPEAKER

Wi *CEO*?

CEO LINETTA ESTICO

Mersi Mr Speaker. Mersi tou bann Onorab. An sa ki konsern renovasyon lo bazar

Grand Anse Praslin nou deza annan en sonm ki nou'n met a dispozisyon pou fer sa renovasyon.

E nou ekspekte dan dezyenm *quarter* sa lannen renovasyon ava ganny fer. Mon krwar i pou ariv apepre dan en R300 ekek mil. Epi lo kote labatwar Praslin nou tou nou konnen pou dir labatwar *Cap Samy* pe komans ganny *renovate*.

E nou ti sir en kontra an Novanm 2020. Nou ti ekspekte i fini an Fevriye sa lannen, me malerezman avek serten dele nou ekspekte i fini dan May 2021. Savedir sa i zis pou renovasyon bazar. Epi nou ekspekte pou annan en dezyenm faz kot i annan serten fasilite nou le azoute avek parey i annan en *holding pen*, ler bann fermye i anmenn zot bann zannimo e osi mete en sort of *STP* pou tret en pe bann *sewage*.

E sa nou pou fer li apre trwazyenm *quarter*. Epi prenan kont osi ki nou pe esper lekipman ki pou ganny fonde par *EU*.

MR SPEAKER

Mersi Onorab. Onorab Lemiel.

HON SYLVANNE LEMIEL

Mersi, Mr Chair. Bonzour Minis avek ou delegasyon. Minis avek sa reform ki petet ou pe mazin en anmenn dan ou

Minister e sa i enkli *SAA* petet nou ti a kontan ganny en pti pe pli detay, ki mannyer aprezan keksoz pou marse.

Eski tou sa bann staff ki kot *SAA* pe ganny reste pou ganny enkorpor dan sa Minister oubyen zot pou ganny re-deplwaye dan lezot landrwa? Mon ti a kontan konnen osi, dan sa *Marketing Plan* petet ki *SAA* in fer avek *STC*, eski *SAA* i satisfè avek lafason ki keksoz in marse?

Akoz in annan pa mal konplent sorti kot bann fermye ki vann zot prodwir avek *STC*. I annan i konplent i dir ou *STC* i pran en pe apre ler i rann zot in fini pa bon in fini pouri zot pa kapab fer naryen zot perdi, so ki mannyer *SAA* li i *assess* sa *Marketing Plan* ki in annan avek *STC*?

Apre enn lo zot stratezi zot in dir enn zot *achievement* ki zot in fasilite a promot adopsyon e mentenans lo kote bann *new technologies* ki zot pe dir, ki sa nou ankouraz bokou fermye pou al ladan mon ti koz lo la yer.

Mon ti a kontan konnen lo kote *SAA* sirtou bann ptipti fermye ki ganny later en pe lwen, ki lasistans li *SAA* i aport a sa bann dimoun? Akoz menm lo kote bann *extension officers*, Minis i annan en pti pe konplent ki bann pti fermye i dir ou zot, zot santi zot, zot ganny kit en pti pe deryer.

Sa bann dimoun i vini kot zot, me zot, zot pa santi zot ganny sa kantite sipor ki zot ti krwar zot ti pou gannye. Mersi.

MR SPEAKER

Mersi Onorab, Minis.

MINISTER FLAVIEN JOUBERT

Mersi Mr Chair, Mersi Onorab pou ou bann pwen ou bann kestyon ki ou'n prezante.

Mon pou komans avek dernyen pwen kot ki konsern bann *extension officers*. Dan mon lentrodiksyon ki mon ti fer yer bomaten mon ti osi mansyonnen sa konsern. E mon santi pou dir vreman en konsern ki serye.

Ki nou bezwen fer mannyer pou nou aranz lafason ki nou bann zofisyé i konnekte avek bann fermye pou ki zot kapab donn sa servis.

Mon konnen pou dir resaman in annan bokou lanfaz lo anmas *statistics* pas kot laferm anmas lenformasyon lo kwa ki pe ganny prodwir. Me i osi annan sa bezwen pou anmenn sipor pou sa bann fermye pou ed zot dan zot prodiksyon ouswa pou kapab rezourd zot bann problem ki zot annan.

E mon krwar ki i annan en travay ki devret ganny fer la, e mon pou dakor avek ou ki nou

pou bezwen improve lo sa kote. E nou bezwen fer sir ki nou bann zofisyé i annan sa kapasite pou anmenn sa sipor.

Ou premye pwen ti konsern reform dan Gouvernman e ki mannyer i pou afekte *staff* dan SAA. Byensir letan ou fer reform ou pou annan serten morso ki pou bezwen ganny re aziste. Ou fer tou ou posib pou dimoun pa perdi son louvraz. Sa i kler.

Ou bezwen fer sir ki ou kapab sov louvraz dimoun, me selman nou bezwen konsyan pou dir nou pe par egzanp pran de lazans ki annan de, sakenn son servis finans administrativ nou pe met ansanm par egzanp.

E la ou pou bezwen pe met en lekip la, e i posib ou kapab annan an plis ou trouve, e nou bezwen koz fran. Nou pa vin fer letour sa bann size.

I pou annan serten travayer ki pou ganny afekte, me selman nou pa kapab deklare la ozordi pou dir, tel, ou tel dimoun ki pou ganny afekte. Me apre anmezir nou fer reform byensir nou pou koz avek sa bann dimoun ki pou ganny afekte.

E apre ou kapab rod lezot opsyon osi pou zot akow swa ou sey sov son *job*. E si ou pa kapab sey sov son *job*, la ou sey rod en opsyon kot ou

kapab plas li ki egalman i pa perdi son posibilite. Ou bezwen fer tou posib ki ou kapab pou evite ki sa dimoun i ganny afekte dan en fason drastik.

Me nou bezwen aksepte ki reform se reform, e reform i anmenn serten sanzman dan la fason nou *operate* e dan bann posibilite pou sak endividi dan sa sistenm.

Me tout fason nou ti a voudre ki sa prosesis, la nou pe al dan lafen Mars, an April nou pou komans met li an plas e nou a kapab komans vreman komans endik bann dimoun kote nou pou plas zot.

Me ki nou ti a voudre fer se ki nou annan en pli bon lyezon ant SAA avek MBA Lazans Biosekirite avek Lazans Lagrikiltir, nou bezwen pran sa bann resours e servi zot byen pou ki nou vreman kapab ganny en servis pou fermye ki marse e ki nou kapab vin efikas lo plizyer lapse.

Marketing Plan kot STC mon pa'n ganny bokou detay lo sa *Marketing Plan* mon mazine PS Moustache Avek CEO ki ti la avan zot a kapab donn en pe plis lenformasyon lo la. Me mon osi mon'n ganny en konversasyon bref avek STC lo size *Marketing* e mon krwar i annan ankor pou nou al ladan.

Nou bezwen al ankor en pe plis e asiz avek STC i tonm dakor. E *set* bann lobzektif ki realis. Mon santi letan monn koz avek STC poudir, e mon'n get bann *Minutes* bann diskisyon in ganny fer avek bann lasosyasyon osi.

Fodre pa nou fer tro bokou promes ki nou konnen nou pa kapab garde. So nou koz avek STC dan en fason korek nou ganny bann posibilite ki realis e apre nou kominik sa byen normal. Petet mon a demann PS si i annan okenn lezot pwen adisyonnal pou azoute lo la. Mersi.

MR SPEAKER

PS wi?

PS ANTOINE-MARIE MOUSTACHE

Onorab Chair. Mersi pou sa kestyon. Alor efektivman STC i en lakonpanyen paraetatik me i osi annan en lobzektif komers. Donk zisteman sa ki Minis pe dir la, alor ki mannyer nou an fasilitan fermye i antre dan lobzektif sa lakonpanyen?

I bezwen annan serten lazisteman ki bezwen fer. E mon krwar sa ki'n komanse i deza en pa inisyal. Donk nou panse ki nou bezwen rafinen anmezir nou ale, kapab zwenn lobzektif sa lorganizasyon parske i osi la pou kapab fer

tournen son lorganizasyon e reflekte, ki pe roul en biznes ki ase korek.

An mezir o fir an mezir nou pou bezwen antre ankor an diskisyon e kapab konpran ki meyer fason vreman pou arive pou satisfere sa demann ki annan de lapar bann manm;- sa lansanm fermye pou zot lavant zot prodwi.

Donk i en negosyasyon ki nou bezwen fer e i annan en kantite azisteman. Mon pa krwar, afen ki, sa i en keksoz ki nou bezwen vwar dan lavenir, ki *STC* pou kapab aksepte tou prodwi.

Vwala sa i enportan pou konpran davans, dayer alor nou bouz lo la e nou bouz an avan dan nou negosyasyon avek *STC*. Mersi.

MR SPEAKER

Mersi. Wi Minis ou annan keksoz pou azoute?

MINISTER FLAVIEN JOUBERT

Ekskize Mr Chair, mon krwar ti annan en 3em pwen konsernan asiste bann pti fermye pou adopte bann nouvo teknolozi. Mon krwar ma demann *CEO* pou dir de pti parol lo la. Mersi.

MR SPEAKER

CEO.

CEO LINETTA ESTICO

Mersi Mr Speaker. Sa i konsern bann pti fermye, aköz nou konnen lamazorite nou bann fermye anrezistre se bann pti fermye, ki nou apel zot bann fermye tradisyannel.

Be selman nou annan par egzanp *loan credit line* ki nou ankouraz sa bann pti fermye pou pran ki zot pa bezwen met okenn kolateral, pou zot kapab ganny serten fasilite pou zot kapab ogmant zot prodiksyon.

Apard ki servis ektansyon ki nou donn zot parey Minister in dir la nou bezwen fer sir pou dir nou bann *extension officer* i reste konekte ek bann pti fermye. Nou pa zis reste konsantre lo anmas *data* pou kapab fer nou desizyon.

Be selman ede, konnen ki zot problem laba deor pour nou kapab anmenn solisyon pou zot. Selman i annan serten servis, resers osi i al osi lo zot laferm pou fer bann *trials*, pou zot kot i neserer pour zot kapab ganny bann rezilta an ki konsern sa bann nouvo teknolozi.

Par egzanp si nou anvi en nouvo legren, en nouvo pestisid nou fer bann *trials* lo laferm avek lo Sant Resers tou.

MR SPEAKER

Mersi Onorab Arissol.

HON SANDY ARISSOL

Mersi Mr Chairman, bonzour Minis avek ou delegasyon, bonzour tou dimoun ki a lekout. Mr Chairman mon annan de kestyon mon ti a kontan demann *panel*.

Premyerman letan mon pe get zot '*major achievement*' i annan sa bann *loan* ki mon vwar zot in donner atraver *DBS* e osi atraver *EDF* pour plizyer keksoz. I annan i pou i pou konstriksyon *shade house*, i annan pour *purchase of equipment and development*.

Mon ti a kontan demann en kestyon an relasyon avek bann lekipman ki bann fermye i servi, parske dan mon distrik mon annan en zennonm in dir mwan demann zot, an relasyon avek bann lekipman.

Par egzanp si en fermye i anvi fer vini en pti *excavator* 1 tonn, eski i tonm anba sa bann *loan* ki zot donner? Parske i dir mon en pti *excavator* pour en fermye i ed li en kantite.

Dezyenmman mon dezyenm kestyon i an relasyon avek zot '*current challenges*', en keksoz ki enteres mwan en kantite, sa se "*overcrowding of the Victoria Market*." mon mazine nou pe koz *Sir Selwyn Clark*. Mon ti a kontan demann Minis zisteman avek madanm ki ansarz *SAA* pour sey dir nou kekfwa si Gouvernman i annan en plan an relasyon avek Bazar

Viktorya parey nou apel li, parske vre en landrwa ki plizyer dimoun i frekante, e nou annan plizyer fermye ki sorti lwen ek zot prodwi ki vin vann la.

Eski Gouvernman i annan en plan a lavenir kekfwa pour separ sa de, swa separ pwason avek legim, swa tir legim ek pwason, oubyen tir tou lede dan lavil, retourn zot dan distrik, eski Gouvernman i annan en plan an relasyon avek sa? Mersi bokou Mr Chair.

MR SPEAKER

Minis.

MINISTER FLAVIEN JOUBERT

Mersi Onorab pour ou de kestyon. Kot i konsern lekipman mon pour apre petet demann reprezantan Minister Finans pou fer en entervansyon lo la.

Sa bann *loan* ki pe donner anba *DBS* atraver *EDF* i sipoze kapab kouver *cost* en lekipman parey nou pe dir en *excavator*. Parske mon pans pa si i sot R1 milyon, e la aktyelman limit *loan* in ariv 5 milyon e mon mazine i posibil.

Me selman fodre nou fer sir mesaz ki nou pe pase avek bann dimoun. Akoz i annan serten lekipman ki mon pa konnen mannyer zot apel li petet an Angle. Mon krwar zot

apel li *dual use* ki ou pe enport li angiz lagrikiltir, ou ganny en *loan* en lentere ba e ou ganny en permi pou fer li vini tou zafer ou ganny ou bann *insentive* letan ou pe enporte. Me apre ou pe servi li pou al fer konstriksyon, akoz en *excavator* set en *excavator*.

I pa en lekipman laferm, so mon pa konnen si ou pou ganny klasifye koman en lekipman konstriksyon, e i pa pou *eligible*. Ouswa si ou pou ganny servi koman en lekipman laferm.

Petet si i annan serten latasman ki vin avek ouswa si son groser i pa vreman en *excavator* ki pou servi pou al lo en sit konstriksyon mon krwar i pou kapab pase. Me petet i pou enportan pour sa *panel* avek sa dimoun ganny diskisyon e konpran ki pe fer.

Me selman dan mon lespri mon krwar i pou posibilite me fodre ki sa *panel* zot kapab vreman al dan profonder sa dimoun e konpran son lentansyon ki i pou fer avek sa masin.

Overcrowding Sir Selwyn Selwyn Clark Market, Madanm Estico i konn byen bann detay i a kapab donn ou bann detay konbyen bann dimoun i annan eksetera. Me mon krwar in ariv ler pou nou pran en desizyon.

Me i pou enportan ki tou dimoun nou tou nou aliny nou

lekor lo sa desizyon. Bann diskisyon ki mon'n gannyen resaman se ki nou bezwen get lo sa size, mon krwar sa kestasyon ti leve yer ankor.

Eski nou pou kapab kontinyen avek pwason dan Bazar Viktorya? Mon tant pou mazin ki nou pou bezwen re-mazin solisyon e petet tir pwason e met li dan en lot sit.

E Minis Lapes in endik mon pou dir i annan en posibilite pou fer sa e apre reorganiz bazar. Sa i enn bann opsyon ki lo latab. Me byensir nou pou bezwen fer diskisyon ek bann dimoun ki dan bazar.

E mwan osi mon annan serten *meeting* ki sipoze ganny fer ek bann bazardye e mon krwar i pou enportan pou ganny lopinyon tou dimoun avan ki nou vreman pran en desizyon.

Nou pa kapab zis vini pran en desizyon drastik e apre vwar nou avek bann dimoun ki pa dakor avek pozisyon ki nou'n pran.

Me mon krwar i enportan ki dimoun i konsyan ki nou'n ariv en pwen kot sa bazar petet lakantite dimoun ki pe servi li i depas son kapasite pou li kapab fer fas avek sa bann lenpak ki annan. Mersi.

MR SPEAKER

Eski *PS* i bezwen adrese oubyen i'n kler?

PS DEMIEN THESEE

Mersi Mr Chair, bonzour. Bonzour tou manm Onorab *Well* kriter pour *ADF Scheme* i kler li, i annan sa bann provizyon pour *replacement* oubyen *purchase* of nouvo *equipment, machinery and tools*.

Me selman nou bezwen konpran sa aplikan spesifikman, petet fer nou ganny sa detay sa aplikan pou nou konnen ki son *issue* spesifik. Akoz bokou fwa ler bann *appeal* i vini la, ou vwar i annan serten kondisyon ki i pan *meet*. Parey Minis i'n dir si sa lekipman i pa neseserman pou laferm *then* pou annan sa bann konstrent koumsa. Mersi.

MR SPEAKER

Wi Onorab si oule leklersisman.

HON SANDY ARISSOL

Mr Speaker en pti leklersisman. Mersi Minis pour larepons, mersi *PS*. Letan mon'n tann Minis dir kekfwa an relasyon avek bazar, fermye avek peser, nou bezwen osi pran kont ki nou annan en pti group ki nou apel zot bann bouse, ki zot osi zot la dan bazar e zot dan kondisyon en pe pa tro normal an relasyon avek kalite prodwi ki zot vann.

E osi letan nou pe koz bazar mon'n toultan demann sa kestyon parske nou annan *building pagoda* obor ki pe al ouver byento, ek tou sa bann bazardye ki dan semen Lari Benezet ki la ki tousala i kre en konstrent, e lo larepons ki ou'n donner mon mazine Gouvernman pou bezwen pran en desizyon a lavenir. Mersi bokou Mr Chairman.

MR SPEAKER

Mersi Onorab. Minis eski ou bezwen adres sa?

MINISTER FLAVIEN JOUBERT

Wi Mr Chair, *thank you*, mon ava fer ankor zis en pti komanter lo la. Lari Benezet mon dakor avek ou ki nou bezwen organize. Mwan en keksoz ki mon'n war letan monn al Lari Benezet 6er diswar i ki i annan bann vye transpor ki'n park la, ki reste la an permanans e nou lentansyon se tir li.

Nou pou bezwen fer sir ki nou eklersi landrwa, nou pa kapab annan en melanz vye transport. Mon konnen i annan en pe problem stokaz, mon mazine ki pe ganny servi par sa bann transpor.

Me selman i kree en problem li menm e i agrav sa sityasyon. Bouse i annan bann demars pou bouz bann bouse dan nouvo fasilite.

Mon krwar 2 zot in pare pou antre dan nouvo fasilite. E apre dan plan ki pe vini annan bann prozeksyon pou nou kapab adres sa bann ki pli dan bann vye lenstalasyon ki ti pou bouse avan.

E sa i dan plan pou sa lannen pou nou kapab rezourd sa kote. Alors nou ekspekte ki lafen 2021, nou ava kapab petet dan en pozisyon kot nou ava kapab petet met en pe lord ek en pe lapropte sirtou kot bouse i konsernen, akoz mon konnen vreman i demann en amelyorasyon laba. Mersi.

MR SPEAKER

Mersi. Onorab Loze.

HON JOHAN LOZE

Mersi Mr Speaker. Bonjour tou dimoun. Mr Speaker mon premye kestyon. Minis *sorry* mon konnen monn koz avek ou lo *food security* yer, e ou ti donn mon en tre bon larepons.

Me ozordi mon le koz an term dimoun kot lakour. Mon fek tann zot dir annou al dan direksyon asiste bann pti ferme, pou adopte nouvo teknolozi. Be mon pe mazin dimoun kot lakour sirtou an relasyon avek *poverty alleviation*.

Mon pa konnen si vreman SAA pou nobou. Mon konnen ti annan en proze anba *CLISSA* en pe letan pase kot

zot ti pe edik dimoun ki mannyer pour plant kot lakour me plant dan bann fason tradisyannel.

Sa osi mon krwar sa ti entre bon linisyativ, me ki mannyer eski pou posib pou nou anmenn nou bann fanmir pour sirtou bann ki pli dan bezwen pour prodwi en serten poursantaz zot lanouritir kot lakour menm.

Mon konnen i *jumps to mind* ki tou dimoun i reste an flat konmela, mwan osi mon reste an flat be selman nou annan en pti *amount of* prodiksyon, zepis nou pa aste *anymore*. So i annan fason fer li.

So si konesans, ki mannyer pou anmenn konesans a laporte dimoun. Nou pe osi diskit *processing* e lamazorite keksoz ki nou pe diskite nou selman i lo en baz nasyonal.

Mon pe plito adre lo nivo fanmir Seselwa, keksoz ki kapab benefisyte fanmir. Minis ou ava dakor avek mwan ki nou'n perdi nou bann konesans tradisyannel. Konfitir ti en form konservasyon, asar i en form konservasyon.

Tousala i bann form kot ou pran sa bann viv letan i an abondans ou konserv li pou ou gannyen plitar. Mon prezimen ki frizider in fer nou perdi sa bann konesans, in fer nou

perdi nesesite pou konserve pour le fitir.

So nou napa *processing*, menm lo nivo lakour lo nivo lafanmir nou'n bliye pou dir sa bann keksoz. So si posib ki mannyer nou re-edik lafanmir Seselwa, ki mannyer nou re-anmenm sa konesans kot lafanmir Seselwa ki "*look*" ou kapab konserve ou kapab prodwir (1) e (2) ou kapab konserve pour lefitir atraver bann metod ki nou'n toultan annan, vi ki nou pe koz osi lo *processing* e konservasyon.

Mon dezyenm pwen Minister, si ou pou al fer resers kot arsiv tradisyannelman later lagrikiltir Sesel i ganny anrezistre koman "*under coconut*". *Land under coconut* sa i akoz lamazorite later lagrikiltir ti bann plantasyon koko Sesel.

Mon lev sa zafer "*land under coconut*" akoz enn bann komodite pli presye ki nou annan Sesel se *coco de mer*. *Now*, koriz mwan si mwan mon mal Minister, mon pe mazine *is it such a far stretch* pou mazin nou en pei ki'n perdi tou nou bann *coconut plantation*.

Akoz i pa *such a valued crop anymore*, be vi ki annan en laswaf, en lafen pour *coco de mer* Lazi, *is it such a far stretch* ki nou kalkile, nou avize ki pa neseserman bann gran plantasyon *coco de mer*,

be at least tou laferm i kapab annan li en 4, 5 pye, en dizenn pye *coco de mer* pour evantyelman ed zot soutenir zot biznes koman laferm, sirtou la koman nou pe komans koz lo bann zenn ferme atraver lasemans.

E Minis mon krwar ou ava dakor ek mwan ou, ou pou konnen pou dir i pa pran en femel *coco de mer* 25an anymore pou li *come to fruition*, sa i zis en keksoz ki mon ti a kontan ganny sonn ou lopinyon lo la.

E si zot a kapab komans *put the knowledge out there* ki sa i en keksoz ki ti kapab ganny fer osi.

Mon dernyen pwen Minister. Nou koz bokou dan bann lannen pase, nou'n detri lendistri, nou'n detri lapes, nou'n detri lagrikiltir, be la ki *COVID* pe montre nou se ki san Lendistri Touris nou annan *overproduction* dan serten sa bann keksoz.

Nou annan sir prodiksyon pwason, nou annan sir prodiksyon serten legim. La nou pe tande konstaman ki Praslin i annan problem sir prodiksyon li osi kot nou pou bezwen antre dan parey nou pe dir *processing of the raw material and storage*.

Sa ki mon pe mazine Minis, eski zot pe anvizaz annan en yunit dan departman kot zot kolekte e

analiz data lo prodiksyon lagrikiltir Sesel?

En fason pou *analize* bann *trends* konsonmasyon ek prodiksyon ki zot a kapab finalman *advise* fermye baze lo done syantifik, *look*, prodwi sa dan bann tel, tel mwan e i a vann.

Prodwi tel, tel keksoz dan bann tel tel mwan e i vann. Mon ti pe mazin en pe lo la, si i kapab en keksoz ki zot kapab konsidere, pou ed kantmenm dan lefitir, pa la dan limedya, pour ed sa bann prose al en pe pli vit e pli byen. Mersi Mr Speaker.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pour ou trwa kestryon. Mon pou pran sa enn dezyenm an premye, akoz mon war li pli fasil pour reponn. I deza annan en *Scheme* pour *coco de mer* e zis en dimoun i apros swa Departman e Lanvironnman e Departman Lanvironnman i kapab donn zot tou lenformasyon ki mannyer zot kapab aste en *coco de mer* a en pri redwi, pou plante.

E si en dimoun ki annan en landrwa ki pe fer lagrikiltir lo la i anvi plante i osi kapab fer sa.

Me selman annou rapel ki later lagrikiltir i annan en *lease* ki al pour en peryod limite. En pye coco de mer son lavi i al bokou pli long ki sa *lease*. Alor i enportan ki sa dimoun i reflexir byen. Normalman sa *Scheme* i plito pou bann later prive, bann endividi.

Me selman nou konnen i annan ase later prive ki zot kapab plant en bon pe *coco de mer* dan Sesel.

Oun koz lo *food security* kot lakour, mon krwar i en keksoz enportan pour edik nou bann dimoun. Parey ou'n dir tou dimoun, menm si ou reste dan en flat ou merit kapab prodwir en pti keksoz pour ede avek nitrasyon ou fanmir.

Mon pou les *PS* avek *CEO* koz lo la en pti pe me selman i annan en pwen ki mon ti a kontan petet fer sorti osi lo kote lagrikiltir kot lakour.

I annan en serten lapros ki nou ti pe pran, letan mon ti kot *LWMA* pa egzanp pou ankouraz *composting* e ankouraz retilizasyon ban *green waste* ki nou annan, pou fer ki nou aktyelman *supply* bann dimoun avek materyo pou zot plant avek.

E mon krwar sa i kapab ganny fer dan plizyer landrwa e nou ti pe ankouraz sa pou ganny fer Persevance par egzanp. Ki ou kapab annan en

dimoun ki lokalman pe *supply* materyo.

Akoz enn bann kontrent ki nou remarke se ki bann dimoun zot le fer lagrikiltir kot lakour, zot le plant dan bann diferan pti *container* par egzanp. Me zot bezwen ganny akse avek materyo pour zot plant ladan. E si ou annan sa koneksyon ant plante kot lakour, lafason ki nou pe reutiliz nou salte par egzanp, *then* ou kapab annan sa keksoz ganny fer byen.

Akoz mwan, mon'n okouran pou dir sa bann keksoz i vann vreman ser, i vann par bal e i annan bokou dimoun ki al vann partou me i vann vreman ser. E si ou kapab annan dimoun ki pe *supply* sa regilyerman avek bann lakour, i pou ankouraz ban zabitan pou aktyelman fer plis lagrikiltir;- enkli lavant bann pti plan, parey mon konnen lekol Perseverance ti pe fer avek bann zabitan, in mars tre byen.

Kot i konsern younit pour statistik, pour enform bann fermye, i deza annan en younit ki pe anmas lenformasyon lagrikiltir, me selman zot pe anmas lenformasyon lo prodiksyon laferm. E osi zot pe kolekte tou bann lenformasyon konsernan lenportasyon.

Mon krwar sa younit i merit kapab al en pti pe pli

lwen, parey ou pe dir get bann tandans dan diferan sezon. E osi fer sorti lenformasyon aköz la en lot keksoz ki pa pe vreman ganny fer ase lo sa nivo. Se fer sorti lenformasyon avek dimoun.

Mon aprann par egzanp ki ti annan en bilten ki ti sorti pou bann fermye lontan, en ptipti dokiman ki sorti mon krwar tou le 3 mwan, tou le *quarter*.

Me i pa pe ganny prodwir sa bann pti keksoz, e mon krwar ki sa bann pti keksoz koumsa ki ou kapab servi pou fer sorti lenformasyon pou fermye.

Deza SAA i annan en *SMS service* pour tou fermye ki anrezistre, me ou kapab enform zot pou dir ki i annan sa dokiman ki pe sorti ouswa atraver lezot form medya, donn zot sa bann lenformasyon zot ava konpran bann lenformasyon ki pe ganny prodwi.

Alor lenformasyon ki pe ganny prodwir par sa younit i plito pou konsonmasyon entern me i kapab ganny anvoye deor pour ki dimoun a benefisye, zot ava konpran ki mannyer pou planifye zot travay dan prodiksyon.

Mon ava demann petet PS pou koz en pti pe lo *food security* kot lakour. Mersi.

MR SPEAKER

Mersi PS.

PS ANTOINE-MARIE MOUSTACHE

Mersi Onorab Chair. Mon ti a swete reasir Onorab ki dan konteks teknolozi pou prodiksyon otour lakour, ki nou annan en plaster pour tou boubou ki kapab egziste dan prodiksyon otour lakour.

E nou ti etal sa bann plaster sa bann pti teknolozi dan bann rankont ki nou ti fer anba sa proze *CLISSA*. Petet sa moman nou ti napa partisipasyon parey nou ti a swete.

Me deza nou'n komans en seri programm avek *SBC* e nou swete ki diran kour sa lannen, nou pou servi detrwa sa bann programm pou kominik an plizyer okazyonn sa bann pti teknolozi ki dimoun i kapab valorize kot lakour. Kesewa ou lakour i ater, oubyen i lo 3enm letaz.

I annan fasilite ki ou kapab servi e fer li byen menm. E sa nou pou konsider li koman bann posibilite ki kapab anmenn detrwa pti keksoz, ki sa lafanmir i konsonmen olye tay bazar sanmdi bomaten.

Dayer, yer nou ti fer sa sorti kler ki *home gardening* pa la pou fer konpetisyon avek bann prodiksyon komersyal. E sa i kler. Mon krwar tre prosennman nou devret promouvwar sa lide otan ki

annan en nosyon ki "anou lasante i nou responsabilite" mon krwar nou bezwen komans fer sa promosyon, sa lide ki "nou lestoman i osi nou responsabilite."

E tou dimoun i annan posibilite fer sa. Donk nou pou servi kominikasyon televizyon e petet radyo pour kapab anmenn sad an laporte. Yer osi mon ti fer sort osi lefe ki nou kolaborasyon avek bann lekol, pou asire ki i annan plan, bann prodwi konsomab ki bann lekol aporte a nivo distrik.

Donk i a alimant sa bann lakour ki dan distrik, par sa bann pti plan e sa i ava ed zot zisteman pou kapab ganny sa bann plan neserer. E parey mon'n dir nou annan tou mwayen ki a nou dispozisyon. Kominikasyon pou enn, i enportan. Mersi.

MR SPEAKER

Mersi. Onorab Roucou.

HON MICHEL ROUCOU

Mersi Mr Chair. Bonzour *panel*. Bonzour tou dimoun ki a lekout. Minis mon osi parey Onorab Sandy Arissol, mon osi mon annan en pti group ki dan mon distrik ki anvi demann ou de kestyon. Zot pe demande eski sa *subsidy* ki bann fermye i gannyen eski i pou kontinyen?

E apre osi mon 2zyenm kestyon lo kote laboratwar. Kantite laboratwar ki pou Gouvernman, e eski Gouvernman i annan plan pou konstrir lezot laboratwar ankor dan pei? Mersi.

MR SPEAKER

Mersi Minis.

MINISTER FLAVIEN JOUBERT

Mersi, Mr Chair. Mersi Onorab pour ou de kestyon. *Subsidy* ti ganny anonse dan ladres Bidze e i pe reste ziska ler i annan okenn revè par Gouvernman. Me selman aktyelman i pe reste parey i ete ozordi e nou pa ekspekte ki pou annan okenn sanzman dan lefitir ki pe vini.

Laboratwar, i deza annan de laboratwar Grand Anse e sa de laboratwar i kouven bon pe bann bezwen dan lagrikiltir. Nou pou gete. Akoz enn bann keksoz ki mon pe fer la se pou gete si ou kapab re demar serten program, pou nou ganny ankor lasistans pour nou devlop plis dan fasilite otour laboratwar.

Me nou bezwen fer sir ki letan nou fer laboratwar nou annan dimoun pou fer li marse, pou fer li fonksyonnen. E nou osi annan bezwen pou sa bann tes. Alor nou bezwen fer fasilite laboratwar i bezwen

adres spesifikman nou bann bezwen dan lagrikiltir.

Yer nou ti koz lo par egzanp pestisid, nou bezwen mazin byen, eski nou kapab teste pour bann rezidi pestisid dan manze? Eski nou kapab tyek bann prodwi dan lavyann dan pei?

Nou bezwen fer sir ki nou laboratwar ki nou pe konstrir ek bann fasilite ki nou pe fer pe adres bann vre bezwen. E mwan en bann bezwen ki mon krwar nou devret pe al ladan se ki nou bezwen elev standar nou bann prodwi ki nou met lo marse.

E pou nou elev standar ou bezwen teste akoz nou pe koz organik, nou pe koz tou sord kalite standar e nou pe koz nou bann lavyann ki nou prodwi lokalman kapab akse *market*.

Par ekzanp kot bann lotel pe aste zwenn zot bann standar ki pe demande me pou nou fer tousala nou bezwen annan fasilite teste. Me an menm tan mon krwar osi ki nou bezwen mazin parey en pei, nou annan plizyer landrwa pou fer tes dan pei.

E petet parfwa i pa nesese ki nou tou nou aste menm lekipman ouswa nou tou nou fer menm keksoz. I pli bon ki diferan laboratwar i konplemant kanmarad. Ou annan Lasante, ou annan SBS, ou annan, ou annan mon

krwar de laboratwar prive, ki pe demare.

Ou annan Lagrikiltir, ou annan menm liniversite, e nou kapab konplimant kanmarad e fer sir ki letan ou bezwen en fasilite ou kapab al kot enn, ouswa al kot lot.

Mon krwar i pli fer sans pou en pti pei parey Sesel. E me selman byensir si i annan bezwen nou pou bezwen azout ankor fasilite laboratwar pour adres bezwen dan Lagrikiltir.

MR SPEAKER

Mersi Minis. Onorab Aglae.

HON EGBERT AGLAE

Mersi Minis. Speaker. Minis bonzour ek ou delegasyon. Minis premye kestyon mon ti a kontan eklersi, an vi ki nou pe fer fas a en pandemi e i souvandfwa nou war nou ek bann restriksyon mouvman.

Petet ki rol SAA in zwe an plis pou kapab soulaz bann ferme, pou zot kapab epanouir dan zot domenn an se ki konsern premyerman *marketing* ki'n osi en konsern pou bokou ferme, wi ou prodwir, nou'n koz lo la mon krwar yer ankor me ki ou fer avek sirplis? Sa i enn.

Dezyenm form inovativ pou petet, parey dan letan restriksyon kot dimoun i reste anndan, pou sey sorti pour anmenn prodwi ver dimoun dan plas dimoun pou vin ver

prodwi li menm. Ki sipor zot pe mazin kontinyelman donn bann ferme pour *attend* sa lobzektif, pour zot osi *attend* pour zot kapab vann zot prodwi?

Dezyenm Minis, mon konnen poudir lanons ki SAA pou *phase-out anytime soon* me ler ou pe get lobzektif SAA li menm li, i annan 3 lobzektif prensipal, sa se pou asir sekirite alimanter pour pei, ede dan kontribisyon anver nou *GDP* e osi modernizasyon e devlopman.

Eski zot krwar poudir pou annan en lefe pozitiv anver sa desizyon li menm ouswa nou pou war nou pou annan retonbe negativ ki pou eleve apre?

Akoz rezon pou kree lazans, mon krwar an 2009 e i ti vin ek son Lalwa, se zisteman pour kapab annan Minister ki annan en *oversight* e lazans li i enplimante. Me la nou war nou pe retourn *back* lo en vye sistenm, ki ti koz nou en pe problem mon kapab dir.

E deryenman Minis, kot i konsern '*security and enforcement*,' petet CEO Lazans a reponn. Mon war i annan en redisksyon sorti 2.5 milyon pou vin 2 milyon dan sekirite.

E Gouvernman i anons lentansyon osi pour revwar bann sekirite. Kwa ki'n koz sa

rediksyon? E eski zot pe osi mazinan annan lezot fason sekiriz zot bann *premises* a lavenir? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pour ou 3 kestyon. Mon pou les CEO SAA pou eksplik brefman sa size ‘*security and enforcement*’, sa rediksyon.

MR SPEAKER

CEO.

CEO LINETTA ESTICO

Mersi Mr Speaker. Konsernan sekirite lo *premises* Lazans, *in fact* Lazans i annan 6 *premises* ki bezwen ganny sekirize. E lannen pase nou ti deza annan kontra avek serten *service provider* pour kapab *secure* nou bann landrwa.

Malerezman nou bann kontra i fini lafen Fevriye prezan nou an negosyasyon avek Minister Finans pour propoz en lot fason fer ki konsern sekirite. Akoz dan sa propozisyon ki nou pe fer nou pe propoz pour diminyen en pe bann *rate*, ki nou pe pey sa bann *service providers*.

E nou pe *propose* pour nou fer en *saving at least 2. something million* e nou ankore

an diskisyon ek Minister Finans.

Akoz nou bezwen kontinyen asire ki sa bann landrwa i ganny *secure*. Parey nou’n tande bann sekirite ki sipoze lo bann *premises* i bezwen ganny redwir dapre bann *speech* ki’n ganny dir.

E nou pe fer nou mye pou nou kapab kontinyen donn sa *service* nou bann *premises*, be selman sa i an diskisyon avek Minister Finans.

MR SPEAKER

Minis lekel ki pou kontinyen?

MINISTER FLAVIEN JOUBERT

Mersi Mr Chair. Onorab in demann kestyon kot i konsern manda SAA ek sa entegrasyon dan en departman, apre mon ava al lo son premye pwen. Sa bann fonksyon SAA, son bann manda SAA i pa pou disparet li.

I pou ganny abzorbe dan sa bann departman e sa bann manda pou kontinyen reste. E alor i pa neserman vin en problem pour fer sa bann manda fonksyonn dan en striktir Lazans, ouswa dan en departman.

Parey ti ganny eksplike bann rezonnman par deryer reorganizasyon, enn sete pou koup lo depans e lot se osi efikasite, e nou bezwen fer li fonksyonnen. Gouvernman in

pran en desizyon pour nou fer li dan sa fason.

E i posib pou fonksyonnen dan sa fason e se a nou prezan pour nou fer li marse avek *maximum* efikasite. Alor petet i pou en diferans dan lafason ki nou war keksoz, me selman mon krwar i kapab ganny fer marse dan sa fason ki'n ganny propoze.

E nou pou bezwen fer li fonksyonnen akòz bann fonksyon i reste parey, bann resours i reste parey, bann dimoun i reste parey e alors nou merit kapab fer li fonksyonnen efikasman.

Sipor pour bann fermye, mon dakor ek ou ki nou bezwen konekte nou bann fermye avek kliyan. Yer mon ti koz lo en legzanp bann keksoz ki nou ti fer resaman kot nou pe al lans en sistenm ki baze lo medya sosyal, pour kapab konekte bann vander avek aster.

Me mon ti a kontan pas laparol avek *PS* avek *CEO SAA* pour petet koz en pe lo lezot mezir ki'n ganny met an plas dan sa dernyen lannen pour asiste bann fermye sirtou dan sa bann letan ki nou'n ganny rediksyon dan marse pour zot bann prodwi. Mersi.

MR SPEAKER

Mersi. Lekel ki pou reponn?

CEO LINETTA ESTICO

Kot i konsern *marketing* dan lazans limenm i annan en nouvo younit ki ti ganny kree egzaktaman pour asiste nou bann fermye, konekte zot avek bann vander, bann aster.

E sa Lazans pe fonksyonnen e i anmas bann data kot bann fermye - sirtou par atraver bann *extention officers*. Savedir bann *extension officers* sipoze *provide* sa younit, kan bann fermye i annan bann prodwi ki an ekse.

E la *marketing* i sey konekte zot ek bann *provider*, spesyalman *STC*. Akòz la nou pe travay for avek *STC*, par egzanp lo kote *broiler* nou'n avans bokou devan avek sa. Nou annan serten kontra ki *STC* in sinyen avek serten fermye.

Sa ti koman en pilot e la nou an negosyasyon pour reviz sa pilot akòz i annan ankor nouvo fermye ki anvi sinyen kontra avek *STC*.

Akòz nou'n entrodwir sa *contract agreement*? Akòz bann fermye i garanti poudir sa ki zot pe prodwi lo zot laferm i annan en *supplier* ki pou bezwen, en aster ki pou aste ek zot.

Akòz nou bann fermye zot pe konsantre plis lo prodiksyon, zot ti a kontan kontinyen prodwir e nou nou'n *provide* sa bout *marketing*

service pour ed zot pou zot kapab defalke zot bann prodwi ki lo zot laferm.

E osi nou an diskisyon avek *Buy and Sell* atraver Minister pour nou kapab annan en paz kot ferme i kapab met zot bann prodwi, *advertise* zot bann prodwi lo *Facebook*.

E deza SAA in komans pey sa paz e tre byento nou pou lans li. E la ankor ferme pou kapab *feed* dan sa paz e osi nou *marketing unit*. Savedir piblik pou konnen ki annan *out there* ki pe vann e ki pri e bann kontak sa bann ferme, sa pou sey link bann ferme avek zot bann konsomater.

MR SPEAKER

PS i annan keksoz pou azoute? Wi, i annan keksoz ki pa'n reponn?

HON EGBERT AGLAE

Mr Chair, en *follow-up*. Mersi pou larepons Minis ek *CEO*. *CEO* lo kote sekirite ou'n fer resorti ki kontra i fini le 28. Ki pe arive an se moman la, eski i annan en diskisyon ek Minister Finans pou fer *extensión*, an vi ki zot pe travay la?

Eski zot pou ganny en saler e si i annan en *extension* pour ki? Akoz la zot an defo avek Lalwa la. E dezyenm mon ti a kontan petet si i annan

posibilite pour parey ou'n dir pou servi bann *online platform*, pou zot kre en divizyon *marketing* dan en sans dan sa laliny dan sa Departman pou kapab ede. Akoz ler ou pe kree en platform i bezwen annan sipervizyon, i annan dimoun ki pe bezwen asiz avek sa.

So si dan sa laliny zot pou annan en pti divizyon ki pou ede donn sipor pou sa bann *marketing* sa bann ferme. Mersi.

MR SPEAKER

CEO.

CEO LINETTA ESTICO

Lo ki konsern divizyon parey mon'n dir avan i deza egziste en *marketing unit* ki pe fer egzaktaman sa. Sa *marketing unit* ti ganny kree an 2019. E se zot ki pou responsab sa platform.

Nou annan dimoun deza *full time* pour zot kapab donn sa servis. Lo ki kote konsern sekirite kekfwa mon a demann PS Thesee pour fer komanter lo la. Akoz nou'n fini *submit* nou propozisyon e nou garanti pou dir ziska Mars zot pou ganny peye. Selman apre Mars i dan sa *proposal*. Be selman nou bann *service provider* i ankor lo teren pe *provide* sa *service*.

MR SPEAKER

Mersi. *PS* ou annan okenn keksoz pou azoute?

PS DEMIEN THESEE

Mersi Mr Chair. Parey nou konnen nou'n met en *tender out* deor pour envit bann lakonpanyen oubyen endividi ki annan sa kapasite pour fer en revi lo sekirite bann lofis e Departman Gouvernman.

E *POU* pe travay lo la e posibilite pour kominik avek bann Minister pou donn *extension* bann lakonpanyen ki annan kontra *already* ziska ler sa revi i fini. Mersi.

MR SPEAKER

Mersi. Nou a pran en poz la e nou a rebran 11:05.

(BREAK)

SEYCHELLES
AGRICULTURAL AGENCY
(cont)

MR SPEAKER

Minis i le pran en moman pou fer en pti leksplikasyon lo en size ki'n deza ganny kouver. Minis.

MINISTER **FLAVIEN**
JOUBERT

Mersi Mr Chair. Yer dan sesyon bomaten ti annan en kestyon ki ti sorti kot Onorab Aglae konsernan taks pour ferme e apre ki mon ti'n

reponn en bout sa kestyon *PS* Thesee ti osi fer en *statement* e mon krwar apre *statement* in koz serten konsern parmi bann ferme.

Mon'n ganny enn de bann *call* yer swar. E mon krwar i zis enportan ki mon met lo rikord ki pozisyon Gouvernman kot i konsern taks pour ferme, i alinyen avek sa pozisyon ki ti sorti dan en *statement* sorti *State House* swivan en diskisyon avek Prezidan ek bann group ferme le 12 sa mwan. Savedir Vandredi pase.

E ziska konmela pozisyon Gouvernman i sa. I annan bann ale, retour ki pou bezwen ganny fer ant bann ferme avek Minister Finans pou finaliz tou bann detay final, ki pou ganny aplike konsernan taks pour bann ferme.

E apre sa ava ganny kominike. E byensir Lasanble ava ganny enformen e si i annan okenn deba lo la i ava ganny fer. Me pour le moman pozisyon Gouvernman i alinyen avek sa *statement* ki ti sorti swivan *meeting* le 12, Mersi Mr Chair.

MR SPEAKER
Onorab William.

HON WAVEN WILLIAM

Mersi Mr Chairman. Bonzour Minis avek ou lekip. Bonzour tou dimoun ki a lekout. Mr

Speaker mon trwa kestyon i konm swivan;-

Premyer kestyon i annan pou fer avek bann proze. Mon ti a kontan si *PS* ouswa *CEO* i kapab eksplik mwan en pti pe lo pozisyon sa semen Helvetia semen lagrikiltir, konbyen larzan ki'n ganny depanse lo la? E konbyen ki reste pou depanse?

E si i kapab donn nou en pti pe lide sa *water barrage* zot in dir zot in konstrir La Misère, ki bor i ete?

E an menm tan lo proze mon war poudir i annan en sonm larzan pou *disilting* e eski *disilting* i osi konpri osi serten bann larivyer ki nou'n deza koz lo la? Ki pe koz serten ankonbreman pou bann fermye Grand Anse?

Mon dezyenm kestyon Mr Chairman, Minis, mon'n ekout zot yer, mon'n ekout *CEO* bomaten kot i konsern sa *marketing unit*. Mwan mon anvi demann zot si letan zot pe fer bann negosyasyon avek *STC*, si bann fermye osi i annan serten reprezantasyon fermye dan sa *meeting* ki zot fer lo *size marketing*?

E an menm tan eski sa younit pe pran kont ki fermye in fer serten demann pou serten bout later an menm tan sa lide en *wholesale open market*?

So ki zot pwennvi lo la, akoz i annan en tandans ou a

krwar pou dir be fermye pe koze li, me selman letan Gouvernman i pran bann desizyon, petet i pa vreman reflekte en pti pe lo vreman sa ki fermye ti a swete trouve baze lo zot problem ki zot pe fer fas avek?

Dernyen kestyon, Minis mon rapel dan bann lannen '80, nou pa ti sitan devlope me ki mannyer lagrikiltir ti ete dan Sesel, nivo nou bann teknisyen, la mon pe koz msye Antoine Young, defen msye Alex Mein, defen msye Racombo, mon rapel ki ler mon ti Kolez ti annan defen msye Clifford Adam ki ti vin donn en *talk* Kolez pou sey ankouraz bann zenn pour pran lagrikiltir.

E mwan mon ti enn parmi 4 bann zenn ki ti rantre dan lagrikiltir an '81 e sa ki mon ti vin zwenn e sa ki mon pe vwar konmela mon vwar pou dir i annan ankor bann gran defayans.

So mon anvi demande par lefe ki si *extension officer* ki lo teren i annan sa dialog avek bann fermye, e mon santi pou dir lo baz *bookkeeping*, *data*, an menm tan lo *scientific research*, mon santi pou dir i annan bann gran, gran febles.

So ki poursantaz larzan ouswa ki nouvo lapros zot anvi pran avek sa seksyon ki konsern *extension*? Akoz si *extention section* pa for mon

santi poudir sa relasyon ant Minister koman fasilite e ferme koman prodikter, mon santi poudir si sa entermedyer i pa for, pour li kapab enterakt an menm tan fourni lenformasyon, an menm tan lo bann *research material* avek lenformasyon, mon santi poudir nou pou kontinyen annan bann defayans.

So mon ti a kontan ganny en pti pe leklersisman lo la. Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pour ou bann pwen. Mon pou demann *CEO* pou elabor lo proze semen, baraz delo La Misere e osi *desilting*. E apre nou ava koz lo sa de lezot pwen. Mersi.

MR SPEAKER

Mersi. *CEO*.

CEO LINETTA ESTICO

Mersi Mr Speaker. Lo ki konsern semen Helvetia sa ti en proze ki ti dan nou lalis *unfunded* e nou ti komans li lannen pase. E i en semen ki benefisye serten ferme kot Helvetia e *contract sum* pour sa proze i 3.8milyon.

Sa semen i 90% konplet akoz i annan bout adisyonnèl

ki nou bezwen fer pour serten ferme. En lot ferme i annan en pti bout adisyonnèl ki nou pou azoute.

E ki i reste pou fer lo sa semen se plis pou met koltar e sa ki pou ganny fer par *SLTA*. Lo kote baraz, nou ti pe fer baraz La Misere pour fourni delo pou bann ferme lo kote Beoliere e sa proze ti komanse, ti ganny *tender* lannen pase.

Me malerezman nou pa ti ganny ase *bidders* e la nou ti ganny demande pou *retender* e sa proze pe ganny *retender* dan dezyenm *quarter* sa lannen.

Lo kote *desilting* parey nou konnen tou le zan lazans i ganny larzan pou fer sir pou dir bann *secondary drains* lo bann laferm. Akoz lazans i responsab pour bann dren segonder lo bann laferm. E bann *main drains* i ganny responsab par *CAMS*.

Savedir si nou bann *secondary drains* i konekte avek larivyer, nou bezwen travay ansanm avek *CAMS* pou fer sir nou fer li annord, konm fodre. E sa lannen nou'n ganny 2milyon pou fer tou bann proze drenaz lo Mahe e Praslin e ki neser osi lo La Digue.

MINISTER FLAVIEN JOUBERT

Ok, mersi *CEO*. Mr Chair nou pou adres sa de lezot pwen.

Konsernan *marketing unit* negosyasyon avek *STC* parey in ganny demande par Onorab. Eski nou pe eksplik sa bann fermye dan negosyasyon? Mon ava demann *PS Moustache* pour reponn sa keston selman lenformasyon ki mon annan i montre ki i annan lenplikasyon bann fermye dan sa bann negosyasyon, me selman mon a les *PS Moustache* elabore. Mersi.

PS ANTOINE-MARIE MOUSTACHE

Onorab Chair. Mersi pou ou keston. Sa *unit* ki dan Lazans Lagrikiltir ti ganny monte letan plan konpreansiv ti lanse, parske a sa pwen zot ti konpran tre byen poudir esansyelman i pou bezwen annan kek fasilite ki lazans i met a dispozisyon fermye, pou kapab arive defalke zot prodwi.

Me nou konpran tre byen osi ki atraver letan 2019, 2020 an partikilye keksoz in agrave kot debousman prodwi fermye ti pe vin pli difisil. I ti annan tre pe debousman ki i ti kapab met lanmen lo la.

Donk sa *unit* ti vwar li avek en pe travay ekstra pou li kapab arive ed fermye pour defalke son prodwi.

E kontak ki ti pe fer petet pa ti sifizan. Taler nou'n konpran ki mannyer poudir ki

STC ki enn bann landrwa ki nou ti pe debous sa bann prodwi, pa ti neserman kapab prodwi tou.

Me pli ale keksoz in agrave me nou, nou'n arive konpran poudir difikilte se vreman prodiksyon dan en domenn pa pe zwenn konsonmater dan en lot domenn. E i ti annan sa ka klasik avanter lo televizyon ki dir ton pwason, vwala.

E finalman *SBC* ti fer le neser pour kapab fer sa kontak anmenn tou lede ansanm.

Esansyelman letan pou al an avan, anmezir ki keksoz petet i vin ankor pli difisil, nou pou bezwen kapab angaz fermye ladan. Me rapel pou dir sa linite li, atraver sa paz ki nou pou met a dispozisyon bann fermye i zisteman pour ed sa fermye;- pa neserman kot i vin la kot nou, me i les nou konpran atraver en sistenm komunikasyon ki annan, a ki pri.

E nou, nou servi li koman sa platform pou anmenn sa lenformasyon dan disponibilite konsonmater potansyel.

Donk i annan enteraksyon me pa enteraksyon fizik enn akote lot. Nou pe servi teknolozi donk, a zistans, nou pe fasilite sa ki lontan nou ti kapab fer

dan en lasal. Me metnan nou pe fer li a zistans.

Donk i annan partisipasyon fermye ladan. E anmezir ki petet fermye i vwar lezot loportinite, sa loportinite parey ou apel li en *wholesale market* i lo latab pandan en kantite lannen sa;- kantite, kantite lannen.

Otan ki mon rapel depi dan bann lannen 2000. Nou ti pe eksplor en posibilite lannen pase, nou'n vwar ankor en loportinite ekstra sa lannen pour nou kapab ariv avek sa.

E si donk i annan en negosyasyon de lapar Gouvernman avek Lasosyasyon Fermye, i ava ede. E nou, nou ava parti prenan ladan pou kapab arive idantifye en landrwa.

Parske nou vwar ki teribleman esansyel pou annan en landrwa, en bataz kot dimoun ki annan son prodwi i vini e vann. E vann li swa en pri an detay, oubyen en pri an gro. E sa i ava definitivman en lepa an adisyon ki sa ki pe ganny fer e sa nou vwar koman en levolisyon sityasyon aktyel. Mersi.

MR SPEAKER

Minis ou'n terminen?

MINISTER
JOUBERT

FLAVIEN

Mersi Mr Chair, ti annan en lot pti pwen ki Onorab ti'n leve e sa i konsern bann teknisyen ek zot bann entervansyon dan lepase konpare avek bann teknisyen *extension* ozordi.

Mon pou dakor avek Onorab ki nou pou bezwen ogmant kapasite nou bann dimoun ki pe fer *extension*. Nou bezwen travay pour ki nou kapab anmenn *training* adisyonnèl.

Me osi parey mon ti dir dan mon entervansyon yer bomaten Mr Chair, nou bezwen osi eksplik nou bann dimoun, donn zot direksyon lo egzaktaman kwa ki zot sipoze fer letan zot pe al lo teren.

Posibleman sa bann dimoun zot annan zot konesans, me lenstriksyon ki zot pe ganny donner osi i petet pe al dan en sel direksyon e i pa ed zot pou zot kapab aplik zot lekor antyerman.

Lot keksoz ki Onorab in mansyonnen, ki mon krwar osi i form parti bann keksoz ki nou anvi fer e ki nou bezwen fer dan lagrikiltir se, ed bann fermye pou ganny bann kapasite, pour zot kapab fer zot bann louvraz pli byen. Ou'n nonm *bookkeeping* par egzantp, i bann keksoz esansyel ki fermye i bezwen annan.

Nou konnen ki i annan bokou dimoun pe get sa travay lagrikiltir koman en travay kot

ou pa bezwen fer travay papye. Me selman i annan sa kote kot ou bezwen kapab gard ou rikord, e ou bezwen kapab omwen gard serten lenformasyon pou ou konnen ki egzaktman ou performans.

Alor nou bezwen kapab donn serten formasyon pour adilt, pour bann dimoun ki nou konnen zot kapab anmas sa bann konesans, e pou zot kapab aplik zot lekor pli byen.

Pou ki nou pa war nou dan en sityasyon kot dimoun pa konnen si i pe fer profi, si i pe fer en perd, e pou li kapab navig bann senp pti keksoz par egzanp konpran ou dokiman *loan* letan ou ganny donnen.

Alor nou bezwen fer sa bann formasyon pour adilt. E parey mon ti endike, i annan serten landrwa ki nou pe fer refleksyon lo la, parey Anse Boileau. Nou ti a voudre ki letan nouvo batiman i ganny konstri, dan sa vye batiman nou fer de laklas.

E sa bann laklas a ganny servi pa zis pour bann etidyan me osi nou kapab anmenn bann group adilt dan sa bann landrwa pou nou'n fer bann pti formasyon avek zot, pour zot kapab anmas bann *skills* pou zot kapab fer zot louvraz pli byen. Mersi Mr Chair.

MR SPEAKER

Wi Onorab. Fer li vitman silvouple.

HON WAVEN WILLIAM

Mersi Mr Chairman pou ou pasyans. Mr Chairman en leklersisman se ki an relasyon avek Later Lagrikiltir ki lo *lease* e par lefe ki mon konnen ki par limitasyon resours parfwa Minister pa kapab ede, me eski Minister vizavi *lease agreement*, akoz i annan bokou fermye ki investir bokou lo zot later.

E eski zot annan lentansyon revwar zot *lease agreement*? Akoz ki arive se ki i annan dimoun ki investir sitan bokou, letan i ariv *retirement age* ki arive avek son lenvestisman, letan ou, ou deside pran ou later, eski zot pe mazin en *Refund Policy within the lease agreement*?

E an menm tan an zeneral i annan en ta problem ki egziste the *lease agreements* konpare avek lagrikiltir ki zot pe pratike la dan lepase avek ozordi, kot fermye i antre dan en biznes. Me, mon ti a kontan konn zot pwennvi lo la.

Akoz sa i en konsern ki mazorite fermye i annan ozordi akoz, mon investir, demen bomaten pou en rezon ou en lot i ariv en problem, ki pou arive avek mon lenvestisman, *in terms of Refund Policy*? Mersi.

MR SPEAKER

Minis.

MINISTER FLAVIEN JOUBERT

Mersi Mr Chair. Mersi Onorab pour sa lot pwen. Kot i konsern *lease agreement* mon ti eksplike yer ki nou'n ganny serten diskisyon avek *Attorney Zeneral* e bann direksyon ki mon krwar nou devret pe pran se ki, enn, nou devret pe mazin en Lezislasyon ki petet pou adres zis later lagrikiltir pour komanse.

Nou ti tou bann fot ki'n ganny rankontre dan bann lezot morso Lezislasyon ki'n ganny servi pour fer bann *lease* Later Lagrikiltir. E nou annan en sel ki ganny fer lo li tousel zis pou Later Lagrikiltir.

E apre osi an menm tan letan nou fer sa, nou revwar nou bann *lease* e nou vin avek en nouvo formil pour nou bann *lease* e nou met bann nouvo kondisyon ladan, ki ed nou pou nou administre li dan lefitir.

Kot i konsern *Refund Policy*, sa nou bezwen fer sir ki nou ganny li byen. Nou bezwen diskit avek Finans, nou bezwen diskit avek *Attorney Zeneral*, akoz i annan plizyer lenplikasyon. Enn se Bidze. Nou pa kapab zis ouver laport pour tou dimoun ki - par egzanp i annan dimoun ki

zis deside pour rann son later e se li ki'n rann.

Eski i pe ekspekte 100 poursan son lenvestisman lo la, ouswa eski i pe menm ekspekte ki nou pou rann li a en pri ki petet i kapab fer en pti profi lo la. So nou bezwen tonm dakor lo ki mannyer nou fer sa zafer *refund*. Akoz *refund* si i pa ganny fer byen i kapab vin en gro *liability* pour Gouvernman.

Dan plizyer ka i annan dimoun ki'n rann e i annan serten ka ki pe ganny konsidere pour *refund* dapre evalyasyon *asset*. Me nou pou bezwen tonm dakor mannyer nou pou fer li byen.

Akoz anmezir ki nou pep ran plis later nou pou annan plis *refund* e nou pou annan plis demann avek Gouvernman, pour rann sa bann lenvestisman, ki petet i pa touzour posib anba Bidze. Mersi Mr Chair.

MR SPEAKER

Mersi Onorab Ghislain.

HON CHANTAL GHISLAIN

Mersi Mr Chair. Bonzour Minis. Bonzour *CEO* avek delegasyon, bonzour tou dimoun. *CEO*, atraver ou Mr Chair i annan en pe fermye lo Grand Anse Praslin ki'n fer resorti ki zot in ganny bann *verbal warning* pou zot kapab

sorti lo zot later, akoz zot pa pe prodwi an se moman.

Eski *CEO* i kapab dir sa Lasanble, konbyen fermye lo Grand Anse Praslin ki'n aktyelman ganny sa bann *verbal warning*? Eski lazans pe pran kont sa defi ki sa bann fermye pe fer fas avek an se ki konsern lavant zot bann prodwi, ki Minis li osi in sertifye ki bann problem reel ki pe pase an se moman lo Praslin.

Apre Minis yer ou ti fer en *statement* an se ki konsern bazar Grand Anse Praslin, kot ou ti dir lazans in transfer sa bazar avek *SEFA (Seychelles Farmers Association)* e ki *SEFA* i pou debourye antre zot lo ki fason zot pou zer sa bazar, e ki tou fermye pou kapab servi sa bazar?

Minis i mon kestyon i, eski ou ti okouran ki *SEFA* ti'n komans demars pour *sub lease* sa bazar avek de laferm lo Praslin?

Akoz sete sa de laferm ki ti'n aprobe pour zot komans reservi sa bazar, apre ki ti'n tonm dan labandon pour en kantite letan?

E eski ou osi okouran ki tyermenn *SEFA* in menm al kot *PUC* pour transfer bann *utilities* tel ki delo e elektrisite lo sa laferm? E la se sa laferm ki'n ganny *call* ek *PUC* pou vin pey bann *utilities* lo non sa laferm?

Minis ouswa *CEO* mon kestyon i ki mannyer sa *issue* ki'n leve la, i pour kapab ganny rezourd an se ki konsern lezot fermye, ki ou'n dir i kapab vin servi sa laferm. Eski ou kapab dir nou osi ki mannyer tousala aprezan pou marse? Mersi.

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Chair. Mersi Onorab pour sa 2 pwen, mon krwar ma demann *CEO* pou koz lo *warning* avan, *verbal warning* Grand Anse Praslin. E apre nou ava koz lo bazar Grand Anse. Mersi.

MR SPEAKER

Mersi *CEO*.

CEO LINETTA ESTICO

Mersi Mr Speaker. Sa ki konsern *verbal warning* i annan en prosedir avan ki nou donn fermye, avan ki nou tir fermye lo later. Rezon pou tir fermye lo later i plis pou fer avek zot pe mal servi sa later ouswa later i *underutilize* pour en bon pe lannen.

Savedir ki nou vwar la si en fermye pe ganny tire ouswa i ganny *warning*, laplipar ditan *warning* i an ekri, nou apel sa *probation term*;- kot en fermye

i ganny en let ki dir li i donn li en probasyon 3 mwan.

E si apre 3 mwan i pa ogmant son prodiksyon, i annan posibilite ki nou tir li lo sa later. Me avan menm nou tir sa ferme lo sa later, nou kriy sa ferme, akoz ferme i annan serten defi ki i fer fas avek.

Nou gete ki mannyer nou kapab ed li kekfwaw pour adres ou *solve* sa bann defi ki i pe fer fas avek akoz laplipar ditan i annan bann ki pou dir ou delo, *pest and all*.

Nou met zot an kontak avek teknisyen ki kapab ed zot. E i pran nou en bon pe letan avan ki nou menm pran later ek en ferme. E lo kote *verbal warning* avan ekrir i a diskresyon sa *extention officer* avan i rekomann pou donn en ekrir, pou dir be annou donn li ankor en pti git letan, i ekrir nou dan rapor, annou donn tel msye ankor en pti git letan, akoz mon war i pe komans debourye. Laplipar ditan i an ekrir sa bann *warning*.

Lo kote Grand Anse Praslin, mon napa en *figure* antet selman mon konnen la pou le moman mon mazin 3 ferme ki noun *retract*, be selman zot ankor lo later. E nou pe deside ki lavenir pou sa 3 *plot*.

Selman mon a dir Lasanble nou'n *retract* 29 *plot* an tou pou le moman. Be dan

sa 29 *plot*, 15 dimoun in *appeal*, lo Mahe, Praslin antye e 11 i ankor *still* lo later, zis 6 kin *vacate* lo later, *from the land*.

Savedir la ou war ki laplipar ferme ki nou'n donn zot sa let pou sorti zot pa ankor sorti lo later e laplipar zot in *appeal* kont sa desizyon. Mersi.

MR SPEAKER

Mersi. Minis ou a *repran*.

MINISTER FLAVIEN JOUBERT

Mersi Mr Chair. Mon pou zis fer en pti komanter lo *verbal warning*. Mon osi mon'n fer visit Praslin. Mon'n pas lo serten laferm ki pa pe prodwi. Onorab ou'n dir nou si nou pa kapab pran kont difikilte ki sa bann dimoun pe gannyen pour vann zot bann prodwi.

Mon lo sa bann laferm mon pan war okenn prodwi, napa prodwi pou vann. Savedir napa difikilte ki sa dimoun pe gannyen e pou mwan nou bezwen tonm dakor ki in ariv ler pou pran en desizyon. Letan en sityasyon i ale pour en kantite lannen nou bezwen pran en pozisyon lo la.

Alor mon krwar i enportan ki byensir nou bezwen pran konsiderasyon pour sa bann dimoun, me, nou bezwen pran en pozisyon letan in ariv ler pou pran en pozisyon.

Kot i konsern *SEFA* laranzman pou bazar, wi mon ti fer en *statement* yer. Letan mon mon'n vin la dan sa Minister, ki mon vwar se ki i annan en demars ki ti pe ganny fer depi en bon pe letan, e sa in ale, vini e nou pan zanmen ganny en repons.

Sa de dimoun ti pe demande pour *lease* sa bazar e zot form parti *SEFA*, e finalman ki nou'n dir se olye ki nou pran sa bazar nou met dan lanmen de endividi sakenn en morso dan en sel batiman, nou ganny en koze ek *SEFA*.

E zot ki vin sa group ki tenir sa laranzman avek lazans e apre zot, zot organiz dimoun dan sa batiman.

Savedir finalman si i ariv okenn problem, se zot ki responsab sa de dimoun ki dan sa batiman. Akoz i de dimoun ki pe fer keksoz atraver zot. E mon ti dir ki nou'n dir ek *SEFA* ki i pa devret restrikte akse avek lezot fermye.

Mon pa'n dir lezot fermye akoz mon osi mon ganny en *call* sorti Praslin. Mon pa'n dir ki en sel kou lezot fermye i kapab vin rasanble kot sa bazar, akoz sa bazar in dan labandon pour en bon pe letan.

E personn pa'n vin rasanble kot sa bazar. Mon

rapel mon pas la en fwa en pe letan pase e ti annan zis en dimoun ki ti pe met en pti latab deor.

Me ki nou'n dir ek *SEFA* koman en Minister se ki, si en lot dimoun i apros zot pe rod en plas dan sa bazar e sa dimoun i pa form parti *SEFA* ou pa kapab diskrimin kont sa dimoun.

Ou bezwen donn li menm konsiderasyon si dapre plan organizasyon sa landrwa i annan plas pour sa dimoun.

Alors si i annan plas pour ankor en trwazyenm, e sa trwazyenm ki vin i pa en manm *SEFA*, alors *SEFA* i devret donn li menm konsiderasyon ki lezot.

Me selman mon pa'n dir ki tou lezot fermye i kapab en sel ou vin la akoz sa bazar ti la. E mon pa konpran akoz ki i pa'n ganny servi tou sa letan. Me an menm tan letan mon fer konversasyon avek dimoun lo Praslin, i annan en bazar Amitié ki mon aprann pa pe ganny servi.

Sa osi nou bezwen gete ki mannyer nou kapab fer li re-demare. Nou a ganny de landrwa kot dimoun i kapab ale. E alor i annan posibilite pour dimoun a kapab vann zot prodwi.

E nou laranzman parey mon dir avek *SEFA*, me sa laranzman i pa endefini sa. Nou bezwen gete mannyer i ale

e si keksoz i vin mal, *then* nou pou bezwen osi kapab retournen e reviz nou pozisyon dapre bann keksoz ki aparet lo teren.

Akoz si vin en problem, si i koz en konfli ki vreman serye, alor nou pou bezwen reviz nou pozisyon. Me selman la pou le moman laranzman i avek *SEFA* e *SEFA* in deside pou li met de dimoun ki ti pe demande depi avan dan sa batiman.

Me apre nou ava gete ki mannyer lezot posibilite i vini. E parey monn dir an menm tan nou ava get bazar kin ganny fer Amitié resaman, e met li an mars pou lezot dimoun osi kapab ganny akse avek. Mersi.

MR SPEAKER

Wi Onorab.

HON CHANTAL GHISLAIN

Mersi Mr Chair. Minis mon konpran byen ou larepons. Minis mon lot bout kestyon i lefet ki sa enn fermye spesifikman li in ganny *call* se li ki bezwen pey bann *utilities*, si an ka bann lezot fermye pou bezwen vini ki mannyer sa pou ganny *sorted out*? Mersi.

MR SPEAKER

Mersi. Minis.

MINISTER FLAVIEN JOUBERT

Mersi Mr Chair. Sa dimoun ki pe pey bann *utilities* zot dan sa batiman e sa i en laranzman ant zot ek *SEFA* pour *utilities* dan batiman.

Mon pa tro asire si i vin en trwazyenm dimoun si i pou dan batiman, alors pou napa sa kestyon *utilities* ki pou leve. Me si nou war pou dir i annan en problem byensir nou pou entervenir ek *SEFA* nou pou *sort out*.

Me selman mon pa pe konpran ki mannyer en sel kou en, mon pa konnen si annan en *outsanding bill* ki pe ganny anvoye lo en laferm. I devret ganny klersi avan e letan zot komanse zot merit komans lo zero.

E apre nou ava bouz devan avek en nouvo laranzman pou zot okip sa batiman e pey zot parti *utilities* dan batiman. Mersi.

MR SPEAKER

Mersi. Onorab Labrosse.

HON RICHARD LABROSSE

Mersi Mr Speaker pou donn mwan laparol. Bonzour Mr Speaker, bonzour mon bann koleg, bonzour tou dimoun ki a lekout espesyalman zabitan Plaisance.

Mr Speaker mon annan de pti kestyon pour Minis. Mon premye kestyon i konsernan zot '*major achievement*' 2019-2020 kot

mon'n note ki i annan en logmantasyon dan prodiksyon lavyann.

E sa mon krwar i en bon nouvel sirtou lo en pti *market* en pti pei parey Sesel. So lo sa menm laliny monn war ki lo zot plan stratezi 2021-2023 zot pe koz lo en kolaborasyon avek *IDC*. So lo sa nivo la mon ti a kontan konnen Minis ki manner sa bann dyalog pe ale?

Eski bann ferme deor ki annan lentere pour al dan lagrikiltir lo bann zil ki nou annan, eski i annan en *hope* lo sa laliny ki pe vini?

Apre mon dezyenm kestyon i konsern en sonm R5milyon ki ti ganny tire dan *Trust Fund* pou pey dan konstruksyon nouvo labatwar, e kan sa proze ti'n deza ganny mete dan *capital project*?

E mon'n osi aprann ki i annan serten Manm lo *Board SAA* ki pa ti dakor avek sa. So Minis kekfwa ou ti a donn ou komanter lo sa. Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair, mersi Onorab pour ou de pwen. Kolaborasyon avek *IDC* nou'n fer en premye diskisyon an antye avek *IDC*. Zot in soumet avek nou zot bann

propozisyon pour bann zil elwanye ki donn nou en portre ki manner keksoz pou ganny fer lo bann zil elwanye.

E zot in osi enform nou lo staz diskisyon ki zot in annan avek bann lezot ferme prive ki ti a kontan antre e travay avek zot lo bann zil elwanye.

Lo nou kote, nou'n prepar en rapor ki nou pe anvoy kot *IDC* sirtou pou prozeksyon *livestock* pour ki zot konnen egzaktman kote zot pou pozisyonn zot lekor an relasyon avek marse, pour lavyann dan pei.

Pour ki zot kapab anmenn sa kontribisyon dan prodiksyon, akoz nou le ki sa relasyon i pa zis ki *IDC* i ale i prodwi. Me *IDC* i ale i prodwi pou en bi pou li kapab kontribye en serten poursantaz lo marse lokal pour prodwi lavyann.

Lot keksoz ki reste nou pou fer la i annan en diskisyon ki pe demare kot nou pou zwenn ansanm avek *IDC* konzwentman avek sa bann ferme, ki pe eksprim lentere.

E apre sa osi i annan lezot diskisyon ki nou pou bezwen fer avek *IDC* direktman, pour tou bann lezot keksoz ki annan otour zot proze, ki annan en lenplikasyon pour lagrikiltir, Minister Lagrikiltir, pour kapab ed zot e donn zot sa sipor pour zot bouze.

Alor sa diskisyon i an mars, e nou ekspekte ki i pou al en pe pli vit la, sirtou apre ki i annan sa diskisyon ki pe vini ant bann group ferme avek *IDC*. Akoz petet serten desizyon pou ganny pran lo kimanyer nou pou bouz devan i nou a war seten mouvman ase vit lo la.

Kot i konsern *Trust Fund* ek labatwar 15milyon, mon pou demann *CEO* avek *accountant* pou reponn sa kestyon silvouple. Mersi.

CEO LINETTA ESTICO

Onorab sey *be* en pe pli spesifik lo kote sa 15milyon akoz mon pa pe war en 15 milyon dan *ETF*, kekfwa *PS*. Akoz labatwar pa ankor ganny fer.

MR SPEAKER

Wi Onorab, ou kapab klersi.

HON RICHARD LABROSSE

Alright Mr Speaker. Sa 15 milyon i en konversasyon ki ti pase lo sa nouvo labatwar ki zot ti sipoze pe al fer. E dapre lenformasyon ki nou, nou annan i paret ki i annan en larzan ki'n ganny tire lo en *Trust Fund* lo la. Be si *PS* oubyen *CEO* zot pa okouran, so nou ava rod plis leklersisman lo la. Mersi.

MR SPEAKER

Ok, ale nou a pas lo la. Nou a kontinyen alors. Onorab Gill.

HON CHURCHILL GILL

Mersi Mr Chair. Bonzour Minis ek ou delegasyon. bonzour tou Manm. Minis mon'n note ki anba ou Minister i annan 3 sours finansyel ki *available*.

Sa i annan sa Bidze li menm apre i annan *Agriculture Development Fund*, apre i annan *Livestock Trust Fund*. Rezon ki mon dir sa, i akoz mon kestyon i bann kestyon ki en kantite letan i la e *SAA* i okouran.

Alors vi ki i annan sa bann sours, mon bann kestyon ki mon pe al demande mon ekspekte kapab ganny en larepons pozitiv vi ki lontan zot la.

Mon premye kestyon se en size ki konsern tou ferme lo Praslin, sa se ler lapli i tonbe, *flooding*. E zot zofisye lo Praslin in vini tir portre plizyer fwa, me selman napa nanryen ki'n ganny fer. Mon asire dan lofis Mahe dan rikord i annan sa bann portre, si napa sa zofisye i kapab donner.

Alors bann ferme Praslin i anvi konnen vi ki tou sa letan sa size in ganny met devan napa nanryen ki'n ganny fer e la ler mon'n mansyonn sa bann sours ki annan finansman, eski en travay pou kapab ganny fer ek sa bann

fermye e adres sa problemn ouswa ganny en serten soulazman ler sa problemn in arive?

Mon dezyenm kestyon, i osi en kestyon ki mon'n anmenn plizyer fwa dan sizyenm Lasanble se, en semen ki al kot fermye ki pas obor labatwar. E li osi en bon pe letan en semen ki annan en kantite trou ladan.

E osi ler lapli i tonbe i difisil pour sa bann fermye kapab mouvante. Eski sa osi i annan keksoz pou ganny fer pandan sa lannen pou adres sa *long standing issue*?

Mon trwazyenm kestyon, mon vwar pou dir SAA in donn sipor 3 distrik pou fer baraz, vi ki lapros prezan se ogmant prodiksyon, eski lo Praslin in annan legzersis ki'n fer pour idantifye landrwa, ki annan posibilite fer baraz ki sa i ava ede anmezir bann fermye i agrandi zot prodiksyon lo laferm? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pour ou 3 kestyon. Mon krwar i bann kestyon en pe operasyonnel mon ava demann *CEO* pou donn en *update*. I annan solisyon pour inondasyon lo Praslin. I

annan semen kot labatwar e osi baraz dan Praslin pou deservi bann fermye. Mersi.

MR SPEAKER

CEO.

CEO LINETTA ESTICO

Mersi Mr Speaker. Lo ki konsern *flooding* lo Praslin mon ti a kontan fer resorti ki laplipar nou Bidze ki nou gannyen lannen ki pa bokou nou servi lo Praslin.

E mazorite i ganny depanse Amitié e en pti git lo kote Côte D'Or. Lo sa lannen nou'n ganny nou en pti pe an plis, nou'n ganny 2milyon e nou konnen ankor enn fwa nou pou depans sa 2milyon laplipar lo Praslin.

Savedir la, Onorab, kekfwa spesifikman nou a travay ansanm pou kapab konnen kote egzakteman nou bezwen fer sa bann louvraz kote Baie Ste Anne.

Lo kote semen labatwar nou'n rekonnet pou dir nou bezwen fer serten travay lo sa semen e *Project Manager* i sipoze pase pou *submit* en *scope*, pou nou rod *funding* pour nou kapab fer sa semen. Akoz *once* labatwar i konmans fonksyonnen dimoun pou bezwen servi sa lot semen.

Lo kote sipor distrik pour irigasyon, lo Praslin nou deza annan bann sistenm irigasyon, kekfwa la nou

bezwen travay ansanm avek bann fermye, pou gete ki bor nou kapab fer serten nouvo baraz. Akoz la dan Bidze nou annan plan pour nou *renovate* serten baraz lo kote Amitié. Selman lo kote nouvo baraz fodre nou fer sa *study* ansanm ek fermye.

MR SPEAKER

Wi Onorab.

HON CHURCHILL GILL

Mersi *CEO* pour larepons. Zis selman mon oule met dan latansyon, sa 2milyon i dan Bidze, me selman yer ler mon ti demann kestyon lo sa bann *funds*, i annan enn mon ti ganny dir i ede pour bann lenfrastriktir. Alors petet sa ki *fall short* lo Bidze nou a kapab tap dan sa *fund* pour nou kapab fer sa bann keksoz arive.

MR SPEAKER

CEO, wi.

CEO LINETTA ESTICO

Kekfwa ma azoute pou dir, si nou, nou *fall short* dan nou Bidze nou annan serten travay ki *LTF Suspense* i fer pou azout avek sa ki nou'n fer. Akoz bokou proze parey lannen pase apepre 5milyon nou proze ti ganny fer par *Suspense LTF*.

MR SPEAKER

Mersi. Onorab Samynadin.

HON KELLY SAMYNADIN

Mersi Mr Chair. Bonzour Minis avek ou delegasyon. An vi ki mankman pou zwenn demann pour later lagrikiltir i reste enn parmi zot pli gran konstrent sirtou kot prodiksyon zannimo i konsernen, mon ti a premyerman kontan konnen si sa later *SADECO* Pointe Au Sel kot ti fer elevaz be fi ankor anba zesyon Gouvernman?

Si wi, mon ti a voudre en leksplikasyon lo plan Gouvernman pour sa landrwa e si non lekel ki pe zer sa morso later?

Dezyenmman mon ti a osi kontan konnen lo sa ki konsern sa bann *plots* par lao laferm *SADECO*, konbyen dimoun ki pou benefisyé avek *lease* pou devlopman lagrikiltir?

Dapre lenformasyon ki mon'n gannyen, *lease* i ankor dan *process* finalize. Alors mon ti a kontan konnen kan ki sa i ekspekte materialize pour benefis sa bann dimoun ki pe espere? E mon dernyen i en rekomandasyon.

Au Cap i en distrik ki annan en gran regroupman peser ek fermye, i annan en mankman en fasilite pou ki zot kapab vann zot prodwi avek lakominote. E la an se moman nou pe vwar nou dan

en sityasyon en konzesyon dan Sanmdi dan krwaze Montanny Poze kot bann vander fler ek legim i konzeste sa landrwa.

E mon lafreyer i ki si nanryen pa ganny fer en zour i kapab ariv en aksidan grav dan sa krwaze semen. Alor me pe zis met en rekomandasyon avek Minis dan bann fitir Bidze ki pe vini pou mazin kominote fermye ek peser Au Cap pour ki zot osi zot a kapab ganny en bazar. Mersi.

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Chair. Mersi Onorab pou ou 3 kestyon. Bazar pour komans avek, ouswa ki ti ou dernyen pwen. Wi mon osi mon vin laba, vin aste en pti legim dan Sanmdi e mon war poudir i vreman konzeste e mon krwar nou bezwen ansanm avek Lapes trouv en solisyon pour Au Cap.

Me selman mon ti ava kontan petet demann ou kolaborasyon osi ek distrik, pou asire ki si nou pou swazir en sit pou en bazar, nou pa fer bann desizyon kot apre nou war bazar dimoun pe zis asiz lo la e pa ganny servi.

Alor i devret vin en keksoz kolaborasyon e distrik i bezwen kapab konfirmer

avek bann zabitan vreman kote sa bazar i merit ete, eski son pozisyon i vreman konvenab pour tou dimoun?

Pour ki nou kapab vreman ganny en bazar ki tou dimoun i dakor avek. Akoz i annan plizyer ka kot ou war bazar abandonnen dan en kwen.

Alor i pou en kestyon antre an diskisyon avek zot e tonm dakor lo en pozisyon ki korek pour bazar. Byensir nou bezwen get bann fakter parey trafik, parey dan sa krwazei en pti pe danzere me i pou en kestyon kolaborasyon.

Me selman mon dakor avek ou ki nou bezwen fer li, nou bezwen fer en bazar pour Au Cap pou nou kapab met anba kontrol sa bann difikilte aktyel.

Mon pou demann CEO pour koz lo sa later ex SADECO kot mon konn li koman Mahe *farming* mon krwar Pointe Au Sel e apre bann *plot* par lao, me petet apre mon ti ava annan en pti *input* lo la. Mersi.

MR SPEAKER

CEO.

CEO LINETTA ESTICO

Mersi Mr Speaker. Se ki konsern SADECO ki ti'n ganny *allocate* avek Mahe *Farming* pour fer *broiler*. Sa later ti'n

reste *underutilized* pour en bon pe lannen. E la nou ti decide lannen pase pour *retract* sa later from Mahe *Farming*.

E ler ti ganny *retract* mon krwar ti annan serten negosyasyon avek *MHILT* aköz zot ti le re-klasifye sa landrwa pour fer rezidansyel.

Savedir la nou, nou ankor an negosyasyon avek *MHILT* pou gete kwa ki pou ganny fer lo sa 2 *plot*. I annan de gran plot apepre 5 ektar *altogether*. Aköz nou, nou propozisyon ansanm avek Minister nou pe gete si nou pa kapab servi sa later pou *crop*.

Me selman pour bann dimoun ki anvi lans dan *hi-tech production of vegetables*. So la diskisyon i ankor an mars.

Lo kote *plots* par lao nou deza annan fermye ki pe *occupy* bann *plot* par lao *SADECO*. Nou annan en fermye ki pe fer prodiksyon *broiler*, i annan enn osi dezyenm ki pe al komans son proze pour *livestock* osi.

Savedir la pour le moman nou annan 3 fermye ki'n ganny *allocate* avek later par lao.

MR SPEAKER

Minis.

MINISTER **FLAVIEN**
JOUBERT

Mersi Mr Chair. Mon ti pour zis koz lo sa diskisyon ki mon'n gannyen avek Minister Responsab Later.

Aküz parey *CEO* in eksplike sa bann later Pointe Au Sel, i posib ki nou kapab perdi li apre bann diskisyon ki'n ganny fer dan lepase. Me selman mon pe demann Minister later pou rekonsider son desizyon, pour ki sa bann landrwa ki tre ideal pour lagrikiltir i pa ganny disparet.

E i al dan rezidansyel, aköz rezidansyel ou kapab fer li dan bokou pli difisil ki sa. E alor mon'n fer diskisyon avek bann O Zofisye kot Minister Later e mon swete ki nou kapab retenir sa later koman lagrikiltir. Mersi.

MR SPEAKER

Mersi. Onorab Uranie.

HON ROCKY URANIE

Mersi Mr Chair. Bonzour Minis, *PS* ek delegasyon, bonzour tou Digwa a lekout. Minister anba 'major achievements' 2019-2020, premye *bullet*, zot in fer *shade house* pour fermye Praslin e Mahe, napa pour La Digue.

E anba 'major achievement' menm, sizyenm *bullet* zot in promot lagrikiltir dan lekol segonder otour Mahe, Praslin atraver sa program linisyativ "Every home a garden", la ankor zot

in asiste, konstrir e fer lenstalasyon *mini shade house* ek *nursery facilities*. Mon pa vwar nanryen pour La Digue.

Alor mon ti a kontan konnen, vi ki la nou annan en nouvo Gouvernman, ki zot plan pour La Digue an relasyon ek sa 2 pwen?

Mon dezyenm kestyon. Digwa i byen kontan ki L'Union Estate i prodwir e touy son prop koson. E nou ganny sa bon lavyann fre. Eski dan lefitir zot annan lide ed L'Union Estate pour fer en *proper* labatwar? Ki L'Union Estate li menm e lezot ferme Digwa i kapab servi sa servis?

Mon trwazyenm, i en pti pe pli spesifik. Minis i annan ferme ki napa mwayen pour zot bouz devan. Eski zot asiste e donn sipor ferme ki'n ganny later pour *relocate*, zot anvi *relocate* me zot napa mwayen. Legzanp sa msye obor *housing estate* La Passe. Mon krwar ou konnen lo ki mon pe koze. Eski zot pou asiste li? Mersi Mr Chair.

MR SPEAKER

Mersi. Minis.

MINISTER FLAVIEN JOUBERT

Mersi Mr Chair. Mersi Onorab pour sa bann kestyon. Mon pou demann CEO pour klarifye sa *achievement* ki ou'n koz lo la. I annan *shade house*

avek lekol Gouvernman ki'n ganny asiste, Mahe avek Praslin apre nou a koz lo L'Union Estate ek lasistans ferme. Mersi.

MR SPEAKER

CEO.

CEO LINETTA ESTICO

Mersi Mr Speaker. Lo sa ki konsern *shade house* parey ou konnen i enn nou bi pou promot kiltivasyon anba *shade house* pour nou bann ferme kapab prodwi tou dilon lannen.

Lo kote La Digue, letan mon pe get nou bann lalis *shade house* L'Union Estate in fer en bon pa devan. Akoz mon pe get lo mon lalis i annan apepre 20 *shade house* ki L'Union Estate in konstrir.

Epi nou annan en ferme ki'n deza pran *loan* pour komans fer en *shade house*. Savedir nou annan lasistans ki pe ganny donner pour ferme lo La Digue deza. Lo kote lekol mon a demann PS pour donn en pe leklersisman.

MR SPEAKER

Mersi. PS.

PS ANTOINE-MARIE MOUSTACHE

Onorab Chair, kot i konsern *shade house* an koneksyon avek '*Every home a garden*' nou pou tous tou lekol

segonder. Dernyen ki nou'n fer sete segonder Grand Anse Praslin donk segonder La Digue i reste dan nou plan. Parske nou'n kont 11, aktyelman nou'n ariv lo senkyenm. Donk i reste 6 ankor pour nou touse e sa i dan nou plan pa ou lannen e trankilman nou a tous enn apre lot. Mersi.

MINISTER FLAVIEN JOUBERT

Mersi Mr Chair. Fasilite labatwar L'Union Estate pou asiste tou dimoun lo La Digue i en diskisyon ki nou pa ankor fer e mon pa pou kapab fer en deklarasyon lo la.

Nou'n ganny serten lendikasyon ki L'Union Estate i anvi al pli lwen avek son bann prodiksyon, me sa se L'Union Estate pour klarifye mon pa kapab fer en statement lo zot *behalf*.

Me Onorab i en pwen ki ase enteresan akoz mon osi mon rapel letan mon ti ek lanvironnman avan ti annan sa problem touy koson lo La Digue. E mon krwar i en keksoz i merit ganny reflesir lo la e ou bezwen trouv en fasilite ki apropiye pour sa groser La Digue e sa kantite prodiksyon ki pe ganny fer.

Me definitivman i en keksoz ki kapab ganny diskite letan nou koz avek ou menm, avek

bann dimoun ki dan prodiksyon lo La Digue.

Eski nou asiste okenn fermye si i bezwen *relocate*? Normalman lazans i ankouraz dimoun pou trouv zot prop finansman pour bann travay ki zot bezwen fer. Me si i annan en ka partikilye, si i annan en andikap partikilye ki pe anpes en dimoun bouze, alors lazans pou vini, me i pa pou donn sa dimoun larzan.

Me si i annan serten fasilite pour ed li fer sa tranzisyon, petet ou bezwen grat en semen pou li pase, serten keksoz, sa i form parti sa demars pour fasilite bann dimoun avek lenfrastruktir ouswa fasilite zot larantre lo later.

Me mon krwar dan sa ka nou ava gete lekel sa enn endividi ki pe ganny difikilte e apre nou ava gete ki kalite lasistans nou kapab vin avek. Me normalman lazans pa pou donner larzan direkteman avek okenn dimoun, pou lo kapab fer son proze. Nou pou demann li pou li rod son finansman anba bann mekanizm ki egziste. Mersi.

MR SPEAKER

Mersi. Onorab Adelaide.

HON FRANCOIS ADELAIDE

Mersi Mr Chair. Bonzour Minis avek ou ddelegasyon. 3 pti keston. Ou *PSIP* paz 29 i

annan en semen Val Den D'Or, 2.1milyon. So mon anv konnen ki sa semen i *entail*, kote i ete?

Avek ou '*major achievement*' mon war i annan bann baraz e bann gabyon ki vremen enteresan e byen. So sel konsern ki reste, se ki manner sa bann delo pou ariv kot sa bann dimoun? Vi ki zot pe mazine pou raport bann lezot lekipman pou en problem. So en pti koze lo la.

Minis apre lo mon travay *oversight* mon ti a kontan koman *MNA* ki annan plis later lagrikiltir ki mon ganny met azour av ek later lagrikiltir Baie Lazare, kot zot sitye e lekel zot bann *tenants*.

Mon dernyen pwen Minis, Baie Lazare an zeneral nou annan en problem voler av ek reseler. So, eski dan sa Bidze petet, ouswa ki manner ou Minister pe deside atak sa problem pour ki fermye i kapab ganny zot legim e vann san ki zot ganny vole e reseler i benefisy e?

Zis en pti keksoz ankor Minis, nou annan sa *MOU* kot sa later Sinwan la, so mon anv en pti git kontrandi lo sa later e son *lease* tou. Mersi.

MR SPEAKER

Mersi, Onorab. Wi Minis.

MINISTER **FLAVIEN**
JOUBERT

Mersi Onorab, Mr Chair pour bann kestyon. Mon pou demann *CEO* pour reponn 2 pwen, 2 premye pwen lo *PSIP* paz 29 semen Val Den D'Or e osi bann demars ki pou vin apre ki baraz delo in fini ganny konstri pour asiste bann fermye pou ganny fasilite delo e apre nou ava al lo ou 3 lezot pwen. Mersi.

MR SPEAKER

CEO.

CEO LINETTA ESTICO

Mersi Mr Speaker. An ki konsern sa semen Val Den D'Or i ti enn bann *unfunded project* ki *extention* ti'n mete lo zot lalis. E la sa semen ti ganny fer an 2020, ti komanse kontra, e sa ti kout *1.8 million*.

E sa semen i dan *zone* kot bann Marie-Paule Savy, Violette Sinon anler, i serve en fermye epi i ouver later par deryer sa fermye. Sa semen prezan i mank zis pou met koltar lo la.

E ki konsern irigasyon parey nou konnen lo kote Val Den D'Or ti touzour annan sa problem delo sirtou dan letan lasesres.

E la nou byen kontan ki nou'n ganny serten lasistans av ek *UNDP*, *EBA* pour nou kapab fer serten baraz dan rezyon Val Den D'Or.

E la se ki reste *SAA* pou fer, se pour fer sir nou met sa

bann *distribution network*. Savedir nou bann zofisye i deza lo teren pou nou kapab fer *scope* as *soon* ki sa bann *water tank* ki ou vwar *concrete* i fini pou nou fer sir tou dimoun, tou fermye dan Val Den D'Or pe ganny koneksyon delo avan lafen sa lannen.

MR SPEAKER

Mersi. Minis.

MINISTER FLAVIEN JOUBERT

Mersi Mr Chair. Kot i konsern *oversight* mon pe zis enform Onorab ki swivan bann diskisyon ki nou'n fer yer ek ozordi, i annan detrwa dokiman ki nou pou anvoy kot Lasanble pou ganny distribye parmi bann Onorab, bann Manm Lasanble.

E sa i enkli tou lalis, *master list* bann fermye anrezistre, bann dimoun ki lo later lagrikiltir, *status* bann later ki annan, ki'n ganny tire, ki'n ganny *allocate* dan sa dernyen peryod. E osi i annan en rapor lo *target* pour prodiksyon lavyann, ki nou ti koz lo la yer.

E apre mon krwar i annan en lot dokiman ankor ki, ti annan en demann, alor nou pou anvoy tou sa bann dokiman kot Lasanble e ava ganny distribye avek tou Manm. Akoz i annan plizyer detay. Mon konnen i annan en

kantite kestyon ki'n leve me nou pa pou kapab pas lo tou detay la. Sak Manm Lasanble i kapab *access* sa bann detay ki relevan pou son distrik. Mersi.

E ou ti annan en lot kestyon konsernan voler, wi, letan mon'n al Val Den D'Or mon'n koz avek bann fermye. E mon krwar i en konsern ki ase serye. E mwan, mon lenkyetid se ki nou fer sir ki nou pa al en sityasyon kot fermye i pran Lalwa dan zot lanmen.

Akoz bann fermye i ankoler e i en keksoz ki pe kontinyen re-arive, repete tanzantan. E sa bann pert i ase signifikan letan i pe arive. Mon monn koz avek Minis responsab pour *Internal Affairs* pour li pran serten mezir.

E mon'n menm transmet avek li e Komisyoner Lapolis 2 non ki mon mon'n gannyen e sa i enn, pou zot kapab fer bann swivi e asire ki nou annan serten investigasyon ki ganny fer atraver aktivite sa bann dimoun.

E osi i annan en lot *case* kot mon'n ganny enformen ki ti annan serten dimoun ki ti enplike dan vol Val Den D'Or ki zot *case* pa'n ganny kontinyen avek.

E sa mon'n kominik avek *Attorney Zeneral* pour zot fer en swivi e vwar si vreman

sa bann dimoun sa bann dimoun i ankor annan sa *case* kont zot. E akoz ki i pa pe ganny pouse pou ki i annan en pinisyon, e ki dimoun i konpran poudir vol lo laferm i en *practice* ase normal, en *practice* pou fer.

Me an menm tan i annan serten fermye ki'n apros nou pour demann en pe gidans e petet lasistans lo kote bann baraz. Nou pa pou kapab fer baraz letour laferm, byensir i form parti bann lenvestisman ki sa fermye i bezwen fer.

Me toudmenm nou'n koz avek lapolis pou zot ranforsi zot prezans. Akoz nou bezwen ranforsi prezans dan sa rezyon e osi lo semen pou fer osi bann *stop and search* avek serten dimoun, pour verifye si vreman zot pa pe sorti avek serten prodwi laferm dan Val Den D'Or.

Alor mon krwar i annan serten keksoz ki pe ganny fer me nou ava esper en pe letan nou a gete eski i abouti. E petet nou a bezwen retourn *back to police and Internal Affairs* pou fer sir ki keksoz i ganny fer byen.

Lot pwen Mr Chair, ti konsern *memorandum of understanding* avek laferm, Sinwan obor lekol lagrikiltir. Finalman mon'n kapab ganny en kopi sa *MOU*. Sa *MOU* aparaman ti antre anfers an 2012, me in ekspire. Mon'n

ganny en diskisyon avek bann dimoun sorti lo sa laferm, nou ti kriy zot nou ti ganny en koze avek zot. Nou ti pe demann zot an premye, akoz zot prodiksyon in desann?

Sa propriyeter ti pe enform nou ki son bann mendev pa la, i annan en problemm avek *COVID* e sa bann mendev pa kapab tourn dan pei. E apre osi mon ti pe demann li zot enteraksyon avek Lekol Lagrikiltir.

E keksoz ki aparan se ki i annan sa baryer kominikasyon ki la, akoz i annan en problemm langaz e zot ti annan en dimoun ki ti per parey enterpret ant zot e bann manrmay lekol ki i nepli la. E alor nou bezwen reget sa *MOU*, revise, gete ki mannyer nou pou adres sa sityasyon ant sa laferm.

Akoz zot ti sipoze vin la, vin avek bann teknolozi pour bann etidyan swiv, me i paret mon zot pa pe zwe sa rol ozordi la i nou bezwen rod en fason pou nou kapab amelyor sa relasyon. Me zis pou enform ou ki zot *lease* lo sa later i 30an Onorab. Mersi.

MR SPEAKER

Wi Onorab. Nou a terminen vitman silvouple.

HON FRANCOIS ADELAIDE

Wi Mr Chair. Zis petet pour demann Minis, Minis petet

pour Lasanble kapab ganny en pe lenformasyon ki mannyer sa bann dimoun ler Seselwa pe rod later afordab, zot pe ganny de bout ros, de bout gale pou zot plante e en Sinwan li akoz nou konnen i annan baryer langaz nou pe donn li en *prime plot of land*?

E i pa pe swiv son bann komitman e nou les li. E la ki Baie Lazare pe rod later, e Minis zis pou mete lo la ki nou annan bokou bann dimoun ki enterese dan Later Lagrikiltir Baie lazare.

E petet ou ava dir nou zot pe rod kontak avek ou avek ou Minister, ki mannyer zot pou ganny kontak ek ou, ki mannyer ou enteraksyon pou ete avek zot, pour ki zot vremen ganny larepons zot bann let akoz zot dir mwan zot pa pe gannyen.

E Minis donn mwan en pti bout lo la silvouple, akoz sa i vremen konsernen. Ler i annan bokou bann dimoun pe rod Later Lagrikiltir e nou vwar etranze pe ganny favorize lo nou e menm nou pa pe ganny swiv. Mersi.

MR SPEAKER

Minis.

MINISTER FLAVIEN JOUBERT

Mersi Onorab pour sa lot pwen. Repons pour let mon fer tou mon posib. Mon konnen

parfwa nou pa perfe e nou kapab manke me selman mon fer tou mon posib pou reponn tou dimoun ki ekrir mwan okenn let ouswa ki anvoy *email*.

I annan serten ki mon manke ki mon bezwen eskize monn manke. Petet ou ava donn mwan en lendikasyon lekel sa bann dimoun ki'n anvoy let ki pa'n ganny repons.

Me selman kot i konsern sa laferm Au Cap, byensir nou bezwen pran menm prosedir avek zot si zot pa pe prodwir. Si nou vwar zot prodiksyon i desann pou en rezon ki pa valab, alor nou bezwen komans angaz nou dan sa prosedir parey *CEO* in eksplike pli boner.

Met ou lo probasyon e apre fer tou sa bann prosedir pour tir ou lo later. Me zot in vin avek en rezon ki sanble mwan i kapab ganny servi koman en lekskiz. Mon pa dir i valab, me selman zot dir ou pou dir zot bann mendev i an deor pei, zot in sey met *advert*.

In montre mwan kopi *advert* ki'n met da *NASYON* e i pan ganny person e alor i annan en baz pou son lekskiz. Me nou bezwen swiv li byen pre si i pa pe prodwi evantyeleman i pou bezwen sorti en lot dimoun i a ganny sa landrwa. Mersi.

MR SPEAKER

Mersi Minis. Onorab Vidot.

HON AUDREY VIDOT

Mersi Mr Chair. Mr Chair premyerman mon oule dir avek Minis ek delegasyon, garanti lo sa kote latab napa personn ki pou vot kont ou Bidze. E lo sa not mon le profite pou mon dir avek Minis, mon en pe vremen dezapwente prenan kont ki letan ki Gouvernman letan ti pronons lo Bidze, nou pa'n vwar vremen sa motivasyon pou montre pour dir nou pe donn bokou lanfans lo sekter lagrikiltir. Mon pe koz nouvo ladministrasyon la mwan en?

Petet ou annan sa sinerzi ou avek ou lekip la, me mon santi Gouvernman pan met sa sinerzi, akoz zot pe *focus* plis lo kote *Tourism*. Espesyalman dan sa moman difisil ki pei pe fer fas avek.

E mon santi ki nou annan keksoz pratik ki lontan ti mars tre byen e petet ozordi dan sa moman difisil si nou ti ankor pe met plis lanfaz lo la, i ti pou aport bokou fri.

Mon koleg Onorab Loze pli boner in mansyonnen, dan bann landrwa parey nou konnen kot nou ti kapab kontinyen ranforsi sa lankourazman pour lo kote lagrikiltir, bann ki pe pratik byen. Donn sa sipor bann dimoun.

Ki parey mon pran legzanp dan mon distrik ki kekfwa i annan en pti zarden i ti kapab anplifye, ganny en pe sipor, kwa ki i kapab plante e benefisye la dan sa moman difisil.

E mon lot pwen, mon pa ankor vwar mwan vwar laklerte pour mon distrik Roche Caiman lo sa *issue* bazar. E mon kapab konpran Onorab Samynadin letan i lev sa pwen Au Cap. Akoz i pou en dezas total zis parey dan mon distrik ozordi.

Letan ou war i komans vin enn, i vin de, trwa, kat apre i agrandi e i en problem. E mon ti a swete ki Bidze ki avan ti annan pour anfori sa proze letan i annan en bon dyalog, diskisyon avek *Planning* letan zot pou fini finaliz sa plan, pour prezant ankor ek kominote Roche Caiman pour donn byen zot pwennvi zeneral lo la, avan okenn proze i ganny enplimante.

So mon met sa la devan zot e mon a profite osi pou mon dir mersi *Fresh Cut* pour sipor, pour pasyans ki zot i'n annan avek bann dimoun ki servi zot fasilite *parking*, pou kapab *accommodate* sa *traffic jam* ki kree la, akoz bazar in ariv ziska lo *bus stop*.

E ni lapolis pa kapab kontrole, ni *Public Health* pa ankor kapab kontrole e ni zot an term bann lezot lazans

ankor ki kapab sey vwar ki solisyon nou kapab anmennen anver sa *issue* bazar Roche Caiman.

So vwala mon kontribisyon an referans avek zot Bidze ki zot pe gannyen, ki sipor ki zot kapab anmennen e rezourd sa problem aköz mon bann dimoun i fristre. Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pour ou kestyon. Kot i konsern bazar Roche Caiman mon osi mon demann kestyon lo son sityasyon la aktyel, ki mon pe fer mon lo mon kote mon pe repran sa bann plan e mon ti a voudre ki sa lannen nou kapab met en zefor e fer sa bazar bouze. Aköz i en konsern ase serye e osi i annan sa enterferans avek leköl ki mon krwar nou bezwen kapab met anba kontrol tre vit.

Alor pour mwan i en proze priyorite, ki devret ganny fer e ki nou kapab war nou dan en sityasyon kot keksoz i amelyore en bon pe. Kot ki konsern ki kalite sipor ki pe ganny mete dan sa Bidze,

Byensir parey ou'n war sa Bidze i pe adres bann keksoz ki egziste e ki pe

assume en sityasyon en pe parey lannen pase.

I pou annan bann azisteman ki nou pou bezwen fer anmezir nou ale. I menm annan *mid-year review*, ki ou konnen, ki ganny fer. E mon krwar anmezir nou devlop keksoz i pou annan bann azisteman ki pou ganny fer dan Bidze, pour nou adres serten size spesifik, tir dan enn met dan lot kot nou konnen nou bezwen met sa zefor. E nou ava asiste nou bann fermye dan sa fason.

Alor mon pa tro enkyet e petet fermye pa bezwen tro enkyet ki zot pa pou ganny sa sipor atraver sa Bidze. Aköz lazans i la e Minister i la pour siport zot.

E sa mon'n fer kler ek tou nou bann staff se ki nou, nou rezondet se siport fermye. Nou pa la pour fonksyonnen swa e departman ou en Minister, nou la pou siport bann fermye. E kot i annan bann bezwen kot nou bezwen aziste nou Bidze pour nou fer sa bann sipor ganny arive nou pou bezwen fer li.

Swa atraver lenfrastruktir, swa atraver bann sipor pour bann dimoun lo kote zot lakour, nou pou bezwen fer li. E mon ti'n osi endike ki nou pe rod bann lezot resours adisyonnèl atraver serten demars ki nou pe fer pour nou anmenn dan

Sekter Lagrikiltir pour nou ganny bann proze ki nou kapab fer avek bann diferan dimoun.

Ou a realize ki par egzanp *CLISSA* i ti en *Grant* atraver proze sorti an deor e nou bezwen fer sir nou ganny plis sa bann proze. E mwan, mon'n eksplike pli boner ki en keksoz ki mon pe demare se en younit kordinasyon proze - en pe parey ki annan kot Lanvironnman pour nou al laba deor pour nou rod sa bann larzan.

E anmenn li pour nou kapab fer bann proze pour siport dimoun lo nivo *household*, pou siport dimoun dan distrik, pour siport bann group, pour ki vremen nou annan ase resours ki nou kapab dispers li partou e fer ki tou dimoun i ganny en pti git sipor pou li kapab bouze. Alor sa i enn bann keksoz ki mon pe met an plas e mon ti a voudre ki i aktyelman fer sa lenpak.

Alor mon pou dir ek bann fermeye pa bezwen enkyet, nou pe sey fer demars e nou bezwen fer sir ki anmezir lannen i avanse sa bann sipor i kontinyen vin dan zot direksyon. Mersi.

MR SPEAKER

Mersi. Onorab Arissol.

HON PHILLIP ARISSOL

Mersi Mr Chair. Bonzour tou dimoun. Mon kestasyon ki mon ti demande yer, Minis ti dir mwan anmennen ozordi. Anler ek mesaz Minis Hassan pandan Bidze, an se ki konsern Later Lagrikiltir ki ti sipoze ganny rebran, bann fermeye ki pa pe prodwi. Minis mon ti a kontan konnen ki kriter pe ganny servi pour fer re-alokasyon sa bann later avek bann dimoun ki pe espere?

Aprè Minis, stasyon resers Anse Boileau i sipoze fer resers pour amelyor lagrikiltir Sesel, eski Minis i kapab dir ou ki difikilte stasyon resers i rankontre pou donn bann fermeye sa bann rezilta resers ki zot fer?

Aprè eski *panel* i kapab dir Lasanble ki zot pe fer pour garanti ki napa mankman bann prodwi debaz, ki bann fermeye i bezwen dan bann stor lagrikiltir? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Kriter pour alokasyon later mon pou demann *CEO* pour entervenir e osi pour osi donn en pe leksplikasyon lo difikilte stasyon resers pour donn bann rezilta bann resers ki zot pe fer.

Me kot i konsern bann prodwi debaz, letan mon'n tyek avek lazans, zot aktyelman pe fer peyman pour lot *batch* prodwi ki pe antre dan pei e mon ti deza koz lo enn de bann mezir.

Par egzanzp lo kote *open permit* pour enportasyon pour ki nou napa retar e osi asire ki sa *revolving fund* i dan en bon leta, ki mon an diskisyon avek Finans pour fer sir ki nou pa mank larzan dan sa *revolving fund*.

Ouswa nou pou bezwen al rod en lot bor pour nou kapab aste materyo. Nou konnen pou dir la avek sa sanzman dan pri nou pou annan en problem e nou an kontak avek Minister Finans ki annan sifizaman larzan pou aste. E ma demann *CEO* pou koz lo sa de premye pwen. Mersi.

MR SPEAKER

Mersi. *CEO*.

CEO LINETTA ESTICO

Mersi Mr Speaker. Lo sa ki konsern *retraction of land* ki nou fer epi pou *reallocate*. Premye kriter ki nou servi, fodre sa dimoun i lo *waiting list*, parey zot konnen nou annan en *waiting list about* 121 aplikan ki'n deza pas *through interview*.

E si sa dimoun i deza lo *waiting list* i vin devan. Me nou kriter normal nou get en pe *background* sa dimoun dan lagrikiltir, son *knowledge*, son leksperyans pour lo en laferm.

E prensipalman pwen pli enportan, se si i annan abilite pour li finans sa proze, e nou gete si sa proze i profitab avan nou *allocate* li ek later.

Lo ki konsern defi resers, parey nou konnen resers son bi se pou anmenn bann nouvo teknoloji, teste avan nou entrodwir avek bann fermye pou zot kapab adopte.

E zot bann defi ki zot fer fas avek, nou konnen ki bann nouvo teknoloji i koute osi e swa ni fon osi i pa *allow* nou lakantite ki nou sipoze pe fer.

E osi lo kote *staffing*, akoz nou war kot sant resers, lo kote *research officers* nou annan zis 2 pour lemoman, e nou ti a swete annan *minimum* 4 *research officers* ki pou fer sa bann resers ki mon'n nonmen. Epi lo kote *field workers* nou'n vwar poudir laplipar nou bann *staff* kot resers i vremen aze, lamazorite i par lao 50an e i annan nesesitan pour nou rod en pe plis dimoun ki kalifye kot resers pour kapab antreprann sa bann *research*.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Bonzour Mr Chair. Bonzour Minis, bonzour tou dimoun. Mr Chair normalman dan lavi nou rod tou fason pou nou progrese. Ozordi mon en pti pe dezapwente, sagren akoz dan plas progrese nou war nou plizoumwèn regrese.

Mon dir sa akoz Lazans Lagrikiltir ti enn bann premye fri prose reform ekonomik avek stiktirel ki Gouvernman ti fer an 2008, e an swivan sa lazans lagrikiltir ti ganny formen and 2009, Mr Moustache ti premye CEO, Madanm Linetta Estico ti son premye Direkter *extension* e mwan, mon ti son premye ekonomis.

So mon dir sa akoz mon konn en pti pe listwar Lazans Lagrikiltir e mon konnen akoz ki i ti ganny kree, sete pour deservi fermye anmenn servis pli pre avek fermye, anmenn *know-how* teknik pli pre avek fermye.

Me parkont ozordi nou war tousala pe ranverse e pe tourn dan en sistenm ki ti la avan 2009.

Mr Speaker an dizan sa mon ti a kontan demande, eski ler nou pe fer tou sa bann remaniman nou'n fer prosedir *or* dan Bidze i annan larzan pou rekonpans *or* pou pey konpansasyon bann benefis tou bann travayer, ki pou sorti

dan lazans ki pou prezan antre dan Minister?

Eski Lazans, enn bann keksoz prensipal ki i ti sipoze fer apre ki Lazans ti reetablir sete pou defalke sa ki nou apel *requisite store* la, pou privatiz li e donn avek prive.

Ozordi i annan kestyon ki'n leve taler konsernan *requisite store* kot i annan difikilte *inputs*. Eski Minister pe mazin revwar sa? E pe mazin met *requisite, supply of requisite* dan lanmen prive?

Mon dezyenm kestyon Mr Chairman i an relasyon avek *Agro Processing*, in ganny leve boner. E nou konnen difikilte *Agro Processing* isi Sesel pou fer li lo en *large scale*, se *seasonality* pou bann prodwi. Bokou keksoz i vin par sezon e napa kantite fri ouswa legim dan lot sezon pou kapab soutenir en biznes *Agro processing*. Sa i en fe.

Lannen pase pou petet 2019 Lazans Lagrikiltir ti vin avek en pti proze pour asiste bann fermye atraver *ADF loan*. Pou zot kapab konstrir bann *shade house*, pou zot zisteman kapab prodwi preski dir tou dilon lannen malgre lasezon pou zot kapab annan plis prodwi pou met lo *market*.

Eski sa *Scheme* i ankor anmars? Kantite fermye ki'n benefisye? E eski zot pou deside met plis dan sa *Scheme*?

Mon trwazyenm laliny Mr Speaker, mon dernyen laliny konsernan *ADF loan*, Minis yer ti dir i annan R26milyon dan fon *ADF*. *Loan* in ganny ogmante pou vin R5milyon, mon konnen osi ki sa *Scheme Shade House* bann fermye ti pe *borrow* dan *ADF* pou zot kapab met zot bann *shade house* debout.

So eski pou annan en *replenishment ADF* akoz 26milyon ler 5 gro fermye in pran 5milyon napa naryen pou pti fermye, napa naryen pou *Scheme Shade House*.

So Minis ki plan la, ki plan konmsi eski pou *replenish* sa *ADF*? Eski pou annan larzan *from LTF* pou antre dan *ADF* pou fer sir ki tou fermye i benefisye? So donn nou en pti leksplikasyon. Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pou ou 3 kestyon. *Compensation of employee's* dan ka abzorbsyon Lazans dan departman. Mon pou demann Finans pou koz lo la me selman lenpresyon ki mon gannyen, se ki pou napa en size kot en dimoun i ganny tire apre i ganny re mete.

I sipoze ganny fer dan en fason kontinyel, me selman mon kapab rod en klarifikasyon osi lo la, mon konnen poudir Onorab i konn byen sa size. Me nou ava get byen dan sa kestyon li menm e apre petet donn ou en repons lo la. Me selman mon pa krwar ki i annan sa lenplikasyon dan en fason sever e ki nou bezwen met en *allowance* Bidze pou li.

Requisite store, eski nou pou privatize, wi ou non? En desizyon pa ankor ganny pran lo la , me selman i annan plizyer konponan supply of bann materyo ki bann fermye i servi ki deza bann prive i kapab fer. Me nou pa war bokou bann prive ki pe fer li e petet osi pri ki pe ganny aplike i pe fer ki tou dimoun i vin ver *requisite store*.

E mwan mon lentansyon se letan nou get dan sa bann size ki annan pou fer ek *requisite store* ek son *revolving fund*, ek lafason ki nou sarz bann pri. Nou pou bezwen vremen get byen pour ki sa ki pou pe fer i pou benefisye bann fermye ki pe dan prodiksyon byensir. I pa pe ganny servi pou siport bann aste revann osi, ki nou aprann i annan serten ka i pe arive.

E nou pou bezwen fer sir ki si i annan bann keksoz ki bann prive i kapab pran, mon krwar ot merit kapab pran, i annan en kantite bann prodwi

ki prive i kapab senpleman enporte e distribye.

E dapre mon konpran sa bann posibilite i la. Me mon pa ankore konn rezon akòz zot pa pe fer li e mon bezwen ala en pe pli profon ladan.

Petet mon a demann *PS Moustache* pou koz lo sa size en pti pe akòz in la e i konpran byen sa size privatizasyon *requisite store* e apre nou a koz lo *Agro Processing*. Mersi.

MR SPEAKER

PS.

PS ANTOINE-MARIE MOUSTACHE

Mersi Onorab. Chair anefe posibilite pou prive antre dan lavant prodwi oubyen bann entran lagrikiltir i la depi dan bann lannen 2000, e boner bann lannen 2000 ti ouver parske avan sa pa ti le ka.

Me nou'n vwar tre pe ki'n antre. Eski i relye ofet ki pri ki bann lavant pe fer kot nou lagrikiltir i bokou pli ba don i pa vin konpetitiv, i pa fer li vin konpetitiv pou zot.

Ti annan sa demars ki ti re ouver an 2009 letan Lazans ti kree. La osi ti annan en renouvelman sa lof ki prive i antre ladan, me la ankore nou pa'n vwar vreman bokou ki'n antre. I ankore en ka kot i annan 2 ou 3 i ladan, e petet 1 an partikilye ki pe fer li.

Me sa i reste lo latab setadir zot kapab antre evantyelman. E donk sa i en keksoz ki nou kapab fasilite a lafen dizour, parske zot osi mon sipoze zot devret annan en rol ladan.

Donk sa i reste lo latab e mon panse ki si i annan ki pe ekoute la *maintenant* i enterese sa i kapab ganny fasilite sa apre tou. Mersi.

MR SPEAKER

Minis ou pou rebran?

MINISTER FLAVIEN JOUBERT

Mersi Mr Chair. Mersi Mr Moustache pou ou leksplikasyon. Nou kontinyen *ADF* Onorab, dapre lenformasyon ki *PS* in donn mwan la, normalman i annan 3milyon ki ganny *allocate* dan Bidze pou *ADF* sak lannen depandan lo balans dan sa kont.

An 2021 i napa provizyon pou azout a 3milyon akòz i deza annan 26milyon, e 26 milyon dan sa kont akòz i pa'n ganny ase dimoun pou servi dan larzan savedir ki larzan i ganny mete i pa ganny servi sa kantite ki fer ki la nou annan 26milyon dan sa fon.

Me si i annan okenn bezwen nou kapab fer laranzman pour ki Finans i azout ankore nou konnen poudir letan nou pe koz

5milyon i kapab al pli vit. Me nou bezwen fer sir ki, e nou bezwen fer sir ki letan i annan sa bezwen nou retourn kot Finans.

E nou kapab ganny alokasyon adisyonnèl, akòz sa i pa larzan ki nou pe donner i larzan ki nou pe prete. E alor i pa neseriman larzan perdi dan en fason, plito larzan ki sipoze retourn dan sa kont.

Alor nou ava fer laranzman ek Gouvernman pour ki i annan sa *replenishment* e sa fon i reste par lao maksimonm ki en dimoun i kapab vin pran, pou fer son, ouwa par lao maksimonm demann ki nou annan pou le moman.

E alor mon pou reasir ou ki fodre pa nou enkyet ki *PDF* pou *run out of* larzan. Sa sonm ki annan la aktyelman. E sa *commitment* pou Gouvernman remet larzan ladan letan i desann i fer ki nou pou annan ase pou kouver bann gro depans e bann gro demann ki pou vini. Mersi.

MR SPEAKER

Mersi Minis. Onorab Porice.

HON DOYACE PORICE

Mersi Mr Speaker. Bonzour Minis ek ou delegasyon e bonzour a tous. Mr Speaker en bon pe mon kestyon in fini ganny demande. Me mon annan en pti komanter avan ki

mon demann sa kestyon ki reste.

Mon ti met mon kandidatur dan distrik Baie Ste Anne pou *LDS* e mon ti fer byen. Mon ti sorti avek en poursantaz ki'n ed mwan ozordi vin en Manm proporsyonnel dan Lasanble Nasyonal pou Sesel.

(APPLAUSE)

HON DOYACE PORICE

Mon pa'n parey serten ki'n zis la tranpe pou ganny en plas proporsyonnel, mon pou travay pou Baie Ste Anne. Akòz se zabitan Baie Ste Anne ki'n donn mwan sa poursantaz ozordi.

(APPLAUSE)

MR SPEAKER

Mersi Onorab ou pwen in ganny fer. *Move on.*

HON DOYACE PORICE

Me Minis mon kestyon i koumsa. Pou lenformasyon piblik Praslin konbyen in koute ki'n kout ou Minister pou renouvle sa labatwar Cap Samy Praslin?

E osi pou azout avek sa ki mon koleg Onorab Gill, kot i konsern semen pou bann ferme, i osi annan enn lo kote Cote D'Or mon krwar Minis ou okouran, se pa bliye met zot

osi lo lalis pou ganny semen.
Mersi.

MR SPEAKER

Mersi Onorab. Minis.

**MINISTER FLAVIEN
JOUBERT**

Mersi Onorab pou ou kestyon.
Mon ava demann *CEO* pou
reponn kou renovasyon
labatwar e osi semen Cote
D'Or si i dan proze. Mersi.

MR SPEAKER

Mersi. *CEO*.

CEO LINETTA ESTICO

Mersi Mr Speaker. Se ki
konsern labatwar Cap Samy
kou i 2.5milyon *contract sum*.
Selman nou pe ekspekte
annan serten varyasyon ki
nou pe anvoy ou pou aprouve
i pa pou plis ki R300mil sa
varyasyon.

Kot i konsern semen
nou'n deza demann *SLTA* pou
met *asphalt* lo semen Cote
D'Or, kot Ex Donjo Farm e sa
pe kout nou 1.2milyon.

MR SPEAKER

Mersi. Onorab Romain.

HON GEORGE ROMAIN

Mersi Mr Chair. Bonn apre
midi Minis ek pou *panel*. Mon
kestyon Minis i byensir mon
pe koz pou Anse Etoile. An vi
ki Anse Etoile osi i annan en
bon pe fermye kot mon'n

ganny sans vizit zot, e zot
laferm i *quite* ase gran, parey
mon'n deza dir oparavan.

Me parkont mon'n vwar
ki enn de laferm pe devlop
vremant byen e i annan ki pa'n
devlop lo sa nivo, later
kantmenm i gran i annan ki pa
pe vremant fer preski naryen lo
sa later. E alors an vi ki bokou
dimoun pe rod later pou
plante, mont dan i annan
sa bann dimoun ki pe rode.

Mon konnen Minis in koz
en pti pe lo la, *CEO* osi in koz
en pti pe lo la. Me selman
mon'n tann *CEO* mansyonnen
ki in donn zot 3 mwan ankor
pou zot re devlop sa later. E
mwan pour mwan, mon santi
3 mwan i en pti 3 mwan i en
pti pe tro bokou, *anyway* sa i
mon pwennvi.

Akoz anvii ki dimoun in
anvi debourye i anvii sa bann
later, alors ki mon ti a kontan,
menm sa bann later ki vremant
gran sa bann ki zot pa pe
devlop lo son maksimonm, si i
annan en posibilite kekfw
Minis in get ladan pou re diviz
sa bann later ki lezot fermye i
kapab ganny en bout ladan, ki
lezot i a benefisye.

Alors mon kestyon
vitman, ki oubien *CEO* ki
vremant Minis i anvizaze fer lo
kote Anse Etoile, pou get ladan
vremant pou tir sa bann later
ki sa bann dimoun pa pe
deblok sa bann later? Sa i enn.

Apre vitman an vi ki Anse Torti son bann later lagrikiltir i en pti pe dan montanny, akoz i annan en pe later ki en pti pe dan montanny, akse ek semen i en pti pe difikilte en pti pe.

Alors mon ti a kontan demann Minis vreman lo kote semen pou ganny akse ek sa bann later i annan ki annan be selman i en pi pe pa tro vreman an konformite mon kapab vreman dir.

Ki i anvi fer pou kapab deblok en pri pe sa bann semen ki fermye i kapab ganny ne pti pe plis sa fasilite transportasyon ki parey si zot annan zot legim ou pe anmenn materyo lo sot teren, lo zot later? Ed zot e pti pe lo la, sa i dezyenm.

Epi dernyen vitman, an vi ki i annan bokou fermye dan Anse Etoile mon pa pe vreman vwar zabitan Anse Etoile pe benefisyé, sa bann legim oubyen gro manze dan distrik li menm. Akoz mon krwar napa ase sa fasilite *outlet* pou zot vann zot bann legim, mon krwar mazorite i al bazar.

Alors vi sa pti bout later la kot La Retraite Minis ki en bazar pe al ouver byento pou bann peser, i annan akse la ater la mon'n deza koz avek kote *SFA*, mon krwar zot pare pou donn kote Lagrikiltir en pti bout la koz zot kapab devlop en bazar tou la.

Alors mon pe demann Minis si kekfwa dan son plan dan lavenir si i kapab mazin lo la. Mersi Mr Chair.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pou ou kestyon. I annan, ou premye pwen i konsern later ki pa ganny devlope. Ou'n dir nou poudir ou war ki sa 3 mwan i en pe aksesib me sa i en prosis ki mon krwar in ganny fer baze lo serten konsey lo ou a kapab zis tire san ki ou donn sa dimoun en sans pou li montre ki i pe fer.

Me ou morso prensipal ou kestyon se ki nou pou fer avek bann later ki pa pe ganny devlope. Eski nou kapab *subdivide* li, *well* normalman letan en later i pa ganny devlope i annan en prosis parey *CEO* in dir ou, e nou kapab donn ou kopi sa.

Me *subdivision of land* parfwa i en pti pe anbetan. Akoz i posib ozordi pou annan en gran later, e en dimoun pa pe prodwi lo la, ou koup li an pti morso e en dimoun ki agresiv i vini i plante lo la, e en pti moman i depas en kapasite later e i war ou prezan ou dan en difikilte.

Alors i en pe difisil pou nou, si koup later an pti

morso, akoz i kapab kre problemm apre e apre i fer ki laferm i tro pti. Nou, nou lapros ki nou pe pran prensipalman se si en dimoun pa pe prodwi lo sa later sa dimoun i sorti antyerman dan sa later e sa bann laranzman an morso, morso i kre en pe problemm apre. Me mon a les *CEO* apre fer komanter lo la, lo prosedir.

Kot i konsern semen, mon konnen i annan en semen ki sipoze ganny planifye la, mon pa konnen is in fini konplet son planifikasyon pou li ganny fer akoz i annan en diskisyon avek *MLUH* osi, pou deservi serten lakaz ansanm ek laferm.

Me i annan en sirtou kot i konsern fermye La Gogue ki sipoze dan planifikasyon e potansyelman i kapab vini an 2021. E *outlet* pou bann prodwi laferm byensir si i annan en landrwa ki nou'n fini dakor lo la e i annan posibilite i dan Bidze ouswa anba *Livestock Trust Fund* nou pou fer li, nou zis vini nou fer en keksoz ki bann dimoun i kapab benefisye, sa mon pa trouv en gran problemm avek.

Nou a zis ganny diskisyon apre sa diskisyon dan Lasanble isi. E nou a kapab tonm dakor ansanm ek lapas ki mannyer nou kapab organize pou met en fasilite pou fer byen. Mersi, mon a

demann *CEO* petet pou eklersi lo *subdivision* lo semen. Mersi.

MR SPEAKER

CEO.

CEO LINETTA ESTICO

Mersi Mr Speaker. Lo ki konsern probasyon bann dimoun ki pa pe fer byen kote Anse Etoile.

Zis mon anvi fer sorti ki malgre Onorab in dir i long, avan nou *probation term* ti 6mwan, prezan nou'n vize nou'n fer li vin pli kourt 3 mwan. Savedir nou'n fer revizyon, nou'n remarke poudir i tro long 6 mwan. Alors nou'n fer li 3 mwan pou nou kapab pran aksyon en pe pli boner.

Lo kote semen mon konnen nou'n deza fer serten semen lo La Gogue ki servi serten group fermye, e parey Minis in dir la i reste sa enn ki nou pe negosye avek *MHILT* pou gete si nou kapab fer serten semen.

Me selman nou bezwen ansanm avek fermye gete bann group fermye dan kominote, gete kote ki annan potansyel pou nou fer semen. Epi rod *funding* pou fer sa semen akoz toulezan nou annan en lalis lenfrastriktir ki nou'n propoze. I pa en priyorite dapre fon ki nou annan.

MR SPEAKER

Mersi. Onorab Gabriel.

HON CONRAD GABRIEL

Mersi Mr Chair. *Welcome* Minis ek ou delegasyon. Tou dimoun ki pe a lekout ki pe get nou, mon a dir zot en bonzour en bonn apre midi. Minis dan mon distrik i annan an bon pe zenn, i annan zot pe montre lentere pour *invest* dan lagrikiltir. I annan ki'n menm ekri, ki ankor pe esper larepons kot pou konnen poudir en kriz pou le moman zafer later lagrikiltir.

I annan menm ki'n pas lo bann pti bout Propriyete Gouvernman e pe komans plante e ek sa problem travay ki annan dan pei byensir mon pe donn zot lankourazman. Akoz zot bezwen debourye travay e fer en pti keksoz.

Mon krwar Minis dan sa Bidze petet zis asir nou ki ou annan en zefor ki pou ganny mete - en pri larzan petet ki pou ganny donner pou kapab ed sa bann dimoun epanouir.

E sa i a kre lanplwa, i a fer ki natir en bon pe zenn dan bann sityasyon dan bann lenfliyans dan bann sityasyon ki annan dan pei. Aktyelman zis mon pe demann ou sipor lo la zis pou ed zot en pe vi ki nou pa en teren nou kapab en gran, gran landrwa pou plante. Me selman nou annan

en pe keksoz nou kapab fer pou ede dan distrik.

Mon dezyenm pwen Minis, si sa i materyalize ti ava en bon konnen ki plan ki zot annan pou sa bazar Pointe Larue?

Nou deza annan li la, i deza la striktir, zis i demann *proper maintenance* e fer en bon plan pou li, petet pandan sa lannen dir nou pandan sa Bidze la ki zot annan plan pou fer pou sa bazar Pointe Larue, e baze lo sa kestyon mon a demann mon kestyon siplemanter. Mersi Mr Chair.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pou sa kestyon konsernan bann zenn. Mon krwar letan nou ava anvoy lalis kot ou, ou a kapab dir nou lekel bann zenn ki petet endik nou bann priyorite e nou osi ou pe travay lo lalis bann dimoun ki lo *waiting list*.

Nou ava gete ki mannyer nou a kapab fer, dan mon lespri mon krwar i annan enn oubyen de sit d Pointe Larue i kapab ganny potansyelman ganny servi pou lagrikiltir nou kapab diskite lo la osi pou vwar kote sa bann zenn i kapab ganny en plas pou zot.

Kot i konsern bazar Pointe Larue sa bazar lenpresyon i mon gannyen i en bazar ki pa'n ganny fer dan en landrwa ki apropiye. Ouswa bann dimoun ti abitye servi li nepli servi li, mon aprann ki bann dimoun ki ti travers *runway* ki ti al lapes eksetera ti servi li avan.

Me i pa pe ganny servi la aktyelman e parey mon'n kominik avek Onorab Au Cap mon krwar i enportan ki nou se distrik ek zabitan ki kapab endik nou kote vreman zot enterese annan en fasilite pou vann zot bann prodwi.

Akoz mon pa ti a voudre ki nou met zefor nou fer en keksoz ki apre personn pa servi, zis parey sa enn ki la konmela. Mon krwar i enportan i nou kapab tonm dakor lo la, e petet sa sit kot sa bazar egzistan i ete re servi li pou en lot bi.

E tonm dakor ek bann zabitan kote vreman ti apropiye pou annan en bazar, e sa pa mwan ki pou dir se distrik, se manm Lasanble Nasyonal se zabitan ki pou vreman determinen.

Mon komikman se ki letan en desizyon in ganny pran pou met en bazar debout nou bezwen rod resours pou nou fer li ganny fer. Mersi

MR SPEAKER

Wi Onorab. Terminen silvouple.

HON CONRAD GABRIEL

Yes Minister lo idantifikasyon mon'n pase mon'n fer letour e mon'n war en landrwa potansyel kot nou kapab progrese lo pou fer *farming*.

So mon ava diskit ek ou. I annan en landrwa apropiye mon' n diskite ti fer plantasyon la avan mon krwar mon'n war en lagreman ladan. Mersi.

MR SPEAKER

Mersi Onorab. Minis in note mon asire. Onorab Bastienne.

HON DESHEILA BASTIENNE

Mersi Mr Chair. Bonn apre midi Mr Chair. Bonn apre midi Minis ek ou delegasyon. Mon kestyon i pou annan pou fer avek Perseverance vi pou en bon pe letan Perseverance in ganny kite a lekar napa okenn devlopman.

Ankor dan sa Bidze i pe pas parey, alor mon anvi demann Minis vi ki Perseverance napa en bazar, e bann dimoun pe vann fri ek legim ek pwason en pe partou kote dan kwen semen.

Mon ti a kontan konnen si larzan, zot annan okenn plan pou diol ek sa sityasyon pou ed sa bann dimoun dan Perseverance? Akoz sa pe ale pou en bon pe lannen. Mersi.

MR SPEAKER

Mersi. Minis, *PS*.

MINISTER FLAVIEN JOUBERT

Mersi Mr Chair. Mersi Onorab pou sa kestyon konsernan bazar lo Perseverance. Mwan osi ler mon pas Perseverance mon rekonnèt poudir i annan en gro problem, i annan plizyer pwen kot dimoun pe fer lavant bann diferan prodwi, i annan legim i annan pwason osi ki mon war osi i ganny met lo *pavement*.

E mon krwar nou bezwen trouv en solisyon pou Perseverance. Me i pou difisil pou nou zis koman Lazans deklare poudir sa i en landrwa bazar, i pou en pti letan pou ganny en konversasyon. Mon pour envit ou pou nou ganny e koze lo la ansanm ek Lazans.

E annou met li lo lalis priyorite pou lalis 2021 pou nou ganny en landrwa m mon keksoz osi ki mon pe konstate letan mon get Perseverance, se ki bezwen pou bazar i ase gran parske mon get sa kantite latab letan nou met tousala ansanm i pou en bon pe.

E osi sa kantite pwason ki ganny vann nou bezwen fer sir ki nou ganny en fasilite ki ase signifikan dan sa landrwa. E alor i enportan ki nou ganny li byen lo konmansman.

Me mon pou envit ou pou nou ganny en koze lo la, e nou ava tonm dakor lo en proze pou Perseverance pou nou kapab amelyor sityasyon la. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Bonn apre midi tou dimoun. Mr Chairman Premyerman i enportan ki nou sitye nou ki sa Bidze SAA i ekstrememan enportan me serten keksoz ki Minis in dir nou ozordi i merite ki Minis i donn nou en serten klarifikasyon.

Akoz lesansyel SAA se pou vin en antite ki pa depan lo sa Minister i annan serten lotonomi, serten lendependans e Minister li i plito regard size zeneral ki mannyer lagrikiltir i sipoze devlope dan pei.

So premyerman mon santi ki Minis pa'n kapab reponn sa kestyon ki Onorab Cosgrow in demande, i a fer dezyenm Minis ki pa'n kapab demann sa kestyon.

Ki pou arive ek ban travayer sa lenstitisyon? Par lefe ki letan nou regard Lalwa, Lalwa i donn serten pouvwar SAA i kre en antite ki annan son prop zil, son prop manda e Lalwa pe ganny *phase out*.

So si Lalwa pe ganny *phase out*, ki pou arive ek sa bann travayer SAA? Eski i pou annan en sityasyon kot zot pou kontinyen travay? Me sa i pa leka akoz *usually* ou bezwen konsider la kantite letan ki sa travayer in travay dan sa landrwa kot i ete, pey li son bann *dues and then* kontinyen.

So Minis eski ou kapab klarifye akoz ou pou annan 2 Antite ki pou vin devan nou. Premye se SAA e dezyenm se *National Biosecurity Agency*? Mon krwar, ki pou annan menm sityasyon. Sa i mon premye kestyon.

Mon dezyenm kestyon Minis ou'n fer referans mon krwar avek sa plan ki ti ganny etabli an 2015 si mon pa tronpe. E se sa ki ou pou travay lo la, sa plan i pozisyonn rol SAA ase dominan e i fer serten distenksyon ant rol ki Minister i bezwen zwe. E sa dan lespri pou promot lagrikiltir e promot soustenabilite lagrikiltir.

Avek sityasyon *COVID* nou pe komans rod lezot *avenues* pou fer sa. So eski Minis ou kapab dir nou an relasyon ek sa plan ek resours ki nou pe donn SAA, ki prozeksyon ki ou Minister i annan si ou annan, lo kan eski nou pou komans vwar probableman en *turnaround* ki zot propoze anmennen avek sa

nouvo sistenm ki zot pe met an plas an se ki konsern devlopman lagrikiltir dan nou pei?

E mon trwazyenm kestyon Mr Chairman, SAA son manda se ki i ti vin prezan pou enfrastruktir ki bann fermye i bezwen e li ki ti annan i oule stati legal vizavi tou ban neleman an sa ki konsern bann *leases* si mon pa tronpe e bann lezot dokiman.

Lefe ki sa pe al dan Minister eski sa pou afekte dan okenn fason lenteraksyon ki SAA i annan avek lezot Lazans enternasyonal ki parfwa i prefere dil avek en Antite malgre i gouvrenmantal me ki en pti pe an deor Gouvernman? Akoz zot santi poudir pli fasil par egzanp *CLISSA* eksetera bann proze koumsa.

E an relasyon ek bann *lease* later ki bann sanzman nou pe ekspekte annan prezan, lefe ki sa bann lease i lo SAA? Eski i pou annan en transfer bann *lease back to* Gouvernman?

E pou annan en *resigning of bann lease agreements* avek bann fermye ant Gouvernman avek bann nouvo kondisyon oubyen ki sa. So nou ti a kontan konnen ki sa bann sanzman pou anmennen? Mersi Mr Chairman.

MR SPEAKER

Mersi Onorab. Minis.

**MINISTER FLAVIEN
JOUBERT**

Mersi Mr Chair. Parey mon'n koz lo la pli boner kot i konsern bann zafer *dues* pou travayer. Mr Chair si Lalwa i demande ki sa bann dimoun i ganny peye zot konpansasyon, byensir Gouvernman i bezwen trouv fon pou pey zot bann konpansasyon.

E sa Bidze i pe ganny prepare la, sa bann sanzman pa ankor ganny anonse sa SAA i ankor egziste parey i ete, parey mon'n dir, sa bann Bidze pe ganny prepare la konmsi keksoz pa'n danze, tou sa bann Bidze pe ganny prepare konmsi naryen pa'n sanze.

Me selman letan keksoz i sanze byensir nou bezwen fer en revi e anmenn sa bann lazisteman ki pou anglob tou sa bann sanzman ki pou arive. Akoz la pour le moman napa naryen ki'n sanze SAA i egziste NBA i egziste, Departman Lagrikiltir in vin la yer i egziste.

Alor nou bezwen tret zot Bidze konmsi zot ankor parey avan. Me letan keksoz i sanze nou pou bezwen aziste pou nou pran kont sa bann sanzman. E byensir si en dimonn nou drwa li, si Gouvernman ni drwa li son

dues, nou pou bezwen pey li son *dues*.

Mon pou dakor avek ou lo la. Kan eski sa bann plan pou anmenn serten *turn around?* Mon a zis koz lo 3 keksoz par egzanp sipor pou *loan*, nou'n dir ki nou pou fer monte bann *loan* e nou'n fini fer sa la. Nou pou ekspekte ki nou pou komans war plis dimoun pe akse bann *loan* ki ase signifikan pou zot fer en diferans dan zot prodiksyon. Sa i enn.

Later nou pe fre en ran zefor lo kote later, nou ti a voudre ki nou fer en masiv diferans an 2021, kot konsernan akse avek later.

Sa i vedir plis later anba prodiksyon, plis dimoun ki'n siny zot bann *lease* ki ti pe dormi ki ti pe ganny problemm avek, plis later ki ti anba prodiksyon i ganny tire ki fer ki nou ava annan bokou plis dimoun ki pe partisip dan lagrikiltir.

Me i osi nou bezwen al en pe pli lwen parey mon'n dir nou bezwen met Zil Elwanye dan fer li antre koman parti bann later ki i annan pou devlopman lagrikiltir.

E parey Onorab Henrie yer zot in koz lo la e lezot Onorab mon krwar pou Port Glaud osi in koz lo la, nou annan bann later ki nou kapab servi pou *agroforestry*. Par egzanp, nou kapab

idantifye zot e *allocate* zot dan *pool* later ki nou annan pou lagrikiltir.

E savedir ki nou kapab deswit war en logmantasyon dan kantite later i anba prodiksyon e kantite dimoun ki pe partisip dan lagrikiltir.

Pou *livestock* bann mezir ki nou pe pran la lo kote bann kotaz ek bann enplikasyon bann ferme, nou ekspekte dapre prozeksyon ki 2021 a 2022 nou merit war en sanzman en mouvman dan prodiksyon sa bann komodite.

Alor i annan serten prozeksyon ki nou pe gete, byensir nou pa ankor fini fer tou me nou bezwen kapab war bann rezilta an 2021, 2022 pe antre. Mersi. E apre zis, ou'n koz lo lenfrastriktir, ek bann *leases*, eski sa bann sanzman ki lenplikasyon sa bann sanzman.

Pou lenfrastriktir sa bann keksoz i reste parey, aköz sa Lazans ek departman ki pou pran son plas i pou kontinyen reste an konsiltasyon avek ferme e i pou kontinyen travay lo bann proze pou adres bann konsern ferme.

I annan serten sanzman ki'n deza ganny fer dan *LFT* depi avan e sa ti ganny fer avan sa bann sanzman ki'n ganny anonse la.

Alor sa bann sanzman in vin avan menm sa bann

sanzman ki ou pe koz lo la ki fer ki deza en bout *LTF* ti avek Minis e non pa an deor Gouvernman.

E *leases* osi i pa avek Lazans, *leases* i avek *Government of Seychelles*, e *leases* pou reste avek *Government of Seychelles*.

E alor nou pa tro krwar ki i pou annan en lenpak lo *leases* aköz *leases* i avek Gouvernman Sesel e i pa pou fer okenn diferans si ou pe pas atraver departman ouswa ou pe pas atraver Lazans pou aste en *lease* Gouvernman Sesel. Mersi Mr Chair.

MR SPEAKER

Wi, Onorab Pillay nou a konklir.

HON SEBASTIEN PILLAY

Mersi Mr Chairman. Mr Chairman mon apresye sa dernyen larepons vizavi bann *leases* ki pou napa okenn difikilte pou bann ferme an relasyon ek okenn sanzman striktirel ki arive si sanzman striktirel i arive dan Gouvernman.

E mon krwar mon bezwen fer kler poudir mon'n tann serten mirmirasyon lot kote ler mon'n demann sa kestyon.

Fodre ki nou bann konpatriyot lo lot kote latab zot konpran en keksoz, Gouvernman atraver *speech*

Bidze in anonse ki pou annan sa bann sanzman. Nou pa kapab koman en Lasanble serye pa demann kestyon lo la, nou bezwen demann serten kestyon.

Be ou pa kapab dir mon i pou arive ou, mon bezwen demann kestyon pou mon konpran rezon det akoz sa sanzman! Ou pa konnen si mon siport sa sanzman si mon kont sa sanzman.

Sa ki neserer se ki enn bann travayer sa bann lorganizasyon i konnen kote zot *stand!*

Ou pa kapab annan en dimoun ki pe ekspekte i pe travay me selman i pa konnen si dan 6mwan oubyen dan 2 mwan, oubyen dan 3 mwan i pou ganny met deor.

Sa ki enportan se ki i konnen poudir se ki i annan serten stabilite dan son travay i kapab delivre. Akoz sa i pou afekte moral, i pou afekte *output* e letan i pou afekte *output* i afekte bann kliyan, e lekel bann kliyan? Bann kliyan i bann fermye ki nou oule zot ogmant zot bann prodiksyon.

So napa naryen mal avek demann kestyon sa i rol Lasanble prezan denigre mwan, tap mwan ki mannyer zot oule mon pou demann sa ban kestyon e mon pou kontinyen demande. Sa premyerman i enn.

Mon en klarifikasyon ki mon oule met devan Minis pou donn nou ba, an relasyon avek sa plan e sa program i konsern sa size larzan ki annan dan *LTF Livestock Trust Fund* avek larzan ki annan dan *ADF*.

Mon ti a kontan Minis ki Minister Finans i klarifye pou nou konbyen larzan nou annan dan *Livestock Trust Fund* *currently?*

Malgre i in ganny *spread over* bann proze *SAA*, me donn nou si zot kapab donn nou total larzan ki annan dan *Livestock Trust Fund*.

E konbyen larzan, nou konnen nou'n dir 26 milyon dan *ADF* pwen ki Onorab Cosgrow in fer i en pwen pertinan Minis akoz si ou ganny ou dan en moman kot ou pe *increase* partisipasyon bann fermye pou fer bann aktivite, bann ti aktivite lagrikiltir.

E lo kote *farming* byensir ou konponan 5milyon ki ou'n ogmante pou *exhaust* sa fon vitman si bann fermye i al ver sa. So eski ou annan posibilite, eski Finans in donn ou pa ou neserman ou Minis mon pa pou kapab met sa lo ou latet.

Me eski Finans in donn ou alternativ kot ou pou kapab *tap into* akoz pou konnen resours i en pe limite, kote ou pou kapab *tap into* si atraver

bann fasilite ki Labank Santral in met an plas pou kapab ganny *diverted* petet dan sekter prodiksyon lagrikiltir, oubyen sa ban larzan pou reste strikteman avek sekter biznes dan en fason zeneral? Mersi Mr Chairman.

MR SPEAKER

Mersi. PS Thesee ou pou adres sa?

PS DAMIEN THESEE

Mersi Mr Chair. Ki nou bezwen note, kantmenm si Gouvernman in ogmant sa *threshold loan* la, i *still* en *loan* 5milyon, i pa en *Grant* ki tou dimoun pou taye pou vin pran. Nou pou *still* bezwen kapab montre abilite pou re-pey sa larzan. Savedir i pa neserman ki tou biznes pou taye pou vin rod 5milyon.

Akoz sa fasilite ki mannyer in ganny negosye i annan en *threshold* osi ki donn ou pou *start-up* apre sa i annan en dezyenm fasilite ki ou kapab vin rod *additional* lasistans. So i pa neserman ki ou bezwen *apply* e ganny R5milyon.

E i annan apepre R26milyon apepre dan sa kont, savedir nou annan la ziskan *mid-year* pou gete lekel oubyen kantite fermye ki vin devan pou rod lasistans.

E natirelman apre serten lannen ou pa pou gannyen sa menm kantite demann petet, ki ou gannyen komansman en fasilite. E tou le lannen avan sa nou ti pe met R3milyon dan Bidze pou *replenish* oubyen *keep up* sa balans ki nou annan dan *ADF Scheme*.

E i annan lannen ki nou'n menm pa'n pey sa larzan akoz pa'n annan mouvman dan kont.

So la i annan en nouvo Polisi nou bezwen obzerve pou gete ki degre mouvman i annan dan kont e bann Bidze ki vini nou ava ogmant sa *subvention* ki nou donnen dan sa kot si i neser.

Akoz nou krwar nou'n siporte neserite pou ogmant kantite finansman nou ti pe donn bann fermye anvi difikilte ki zot gannyen dan bann Bank Komersyal pou zot ganny bann fasilite. E sa i zot plizoumwen sekour en pe pli rezonnab.

Dan *Livestock Trust Fund* prezan i annan li R4.2 milyon ki reste dan *Suspense Account*, sa to bann larzan *previous years* ki ti'n akimile. In *deplete* tre bokou an bi diferan *subvention* ki pe ganny donnen lo plizoumwen lo bann *inputs* pou bann fermye so si bann *slaughter fees*, oubyen bann kou transportasyon ki pe ganny *subsidize*.

Parkont nou fer estimasyon tou le lannen konbyen nou ekspekte lenportasyon i ete avek sa *levy* e sanmenm sa ki nou met totalman dan Bidze *Capex SAA* pou li servi, pou li siport son bann aktivite dapre son *objects* son *Act*. Mersi.

MR SPEAKER

Mersi. Onorab nou bezwen *move-on*, zis fer dernyen pwen silvouple.

HON SEBASTIEN PILLAY

Mersi Mr Chair. Mr Chair mon ti a kontan met lanfaz avek Minis malgre mon'n asiz lo sa lot kote latab e kantmenm mon asiz lo ... i annan en keksoz ki mon pa'n zanmen dakor avek e mwan se sa input ki nou mete *from LTF*.

Mon ti a kontan demande ki ou Minister i fer en analiz, en evalyasyon sa bann *input* ki nou mete atraver *Livestock Trust Fund* an relasyon avek *slaughtering* eksetera pou fer sir ki *in terms of value for money at the end, at the end of the chain* konsonmater i benefisyé.

Akoz Gouvernman pe ede ki sa prodwi ler i ariv kot konsonmater i pi bon marse. E si eski sa pe arive? I en keksoz ki pa'n zanmen sit *right* ek mwan lo la kantite larzan ki nou pe mete i en presyon ki

nou gannyen *from* bann operater dan sa bann sekter.

Me selman i en keksoz ki bann Minister i bezwen komans, ki ou Minister i bezwen konsidere si nou oule annan soustenabilite lo bann resours ki nou annan pou met dan lagrikiltir. Mersi Mr Chairman.

MR SPEAKER

Mersi Onorab. Mon asire Minis ek *PS* in note. Onorab Georges.

MINISTER FLAVIEN JOUBERT

Mr Speaker mon kapab koz lo la en pti moman silvouple?

MR SPEAKER

Wi ale Minis.

MINISTER FLAVIEN JOUBERT

Mersi Mr Chair pou sa loportinite. Wi Onorab kot i konsern *Livestock Trust Fund* mon osi mon annan sa lanvi pour ki en lekip ki konpran byen Finans i antre dan sa *livestock trust fund*.

E an premye gete ki mannyer pe ganny servi pou nou asire ki pe ganny servi byen e ki sa bann sonm ki sipoze travers dan sa fon i pe al pou bann diferan bi i aktyelman pe ganny fer byen.

E lot keksoz se ki nou bezwen fer en analiz pou nou

vreman get lenpak sa bann *subsidies* ki nou pe donnen e ki lefe i pe annan lo marse li menm.

Mon krwar pli boner ti annan en kestyon sorti kot en Onorab ki ti demande si bann *subsidies* pou kontinyen? Bann *subsidies* pou kontinyen. Me an prenon kont bann laklerte ki bann analiz i fer lo sa size *subsidy* li menm.

Alor de tanzaot nou pou bezwen reviz sa bann keksoz e mwan koman en dimoun ki nouvo la mon ti a kontan ki nou ganny en bon apersi lo lenpak sa bann *subsidy*. E ki son lenpak pe ganny santi lo marse lo bann prodwi ki nou pe aste, ouswa si nou bezwen fer serten azisteman dan sa bann *subsidies* ouswa vin avek bann nouvo kalite *subsidies* e non pa sa bann ki egziste la konmela.

Alor mwan mon lentansyon se, e mon'n fer sa demann avek Minister Finans formelman pou zot analiz sa fon ek son bann fonksyonman ek son bann kalite lefe ki pe annan lo prodwi, pour ki nou kapab re kalib nou, e bouz devan ek en keksoz ki donn pli bon lefe. I donn sa lefe ki ti nou lentansyon lo komansman. Mersi.

MR SPEAKER

Mersi Minis pou sa. Onorab Georges.

HON BERNARD GEORGES

Mersi Mr Chair. Tou depar, permet mwan silvouple atraver ou *remind*, mon koleg Onorab *Leader* Lopozisyon ki *US* nepli O Pouvwar dan sa pei.

(APPLAUSE)

HON BERNARD GEORGES

E se ladministrasyon dan lekel Minis i servi ki O Pouvwar e se zot ki'n ganny manda pou administre sa pei pou 5an, e se zot selman ki pou decide ler bann *Board* oubyen bann Lazans pou ganny restriktire, e ler en Bidze pou ganny sanze e anvoy dan sa Lasanble. Se pa nou ki pou decide se zot ki pou decide.

Minis permet mwan demann ou e kestyon zeneral. Eski, mon war dapre lapant bann kestyon lo Lazans Lagrikiltir. Eski mon konpran byen ki pandan bokou lannen ler nou ti annan en Bidze an eksedan ki nou'n vwar en *trend* kot akoz larzan ti *available*, kot nou'n war en *trend* enport prodwi olye prodwi lokalman?

E eski sa labondans prodwi ki nou'n vwar resaman dan bann bazar en pe partou, e mwan mon koz lo bazar

Roche Caiman ki mon traverse toulezour.

Eski sa i an rezilta en eksedan prodiksyon? Oubyen eski prodiksyon i reste parey, me i annan mwens marse akoz i annan mwens touris ou plito napa touris ditou e donk se sa ki pe fer nou krwar ki nou pe prodwi plis.

E dan sa konteks e dan konteks ki ou fek koz lo la, la, eski Lazans Lagrikiltir i kapab dir nou si zot annan en program par egzant ki vize lo prodiksyon fri? Ann antisipasyon ki *Tourism* pou al re demare?

Eski i annan en program e mon'n tann ou dir yer Minis poudir ki wi, eski ou kapab konfirman ki i annan en program pou diversifikasyon prodwi, e pou fer sir ki serten prodwi ki nou pa pe prodwi konmela i ava ganny prodwi isi dan ban mwan ki pe vini pou redwir lenportasyon?

E finalman, eski SAA in mazin, e mon'n demann sa kekyon avek Minister Later, mon bezwen demann menm zafer la.

Eski zot in mazin posibilite pa regard zis *state land* ki *available* pou lagrikiltir, me osi later prive ki pa pe ganny devlope konmela, e fer en fason swa atraver *incentive* swa atraver penalti pou fer sa bann later ganny met an dispozisyon bann

dimoun ki anvi devlope? Mersi Mr Chair.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Chair. Mersi Onorab pou ou bann kekyon. Kot i konsern lavant lo marse, mon krwar i annan 2 kote. Ou'n demann mwan; eski i annan en lekse pou prodiksyon, ouswa eski i annan en mankman? Bann diskisyon ki mon'n gannyen.

Byensir mon krwar i ekonomis pou fer bann analiz detaye lo la, me selman lenpresyon ki bann dimoun in donn mwan otour mwan se ki aktyelman i pa en ekse prodiksyon me i en depresyon lo marse, ouswa e mankman debousman pou prodwi ki fer ki i annan en kantite ki reste.

E sa ou war sa osi dan lapas. Me osi an menm tan anvi sityasyon mannyer i ete, i annan en pli gran preokipasyon pou dimoun vann, akoz dimoun i bezwen sirviv bann ki dan lagrikiltir zot bezwen sirviv, zot bezwen vann dan en fason pli vizib, pli agresiv, preokip zot lekor avek lavant.

E mon krwar se sa ki pe arive dapre bann leksplikasyon ki pe ganny donnen. Me i pa neserman

reprezant en monte drastik dan prodiksyon.

Eski i annan en program pou prodiksyon fri? I annan en diskisyon ki nou'n fer anndan dan Lazans ek Minister lo ki mannyer nou kapab fer dimoun ganny akse avek sa ki annan pou fer avek ban plan fri?

Pou le moman nou annan zis sant Anse Boileau ki pe prodwir bann fri. E nou bezwen demann nou lekore si sa i ase, e si sa pe fer en lefe lo prodiksyon for ouswa langazman bann dimoun ki annan bann later prive pou zot met bann pye fri lo zot later, e kre en marse pou sa bann keksoz.

Mon krwar poudir i pa sifizan dapre sa ki nou pe gete, nou bezwen an prodwi plan fri dan pei i vremen ba, i vremen o.

E mon pa krwar si Anse Boileau pou kapab satisfere sa bann bezwen si vremen nou annan en gran demann. E alor nou bezwen get en pe sa zafer *supply* bann plan fri dan pei.

Lot keksoz nou'n fer vizit kot sa landrwa kot i annan apepre mon krwar 99 ektar Montagne Posée ki ti pe ganny targete pou fer *agroforestry*. Mon krwar ti annan serten pye dibwa plan ki ti'n konsern plante laba.

Letan nou pe konsidere 99 ektar i pou vremen, vremen

konplike pou Minister ouswa Lazans al fer kiltivasyon lo la.

E nou plan se bann ki pe demande pou fer plantasyon fri, nou oule larg sa avek zot. E 99 ektar nou kapab *accommodate* en bon pe dimoun. Me selman nou konnen i en kalite kiltivasyon ki pran gran lespas. Alor nou pa pou kapab met en gran kantite dimoun.

Me nou pou bezwen kantmenm kapab *accommodate* en pe bann dimoun ki pe demann bann plantasyon fri pou zot kapab *supply* marse lokal.

Alor nou lentansyon se sa gran lespas depi kot prizon ziska anba Montagne Posee, ki ti'n ganny idantifye koman en lespas pou *agroforestry* nou pou separ li.

E nou pou fer sir ki pou bann dimoun ki pe fer prodiksyon fri zot antre, sa lannen pou zot konmans kapab fer zot bann plantasyon e koman prodwi, e byensir nou bezwen komans ek bann ki fer sa ki pli kourt apre nou ava al lo bann ki pli long an mezir ki zot bann plantasyon i grandi.

Diversifikasyon prodwi eski in annan en plan pou diversifye bann prodwi? Parey mon'n eksplike nou oule ki nou bann fermye ki vin devan nou re klasifye zot e bann ki pe donn nou bann prodwi sirtou ki diferan ek sa ki la nou

bezwen donn zot en pe priyorite.

Nou bezwen fer sir nou donn zot sa sipor e donn zot akse ek fasilite pou zot prodwi bann keksoz ki pa lo *market* konmela. Akoz en bon pe bann dimoun ki lo *waiting list* zot pe fee menm kalite aktivite. Menm kalite *crop*, menm kalite rezilta lo marse.

Me nou ti a voudre ki bann ki pe ganny bann keksoz ki inovativ ki diferan, e ki satisfere serten morso marse ki petet nou pe enport ozordi nou bezwen donn zot sa bann posibilite.

E sa i en legzersis ki nou pe fer la aktyelman, nou ekspekte ki dan milye lannen nou pou'n kapab komans kominik ek sa bann dimoun. E donn zot sa sans pou zot lanse pou zot fer sa bann kalite keksoz diferan.

Incentive pou *private land* Onorab mon krwar i en keksoz ki enteresan vi ki nou bezwen travay lo la, me selman nou konnen later prive ennler nou ganny serten difikilte ki vin avek.

Mwan mon menm mon mon'n *deal* avek en ka kot ti annan en ferme lo later prive ki nou'n kapab finalman ganny en koze ek sa propriyeter. E en keksoz ki bann ferme ou santi letan ki ou koz avek zot, zot pli

preokipe avek se sa lasirans long term.

Later Gouvernman nou annan sa lasirans ki mon *lease* pou al pou 10an ouswa pou 20an i kapab ganny renouvle eksetera.

E mon konnen ki poudir nou annan en garanti ki i pou la, me lo later prive bokou dimoun pa santi zot an sekirite e bokou dimoun i ezite pou investir.

Alor nou bezwen fer sir ki nou annan en kadreman ki vremen solid lo sa kote, e petet nou kapab ganny bann nide sorti kot diferan dimoun e petet enkli ou menm Onorab lo ki mannyer sa keksoz i kapab ganny fer.

Me selman mon krwar i en keksoz enteresan ki nou bezwen kapab komans konsidere pou lagrikiltir. Mersi.

MR SPEAKER

Mersi Minis. Avek sa nou a pran vot lo Bidze pou *Seychelles Agricultural Agency* ki lo paz, eskiz mwan, Bidze ki lo paz 533 ziska 541, pou en total R68milyon 238mil.

Manm ki an faver lev lanmen silvouple? Mersi, okenn Manm ki kont?

Mersi madanm Clerk. Bidze pou *Seychelles Agricultural Agency* ki lo paz, 533 ziska 541 pou en total R68milyon 238mil in ganny 25

vot pour, 0 kont e 4 abstansyon. Alor Bidze in aprouve par Lasanble.

Mon a remersye Manm e bann zofisye pou zot partisipasyon nou a komans en lot antite apre midi. Apre midi dan sesyon i annan serten Manm ki pou deplase pou en pe letan. Akoz zot pe partisip dan konferans vertyel lo lazournen *La Francophonie*.

E mwan menm osi mon pe partisipe, alor mon pou pas Chair avek Deputy Speaker. Avek sa nou a pran poz e nou a rezwenn 2er edmi.

(BREAK)

LANDSCAPE & WASTE MANAGEMENT AGENCY

MR DEPUTY SPEAKER

Bonn apre midi tou dimoun. Mersi pou rezwenn nou pou kontinyasyon nou deba dan staz Komite lo *Appropriation Bill 2021*. E la apre midi nou pou annan Bidze *Landscape & Waste Management Agency* pou konsidere. Donk nou ava fer kriy bann zofisye silvouple.

An atandan ki ou pe esper bann zofisye, mon war lanmen Onorab Naidu. Pou met ou pou kestyon.

Bon nou ava swet la byenveni avek nou bann zofisye ki'n la depi bomaten. Minis Flavien Joubert, Minis

pou Lagrikiltir, Sanzman Klima avek Lanvironnman i ankor avek nou. Sekreter Prensipal pou Finans Mr Damien Thesee. Nou osi annan *Principal Financial Analyst*, Ms Noella Vinda avek nou.

Bann zofisye ki fek zwenn nou sorti kot *LWMA*. I annan Depite Sef Egzekitiv Mr Raoul Mangroo. I annan osi *Financial Controller* Ms Karine Cassime e Mrs Vivienne Chang Pin-Tive ki Direkter pou Ladministrasyon avek Resours Imen.

Byenveni. Donk pou nou konmanse nou ava permet Minis fer en lentrodiksyon lo *LWMA* e apre nou ava al direk lo sesyon kestyon.

MINISTER FLAVIEN JOUBERT

Mersi Mr Chair, e mersi pou resevwar nou isi Lasanble ek nouvo lekip sorti *LWMA*. Lazans pou Lanbelisman e Zesyon Salte. Son Bidze total pou 2021 i R242milyon 236 mil. E son bann *achievement, current challenge* ek priyorite stratezik i ganny trouve dan dokiman ki'n ganny prezante avek bann Manm Lasanble.

Zis pou fer remarke Mr Chair, ki sa lazans son '*wages and salaries*' i 5.57 pousan son Bidze total. Larestan i ganny konsantre dan '*goods*

and services'. E mon mazinen bann Manm pou annan bokou kestyon kot i konsern bann servis ki lazans i sipoze pe *provide*. Alor mon a retourn laparol avek ou Mr Chair pou kestyon lo sa lazans. Mersi.

MR DEPUTY SPEAKER

Mersi *Minister*. Donk nou ava konmans avek nou bann seri kestyon. Dabor mon rekonnèt Manm elekte Distrik Perseverance.

HON DESHEILA BASTIENNE

Mersi Mr Chair. Bonn apre midi ankor enn fwa Minis ek ou delegasyon. E bonn apre midi zabitan Perseverance. Mon premye kestyon i al lo, i tonm anba '*current challenges*.' Anba *bullet point one*, kot i annan sa pti bout '*error bin site nearer to homes*.' Pli gro problem dan Perseverance 1 ek 2, se sa bann *bin* ki'n ganny plase drwat devan bann lakour, tro pres ek lakaz.

In annan serten *bin* ki petet i annan en baraz deryer, sa *bin* i apiy avek sa baraz beton nenport ki fason. E problem mazer se i annan serten dimoun i pase dan zot loto, san okenn respe zot pran zot sak salt zot balanse. E sa i al *end-up* dan lari en zabitan dan Perseverance.

E mwan mon'n *witness* en tel keksoz parey. E apre en pti keksoz ankor ki pli anbarasan, se i annan *bin* ki tro pre ek lakaz, i dwat devan sa lavarang. Ler sa dimoun, sa vwazen pe asiz dan son lavarang swa pou li bwar en pti pe dite oubyen kwa. Sa *bin* i la devan li.

Mon pe regarde ki zot Minister i annan en plan irzan pou kapab deplas sa bann bin kot ou ete. E al met li dan en lot landrwa kot i en pti pe pli apropiye?

Dezyenm anba '*strategic priorities*' *bullet three*. Minis i annan sa propozisyon ki zot ti pe koz lo *each household*. Sa *project each household* annan *their own bin*. Pou Perseverance mon pe zis anvi demann zot si zot krwar sa i fezab? Vi ki dan Perseverance la pou lemoman i annan serten zabitan ki napa respe pou son vwazen.

Tou son bann zouzou kase, tou son bann keksoz kase i tire i met la deor dan *staircase*. E menm i annan vwazen ler i ouver son laport i bezwen dir pardon zouzou kase, pardon keksoz kase.

Si sa proze i pou materyalize, ki stratezi zot pou met an plas pou anpes sa bann konfli ant vwazen. Espesyalman sa bann ki napa respe pou zot kanmarad? Ki

zis pou tir son bin salte anndan i pou poz deor li.

Apré en pti remark. Yer PS Commarmond pou Lanvironnman dan Lasanble ti pe koz lo *fixed penalty*. Pou bann dimoun ki zet salte partou. Dan Perseverance i pa en leksepsyon. Selman malerezman sa bann salte i ganny zete nenport landrwa. Kot zot war en pti landrwa lib, zis en dimoun i vini ek en vye matla, avek en vye keksoz i vini i poz la.

La pli par letan sa bann kalite keksoz parey i arive dan aswar. Mon ti a kontan konnen ki plan travay irzan ansanm avek, an konzwent avek Departman Lanvironnman. Ki zot pou anvizaze fer pou zot kapab met en *stop* avek sa bann aksyon deplorab ki pe arive dan Perseverance? Mersi.

MR DEPUTY SPEAKER

Panel i ava endike lekel ki pou pran. *Minister*.

MINISTER FLAVIEN JOUBERT

Mersi Mr Chair. Mon pou fer 2 pwen apré mon pou pas laparol avek *Deputy* Mr Mangroo. Lo kote *bin* pros avek lakaz;- mon krwar sa ki nou annan pou dir se ki lo bann *estate* mon krwar nou annan en leson ki nou kapab aprann e nou bezwen tire lo

size bann *estate* ki pe ganny fer. Bann *estate* ki pou ganny fer dan lefitir.

En kantite fwa, Perseverance enkli. Nou pa mazin salte ditou. Nou fer plito *estate* pou dimoun reste ladan. Nou pa reflexir poudir sa landrwa i annan dimoun ki pou reste. E nou bezwen met fasilite pou sa bann dimoun reste.

E kantite ka resan mon kapab fer site kot lazans i bezwen taye al fer bann laranzman dernyen minit pou met annord lo kote salte. E mon krwar sa i en ankor en lot leson lo kote *design* bann *estates* e bann konsiderasyon ki nou bezwen pran letan nou travay lo sa bann proze.

Dezyenm pwen i konsern sa proze en *bin* par lakaz. I en *pilot* ki ti pou ganny fer laba. mon a les Mr Mangroo klarifye kan i pou ganny fer. E si i annan resours pou fer li.

Me mon pou dir ki menm si dimoun napa respe pou kanmarad, nou bezwen komans lo en baz kot nou bezwen, nou pa kapab zis larg nou 2 zepol e dir dimoun napa respe pou kanmarad. Alor nou pa pou kapab fer naryen.

Mon krwar nou bezwen pouse pou dir dimoun byen boner zot annan sa bann lareg zot ganny ankadre dan en sistenm kot i annan lord. E apré anmezir zot devlope zot

reste dan sa landrwa zot vremen swiv sa bann lord.

E mon krwar petet si nou pe les keksoz glise, i pou vin en problemn apre nou pou war nou dan menm sityasyon kot nou pa kapab enplimant naryen.

Alor mwan mon pou ankouraz Distrik Perseverance ansanm ek bann lotorite ansanm ek lanvironnman. Nou travay ansanm pou vremen pouse pou ki sa bann lareg i ganny swiv. Akoz ti annan sa bann lareg letan sa bann dimoun ti antre dan bann *estate*.

E ti annan bann lagreman ki ti sinyen pou zot swiv bann lareg konsernan lafason ki pou viv dan sa bann landrwa.

Nou pa kapab soutir en sityasyon kot letan dimoun i antre apre zot deside zot ki pou set lareg dan en batiman. Zot ki pou dir ki mannyer keksoz pou fonksyonnen. E apre tou dimoun i bezwen swiv zot bann vilen prensip ki zot in anmenn dan sa landrwa.

Mon a les Mr Mangroo reponn sa 2 kestyon osi. Al plis an detay dan sa 2 pwen.

MR DEPUTY SPEAKER

Mr Mangroo.

DEPUTY CEO RAOUL
MANGROO

Bonn apre midi Mr Chair. Bonn apre midi Manm Onorab e tou dimoun a lekout. An se ki konsern bann *bin* ki pre ek lakour, *Minister* in koz lo la. Me selman zis pou azoute, i annan en legzersis ki nou'n deza fer dan lepase avek *back then MHILT* avek *PS Choppy*. E zot in konstate ki vre wi ti annan serten *oversight* lo serten kote.

Me selman nou'n apros *DA* pou nou war bann opsyon. Ki arive avek striktir Perseverance se ki i napa bokou opsyon *in terms of land use*. Pou nou kapab tire sa ki zot in mete dan plan pou fer, e rezerv landrwa pou fer *bin site*.

E se pou sela ki finalman ler nou'n fer *stakeholders meeting* nou'n war ki *the best option* se adopte sa *each household a bin*. *Each bin a household sorry. Each household a bin*.

So nou'n fer sondaz pou sa, e sa sondaz i dan son staz, sa *survey* i dan en staz nou pe finaliz li nou pou fer lofis gannyen. E menm nou kapab pibliy li *why not*. Akoz sa i en proze pilotaz, e nou le aprann lesan *from it*.

Si nou pa fer sa proze pilot nou pa pou konnen. Petet i annan pwennvi dimoun laba deor, i annan santiman dimoun laba deor. Be selman vremen nou bezwen *data* pou nou war *how response* i vini.

Fodre dir ki i annan dimoun i annan bon pe dimoun Perseverance ler nou ti fer *meeting* piblik. 2 nou *meeting* piblik, an menm tan nou annan bann group atraver *DA*, bann *community groups*. Atraver tou lede *DA* nou'n war dimoun pe *look forward* pou sa.

Proze in ganny retar akoz prensipalman bann restriksyon ki ti an plas pou fer bann rasanbleman. Akoz sa kalite travay. Nou fer *meeting* ek piblik, nou fer azanda, nou ganny zot pwennvi.

Nou bezwen *go back to the public* pou nou re dir zot kwa ki nou'n sanze dan nou fason fer. Dan nou plan travay. Konmkwa nou kapab get zot *onboard*.

Sa proze pa pou marse si manm piblik i pa *onboard with it*. E nou osi pe *advocate* pou ki manm piblik ler in ganny son bin, zot en pe en pe pli responsab e zot osi vey kanmarad pou gete sa bann ki annan bann parti ki en pti pe malonnet oubyen ki pa responsab.

Mon krwar i annan en laspe ledikasyon ki nou, nou kapab antre atraver Lofis *DA*, atraver *PMC* osi akoz i annan en pti *working group* ki nou'n kre lo sa. Pou nou kapab edik dimoun e fer li konpran.

E osi bouz devan. Nou anvii fer en sistenm ki en pe pli modern. So sa proze in ganny retar selman nou pe *roll out* la ki Bidze *once* i aprouve. La nou pe *rollout* avek serten latas ki nou annan parey *tender* pou sa kontrakter ki pou anmas sa salte.

Fer lagreman ek bann rezidan pou zot ganny zot *bin*. Pou zot ganny sa *bin*. E egzaktaman i annan laspe *awareness and ledikasyon and communication* ki pe vin an plas.

Tou keksoz i *still* an mars. Zis in ganny en pti pe retar akoz zisteman sa restriksyon pou groupman.

Lo kote *fixed penalty*, sa osi i en gro konsern pou nou. Nou travay de pre ek Departman Lanvironnman, avek *Local Government*. Akoz i annan 2 laspe, i annan laspe ek sanniter menm. Nou bezwen travay e pti pe pli pre ek sanniter. Apre i annan lape lo sa *estate*, e sa i *involve for PMC* ek *Public Health Authority*.

Par kont i annan bann landrwa ki pa ankor ganny devlope, e sa nou'n travay de pre ek Biro *MLH*, la Perseverance.

Pou nou kapab, nou'n pouse sanmenm sa petet i annan serten devlopman nou war in *speed up* dan Perseverance. Akoz bann later

ti zis la dan, *well* pa dan labondans selman i pa pe ganny devlope. E nou war dimoun i vini i profit sa bann landrwa.

Nou'n profite nou'n koupaye osi dapre nou Bidze. Lapolis osi in fer en pe, atraver distrik osi *URS* in fer en pe.

So vreman i en zefor kolektiv ki nou bezwen fer. akoz nou menm nou *LWMA* nou manda i pa *extend*, e i annan en serten zistans nou manda i kapab *extend*, nou resours osi.

So i en vreman en travay kolektiv. Mersi.

MR DEPUTY SPEAKER

MERSI Mr Mangroo. Prosen Manm lo lalis. Mon rekonnèt Manm Elekte distrik Grand Anse Praslin.

HON WAVEL WOODCOCK

Mersi Chairman. Mr Speaker mon kestyon i kot i konsern *issue compaction* salte lo *landfill*. *Ok* mon en pti pe dezapwente Onorab proporsyonnel pou Grand Anse Praslin pa la. *Anyway* mon'n aprann ki byento son tiket *rebate* pou fini.

So mon kestyon i kot i konsern sa *landfill* Amitie. I annan en problem, ti annan sa *issue* dan lepase kot pou kon pakte salte lo sa *landfill* zot ti dir poudir son *lifespan* i kapab, i pa pou, gran kantite

lannen pou ale. E ti annan kozri pou fer vini en *compacter plus spike wheel* pou ede avek *compaction* salte lo sa *landfill*.

Mon mazine kekfw Onorab, *ex-Minister* i kapab okouran vi ki li i ti Minis ki ti responsab sa Minister avan. Mon pa konnen si i mazine. Me selman Minis ou en pe nouvo, kekfw ou kapab donn en pe detay lo la si dan plan, dan Bidze pou annan sa masin pou nou fer sa travay?

E osi mon apresye Minis ki apre tou sa letan ki zabitan Amitie pe demande ki nou *fence* sa *landfill*, ki finalman i pe al ganny antreprann. Mon war en Bidze R400 mil pou fer sa travay.

E nou tou nou konnen bann *issue* ki'n leve, in vin en *breeding ground*, en *feeding ground* pou bann lisyen eran ki pe kre en problem dan lakominote. Zot pe trenn salte, zot pe atak bann zannimo lo bann laferm.

Alor mon kontan ki finalman sa *fence* pe al ganny mete kot sa *landfill*. Mon dir ou en gran mersi Minis avek ou lekip.

Me mon annan en konsern kot i konsern drenaz dan distrik. *In fact*, sak fwa gro lapli. Sa bout dapre konpran i tonm anba *LWMA* kot i, bann drenaz ouswa bann rigol dan bann kominote. Akoz mon fek annan en *issue* pa bokou letan

pase, mon ti pran kontak avek sa msye ki responsab LWMA Grand Anse Praslin. Kot i konsern bann rigol.

I annan plizyer landrwa, Lablache Estate, semen Legliz Saint Mathieu an montan pou al *Britannia*, Bel Air. E plizyer lezot landrwa kot bann, napa *maintenance work* ki pe ganny fer lo bann drenaz lo bann rigol. Zerb in pous ladan, swa in kase. E mon santi ki i bezwen en louvraz.

E mon konnen sa i osi en pe lo kote Baie Ste Anne ou kapab war sa problem osi. E mon santi poudir i bezwen annan en lenvestisman ki ganny fer lo ki konsern *maintenance*, preparasyon lo sa bann drenaz. Sirtou *maintenance* ki pa pe ganny fer ase.

E finalman, mon lot kestyon i konsern *issue* bann Kontra. Mon konnen i annan sa bann, i annan diskisyon lo bann diferan Kontra netway semen, netway lans, tousala. E mon konnen ti lo *tender* pou en pe letan.

Kekfwa sa Minis i a kapab donn nou en pti pe detay lo sa size. Akoz mon konnen i annan bann pozisyon ki Gouvernman in pran lo sa size. Kekfwa zot kapab donn en pe plis lenformasyon pou piblik la deor. Mersi bokou.

MR DEPUTY SPEAKER

Mersi Onorab. *Minister*.

MINISTER FLAVIEN JOUBERT

Mersi Mr Chair. Mersi Onorab pou ou kestyon. Amitie *landfill* dan plan *long-term*, la mon pou reponn lo *behalf* LWMA. Dan plann *long-term landfill* Amitie aktyel i sipoze ganny *cap*, apre ganny fermen, apre pou nou komans a nouvo avek en bon *landfill* ki'n ganny byen konstri. Akoz aktyelman sa enn ki la i lo later disab.

E nou konnen poudir i pe kontamin delo anba later. E nou pou bezwen parey ou vwar nou'n komans fer bann travay lo son kote ki vir ek laferm.

E i annan travay ki'n ganny fer pou fer sir ki i annan akse retour, si an ka par egzanp ou annan dife bann keksoz parey. Pou ki ou kapab ferm li, kouper li, met later rouz e anferm li *basically*. E apre rekomanse lo en nouvo akote.

Me lo kote *spike wheel* ti annan en masin *D6* ki ti la, en *caterpillar*. Sa masin in en pe vre, i ti fonksyonnen avan, in nepli fonksyonnen. Me mon ti napa resaman okenn Bidze pou aste en lekipman pou *compact* salte.

Akoz sa bann lekipman pou *compact* salte i dan bann 20 ton, e pou Gouvernman investir en lekipman ki apepre 20 ton pou li fer en travay mon

krwar 2 erdtan par zour pou 5 zour, oubyen 6 zour par semenn. Petet i pa rantab.

Alor i pou enportan ki letan nou fer bann *call* nou bezwen demann bann prive pou vin ek bann lekipman. E byensir nou dakor avek ou ki sa bann lekipman ki pe ganny servi konmela petet i pa ase lour pou nou ganny en bon konpakasyon.

Me letan nou fer bann *call* nou pou bezwen fer en lapel pou bann prive vin avek zot prop lekipman ki ase lour.

Me selman i annan en keksoz Onorab ki mon krwar i enportan en pti pe pli larz ki sa. Ki nou tonm dakor lo la. I annan sa demann ki vini de tanzantan, i ti ganny demande letan nou ti fer vizit ek Prezidan osi.

Ki nou limit *tender* zis pou dimoun Praslin. E parfwa ou annan limitasyon lo la kantite *bid* ki ou gannyen, e kalite *bid* ki ou gannyen. Nou bezwen aksepte sa. E alors si nou pou swiv sa lespri, e limit *tender* zis pou dimoun Praslin.

Nou bezwen asire ki dimoun Praslin zot pe kapab vin avek sa ki bezwen pou travay lo sa *landfill* avek. E ki nou pa pou bezwen re fermen apre re ouver li pou lezot dimoun an deor. Alor sa mon krwar i ase enportan.

Fencing mon ava les Mr Mangroo, apre drenaz,

maintenance of drenaz, e osi Kontra *tender*. Mon a les sa 3 pwen avek li, li i pli *up-to-date* ek sa bann keksoz. Mersi.

DEPUTY CEO RAOUL MANGROO

Mr Chair, Onorab mersi pou ou kestyon. Konsernan *maintenance of drains*, mon pou tyek ladan. Sa ki mon konnen se ki i pe ganny, i dan Kontra pou li ganny fer.

Ler nou pe koz *maintenance* mon le zis eklersi ki nou pe koz *cleaning*, nou pa pe koz bann dren ki'n kas kase. Pou fer son travay siman, pou fer son travay blok.

Akoz sa osi nou pe ganny pa mal nasyonanman bann problemn avek bann dren ki vye ki kas kase. Prezan i fer netwayaz difisil. So mon a tyek ladan. Me selman sa laspe kot *Britannia* an de san dan i sipoze ladan.

Lablache *Estate* i annan en problemn. Bann *drains* osi lo Praslin sirtou bann landrwa dan plato, lo Mahe ek La Digue i annan en problemn lapant. So i annan en legzersis nou ava bezwen travay byen de pre ek *SLTA* osi pou get sa.

Akoz par ler ou netway li, me selman lapant ki fer li al en pe dousman. I annan sa *stagnant water*. So mon a fer tyek sa silvouple.

Lo kote *tender*, si ou permit mwan mon ava zis eksplik, pou benefis tou bann Manm Onorab. En *update* en pti pe lo *tender*. Now zis pou note i annan 50poursan *tender* baze lo sa *tender*, *coordinated tender* ki nou'n fer. 50poursan in fini ganny *warded*. Mahe, Praslin e La Digue depi Mars 2020 i annan en *batch* ti ale pou La Digue. Ti ganny sinyen pou La Digue.

Ti komanse pou La Digue, apre in al Zen, Zilyet pou Praslin. Apre in vin Mahe an Desanm 2020. Lenformasyon ki mon'n gannyen avek *Procurement Oversight Unit*, akoz i en *panel* endependan ki pe travay lo la. E nou zis esper rezilta. Se ki *by* Avril tou sa apepre 50 poursan ki reste pou sorti. E la nou ava kapab fer bann formalite, *appeals* eksetera pou nou kapab *award* sa Kontra.

E ladan, parey tou Manm Onorab, mon espekte zot in gannyen *by now*. I annan en seri dokiman nou'n fer zot gannyen sa semenn konsernan tou kontrakter ki dan zot rezyon, dan zot distrik.

E sa i par rezyon. E nou'n donn zot en lot dokiman ki detay ler nou dir par rezyon. Kwa ki dan sa rezyon, bann distrik, ki bann semen ki ganny kouver.

E ler mon pe koz semen i an- term an gro, be selman nou pe koz nou semen, *footpath*, tou bann *amenities* menm *public toilet* dan Victoria, *litter bins* eksetera. So sa bann lenformasyon i la egalman *contact number* sa bann kontrakter. Mersi pou sa.

MR DEPUTY SPEAKER

Mersi *Panel*. Donk nou ava bouz lo, ou annan ankor en klarifikasyon?

DEPUTY CEO RAOUL MANGROO

Wi Chairman, i annan laspe *fencing*. *Fencing* nou, wi parey ou'n byen vwar i annan, nou'n ganny larzan pou li. E i sipoze komanse *by*, i sipoze ganny *tendered before the end of the first quarter* sa lannen ki la. *Ok?* Mersi.

MR DEPUTY SPEAKER

Mersi. Mon rekonnèt Manm Elekte pou distrik Takamaka.

HON TERENCE MONDON

Mersi Mr Chairman. Bonn apre midi Minis avek ou lekip. Mon kestyon i lo bann Kontra netwayaz. Premyerman mon pou dir ki dan Kontra ozordi nou war ki i annan de pwa de mezir. I annan ki bann dimoun ki dan Biznes ki pe travay i deza pe ganny Kontra ki i pa sipoze.

I annan dan servis Kontra, i annan en mank sipervizyon. Mwan dan mon distrik monn zwenn en kantite bann travay ki pa ganny fer. I annan ti travay byen, i annan ki pa lo standar.

E menm rekonnet ozordi zot pe demann Kontrakter pou koup zerb le 1 ziska le 3, apre le 15 ziska le 17. Pou mwan i ridikil.

Ki mannyer kontrakter i bezwen organiz son travay pou lafason ki i planifye son travay. Ou pa kapab dir li koup zerb sa de zour komansman, apre le 15. Mon war sa i bann keksoz ridikil e mon pa satisfè ek sa servis ki mon pe war dan mon distrik.

E, mwan mon ti a kontan sipervizyon i ganny *link* avek Ladministrasyon Distrik. Mon distrik mon ti a kontan pe annan en *say*, pe vwar. Nou kapab siperviz bann travay ki nou fer sir ki bann netwayaz i lo nivo e nou pe ganny valer pou larzan.

Sa i anmenn mwan lo sa pwen, ler mon get bann sif. Ler mon get bann pri ou Kontra, netwayaz lans i bokou pli ser. De fwa pli ser ki servis netwayaz obor semen. Pourtan obor semen zot fer plis depans. Ler mon get bann sif

Lakantite met ki zot donnen, e pri ki zot pe donn sa bann dimoun e mon vwar

poudir netway lans. Aprezan ou demande netway lans akoz i devret pli ser.

E ler ou get netwayaz lans ou war dimoun en erdtan in fini netwaye i pe ale li. E ler ou get zot pri ki pe gannyen, i annan en gro travay pou fer lo sa bann servis netwayaz dan distrik.

E mon swete sa lazans anba sa nouvo Ladministrasyon zot vreman revwar. Akoz Seselwa pa pe ganny valer pou larzan.

Sa i anmenn mwan lo bann sif ankor lo, ki'n ogmante. Par egzanp ler mon get netwayaz lans lo Mahe, mon'n war in mont par 5 poursan. Lo Praslin i sorti 4.1 milyon i vin 5.8 milyon i mont par 39poursan. Bann pri ki nou pe gannyen pou netwayaz lans.

E ler mon get netwayaz semen lo Mahe, mon vwar i sorti 61milyon 299mil, pou vin 71milyon pou vin 999 mil. 10 milyon an plis bann pri ki ou pe gannyen netwayaz semen. I posib ki i annan en de semen ki nou'n azoute ki fer li monte. Me selman sa kantite, mon vwar li nou pa pe fer progre.

E nou ti dir ler pou annan plis, nou'n kas sa bann semen nou'n donn pti morso. I vin bokou pli ser. Monn pran en legzanp dan larepons Bidze kot mon'n montre en dimoun ki ti pe pran 95 mil pou netway

en gran morso semen. Depi Grand Police ziskan loter Bougainville. Ozordi ler ou pran menm bout semen ou azoute avek bann pri ki nou pe gannyen lo Kontra, i kat fwa pli ser.

Savedir nou pa pe ganny en bon valer e in en travay ki bezwen ganny fer.

Mr Chairman, koleksyon salte ankor ou war in mont par 15poursan lo Mahe 24.9 milyon pou vin 28.8 milyon. Pou mwan mon ti a kontan ganny en lesplikasyon akoz sa bann logmantasyon e eski zot pare ou revwar tou sa bann Kontra?

Akoz pou mwan i pa satisfezan. E mon krwar nou kapab ganny en pli bon dil si nou reorganiz sa servis Kontra lans ek semen. Mersi Mr Chairman.

MR DEPUTY SPEAKER

Mersi Onorab.

MINISTER FLAVIEN JOUBERT

Mersi Mr Chair. Mersi Onorab pou sa bann kestyon ki ou'n leve. Mon pou zis pas briyevman lo sa bann pwen apre mon a pas avek *Deputy Mr Mangroo* apre *accountant, Financial Controller Mrs Cassime*.

Pou sa premye pwen ki ou fer lo kote si en dimoun i annan biznes e i dan Kontra.

Limitasyon ki en dimoun i annan letan i vin *apply* pou sa bann Kontra se ki i pa en anplwaye Gouvernman. Alor i annan en verifikasyon ki ganny fer pou asire ki i pa lo *payroll* Gouvernman.

Me si i dan en lot biznes sa pa konte. Alor en nenport ki dimoun i kapab *apply* pou en Kontra. Prezan byensir i pou annan bann verifikasyon ki pou ganny fer lo son propozisyon. Me selman i pa limite si ou annan en lot biznes pou ou annan en Kontra.

Pri Kontra mon ava pas avek *FC* pou li klarifye sa bann sanzman pri ki ou'n koz lo la. E osi sipervizyon ek bann standar ki aplike.

Me, wi lo kote *value for money* mon ti ava petet osi apre ou a ganny en pwennvi si ou le ankor plis detay avek Minister Finans. Me i annan en legzersis ki'n deza komanse pou aktyelman fer en revi tou sa bann keksoz ki annan pou fer otour pri.

Nou rekonnet poudir sa kantite ogmantasyon ki pe annan dan kantite Kontra i pa pou kapab kontinyen koumsa. E i pou kre en problem pou Gouvernman pou Bidze. Alor nou bezwen nou tou aksepte, premye aksepte ki tou bann demann ki sorti partou kote in ede pou fer en problem lo kote Kontra.

Akoz sa bann agrandisman dan Kontra, i annan serten ki'n arive akoz par egzansp i annan bann nouvo semen ki'n ganny azoute. Sa i bann proze ki SLTA in fer, bann semen ki pa ti pe ganny kouver, bann lans ki pa ti pe ganny kouver.

Sa i normal. Me i osi annan bokou demann ki'n ganny fer pou kas Kontra pou donn en bout pou fer isi pou fer laba.

E sa i en problem ki'n agrave e la ozordi nou pou bezwen fer sa revi pou nou tonm dakor. E parey ou'n dir, pli ou ogmant lakantite Kontra, pli ou kou i monte. Akoz ou pe komans repet menm keksoz avek sak pti Kontrakter.

E alor mon krwar zis pou reasir ou, i annan en legzersis ki Minister Finans in komanse pou refer en revi konplet. E gete kwa ki soutenab lo kote Kontra. Ki kantite Kontra nou merit kapab annan, ki merit kapab siporte. E ki kantite larzan nou merit kapab depanse normalman pou sa bann Kontra.

Zis pou en pti konparezon. Lo kote LWMA letan ou get son Bidze ou a realize ki bokou son Bidze i dan 'goods and services' parey mon'n dir zis 5poursan ki dan son *wages and Salaries*. 5.5, 7 poursan si mon rapel byen. Me

letan ou koup sa 'goods and services' an morso ou pou realize ki poudir lamazorite i dan *cleaning* prezan.

E nou pe koz *waste management* ek devlopman nou bann sistenm salte, e laplipar larzan i dan netwayaz. So i annan en keksoz ki nou bezwen fer pou nou balanse. E Minister Finans in komans sa legzersis e petet apre i ava kominik avek Lasanble.

Mon a pas avek Mr Mangroo, Mrs Cassime. *Thank you.*

DEPUTY CEO RAOUL MANGROO

Mr Chair Onorab. Konsernan *lack of supervision* avek semen ki pa lo standar lo kote sipervizyon. Mon garanti zot ki nou lenspekter zot pe sey zot mye zot pe travay lebra kase pou fer sa, fer sir sa bann *monitoring* i ganny swiv.

Mon pou dir ou ki i annan pa mal defi nou pe gannyen, akoz i annan sa kantite kontrakter e sa kontrakter i konpran keksoz dan serten fason, so nou an se moman nou dan en staz tranzisyon.

Akoz si zot pou war dan sa ki monn soumet ek zot i annan en serten group dimoun ki lo Kontra baze lo *tender*. I annan ki *still* lo offer lo vye Kontra.

So sa de Kontra i pa, son *scope of work* i pa parey. E si nou al an naryen en pti pe. Sa bann Kontra *over the years* parey *Minister* in fer sorti i annan en depareye.

So ler nou pe fer sa legzersis, ler nou fer sa legzersis *tender* kot nou pe met tou *scope of work* parey Mahe, Praslin, La Digue. Pou note ki Praslin i annan en lot kalite *scope of work* depi letan *PDF*. Kantmenm nou'n sey aziste i vin ek son konplikasyon.

So nou pe met tousala pare, se pou sela ki par ler ou war Praslin en serten standar, Mahe en lot kalite, La Digue en lot kalite. So zis *bear with us* pou sa aköz *by the time tender* i ganny *awarded* tousala pou pare.

Lo kote koup zerb de fwa dan le mwan. Annefe sa ti pe arive, bokou landrwa sa ti pe arive. E Takamaka sertenman en distrik ki zerb ti pe gannyen koupe de fwa. Petet la aköz nou'n *fix* sa dat ki kontrakter i war li en, i war li i *tight*. Be selman rezon det par deryer petet pou fer zot konpran e menm manm piblik laba deor.

E sa osi i en keksoz ki dimoun ti pe dir. Se ki ler en morso dan Takamaka pe koup zerb lot pa pe koupe. Ler enn *bin* in ganny koupe, *bus shelter* pa pe koupe. So rezon

det se ki ler nou koup zerb tou dimoun pe koup zerb an menm tan, prezan ler ou pe *drive* oubyen ler *monitoring* i ganny fer. *Grass cutting* i sa *main scope* ki pe ganny gete. E nou pe kapab evalye sa standar.

Akoz sakenn ti pe fer sakenn son ler. E enn i konplent, lot in zet salte lo lot eksetera. Se pou sela ki nou met li koumsa. I ti dan Kontra deza de fwa par mwan. Selman zis petet i pa ti *fix* son zour.

I annan lasesres, letan lasesres i annan pa ti fer aköz lasesres. So i bann keksoz koumsa. Letan lapli i ogmante. So ti annan sa fleksibilite, i zis ki nou pe met en pe sistenm en pe pli sistematik pou zot kapab *manage* byen keksoz pli byen.

Lo valer pou larzan *Minister* in koz lo la. E *at the end of* sa *exercise* nou a kapab determin li pli byen.

Lo *beach cleaning* mon pa vwar kote ki, petet enn de kontrakter son *value sum* i bokou pli o. Be selman si ou pou get bann Kontra ki'n ganny *awarded* la tar 2020, pandan letan 2020. Ou pou annan en pli bon konprenezon e ou pou war ki par rapor avek.

Akoz mazine lans i pa en, i depan lans osi aköz spesifisite sa lans. I annan lans parey lans Anse Royale,

nou pa pe kapab konpar li avek en lans ki mwens ganny frekante, i etrwat. So tousala i annan bann laspe ki vin ladan ler nou pe kalkil lo, lans. I pa ek kestyon met az me plito longer, egalman son *area*, son kantite dimoun ki servi li.

Lo kote koleksyon salte. I annan, ler nou ti fer *tender* nou ti pran an kont ki i pou elve. Be selman nou bezwen realize si nou le en standar en pti pe pli o, i pou koute. Ou konpran? I pou koute aköz dimoun i kontinyen prodwir. En ta salte. E i annan landrwa menm nou bezwen ale al fer tir de fwa ki pa dan Kontra. Ou konpran? So i annan en kou ki vin avek sa.

Nou kapab reget ladan pou asize byen avek en *second party* i kapab re tyek sa. Apre nou kapab fer sorti serten lenformasyon osi si, zis pou ede konpare pou gete.

MR DEPUTY SPEAKER

Mersi *panel*. Ou annan klarifikasyon lo sa kat pwen ki ou ti leve Onorab Mondon.

HON TERENCE MONDON

Wi Mr Chairman, aköz mon le ki *CEO* ki konpran ki ler ou get avan dimoun ti pe fer en serten travay bokou pli bonmarse, lo standar ki ozordi. pa dir mwan si ou le standar ou espekte kou pou pli o. Se sa aköz ou pa kapab,

zot pa kapab apresye kalite travay ki zot pe gannyen ek bann kontrakter ki avan, pou sa pri ki zot pe gannyen.

Ok, mon pa aksepte sa komanter poudir si ou le plis standar ou bezwen espekte pri i pli o. Aköz zot pa'n kapab apresye ki zot ti annan avan. E ler ou pe get lans *CEO*, ou pou al lo lans ki, zot in donn tou sa dimansyon lans. Be kot vremen kontrakter i travay i zis en morso sa lans ki zot netwaye.

Petet sanmenm sa aköz napa sipervizyon. Mwan mon war sa preski tou le zour. Zot travay zis lo en morso sa lans. Be prezan, dimansyon zot pe kalkil Kontra lo en gran morso lans, i annan landrwa ki zot pa ni menm ale. E menm napa posibilite pou al netwaye. Ou konpran?

Mon krwar zot bezwen vwar ansanm ek distrik ler zot pe kalkil sa dimansyon ki zot pe donn dimoun pou netwaye, donn bann landrwa kot vremen ou konnen dimoun pe frekante, lans i reste sal.

I annan bann landrwa ki i pa vo lapenn selman zot pe met li dan kalkilasyon. Aprezan zot pe aksepte en pri ki pli o aköz zot pe met li lo en dimansyon bokou pli o. Mersi.

MR DEPUTY SPEAKER

Minister ou le fer en komanter lo la?

MINISTER FLAVIEN JOUBERT

Mersi Mr Chair. Mon krwar ti'n annan zis en pti detay ki ti a bon azoute. Ki DA i annan tou lotorite pou li blok peyman okenn kontrakter li. Mon krwar i enportan osi ki nou rapel ki distrik i annan sa *full* lotorite. Akoz distrik ki kliyan ek son bann zabitan.

E Administrater Distrik ek son lekip zot annan dwa pou vizit tou Kontra. Zot annan dwa pou blok okenn kontrakter ki zot pa satisfè avek. E Mon mazine koman MNA si i annan serten Kontra ki ou pa satisfè avek.

Ou annan en dwa konplet pou ou fer kontak ek DA e pa siny sa bann dokiman. Akoz DA i sipoze *sign-off* lo sa bann Kontra lafen sak mwan pou pey sa bann dimoun.

Lot pti keks0oz mon ti a voudre dir se pri Kontra nou bezwen rapel. I pa lazans ki donnen. Pri Kontra se sa bann dimoun ki ofer Gouvernman, e Gouvernman i akseptè sa ki li in krwar i pli rezonnab. E parfwa sa ki pli ba i sanmenm sa ki nou pe war ozordi. En bon pe sa bann Kontra ki pe *issue* la, i sa ki'n bid pli ba posib.

Parfwa ou pa ganny sa ki pli ba posib akoz petet sa dimoun in deza ganny sa ki pli ba dan enn, e apre ganny sa

lot en pti pe pli o. Me i en ofer sorti kot sa dimoun. E normalman ou annan en *internal cost estimate*.

Me ou pou war ki in nepli bann sityasyon kot dimoun ti ganny donnen Kontra. Zot ki pe fer en ofer. Gouvernman ki pe akseptè sa lof avek zot. E sa in annan pou fer avek, i gannyen evalye par en Komite evalyasyon. Ki lazans i an deor sa Komite evalyasyon.

Me selman si ou annan en konplet mon krwar ti a bon i ganny kominike dan Gouvernman poudir i annan en konsern from Lasanble. E sa osi i a ganny verifeye, i a ganny gete letan nou fer sa revi. Mersi.

MR DEPUTY SPEAKER

Mersi *panel*. Mon a rekonnèt Manm Elekte distrik Roche Caiman.

HON AUDREY VIDOT

Mersi Mr Chair. Bonn apre midi Minis ankor en fwa ek ou nouvo delegasyon. Tou Manm Onorab, e tou ban dimoun ki a lekout. En bonn apre midi spesyal zabitan Roche Caiman. Mon kestyon pou *panel* i pou reflekte en pti e lo bann pwen ki zot in reponn avek Onorab pou Perseverance Onorab Bastienne.

Me parkont pou anplifeye lo la. Rezondet akoz nou

distrik i en pti pe similer. I annan bann *four housing estate*.

E Minis ou'n fer resorti ki wi, bann *flat* in ganny konstri, *housing estate* in ganny fer, *bin sites* in ganny mete e *bin* in mete. Me nou bezwen vwar ki manner nou kapab anplifye pou fer sir ki dimoun i respekté sa bann *bin site*. E zot zet byen zot salte.

Me defayans ki'n annan pandan tou sa bann letan se ranforsi lo ledikasyon. Akoz mon dir sa? I enportan ki zot departman atraver sa Bidze otan posib fer sir ki letan zot pe fer ledikasyon. Mon donn bann senp legzanp, zot ti kapab atraver bann landrwa ler zot pe met bann nouvo *bin* annan en mesaz, kantmenm en limero kontak lo la.

Ki okenn dimoun oubyen *fine* ki bann masaz ki zot dir si en dimoun pe zet son salte ilegal. Kote ki ou *call*, ki ou kapab fer pou ou raporte. E konbyen sa dimoun i kapab ganny *fine* pou sa.

Akoz dan mon Distrik Roche Caiman mon bann zabitan in ganny ase avek sa problem *bin site*. *Ok?*

I annan dimoun ki sorti an deor i vini i pran son salte i kapab *be it* lizour menm aswar. I vini i *dump* li kot bann *bin site*, e sa bann *bin site* mazorite i obor bann lakaz. *Ok?* E ou konn byen bann

lensidan ki'n arive dan mon distrik kot dimoun in ganny ase, in komans *move* bann *bin site*. *Ok?*

E mon pe demann zot pou ranforsi lo la. Osi byen si zot ti kapab annan en sistenm kominikasyon. Ki parey nou lo Distrik Roche Caiman nou'n fer. Kot nou annan en group *WhatsApp*. Me ti ava byen osi annan en sistenm parey en *hotline*. Kot dimoun i kapab tir portre oubyen filmen sa dimoun ki pe mal zer son salte e zis anvoy kot zot.

Me dan sa laliny zot ganny lenformasyon ek dimoun i enportan ki i annan konfidansyalite. Akoz si kot lazans, kot Lanvironnman ki zwenn ansanm zot pa pe annan sa kordinasyon. Zot pa pou gannyen piblik pou vin devan, pou partaz lenformasyon.

Se pou sa rezon ki *MNA* ek *DA* Roche Caiman nou'n toultan gard sekre lenformasyon ki nou gannyen. Nou anvoy kot zot, pou zot kapab reazir lo la.

Mon dezapwente ki zot in mazin proze pou fer donn *bin site* endividuelman. Zot pa'n komans li Roche Caiman kot zot konnen problem in en ta.

Petet la profite vi ki zot in dir avek *MNA* Perseverance an preferans avek sa proze. Dir

nou konbyen sa bann *bin* i koute?

Koumsa nou Seselwa la deor ki reste dan en *housing estate* i a konnen ki letan sa proze i vin dan nou distrik. Annan en nide konbyen i pou peye. Koumsa i ava konnen poudir son *bin* ek son salte. Son responsabilite. Ki manner i pou marse. Mersi.

MR DEPUTY SPEAKER

Mersi Onorab. *Minister*.

MINISTER FLAVIEN JOUBERT

Mersi Chair. Mersi Onorab pou sa pwen ki mon krwar i en pwen ki vremen enportan. Roche Caiman byensir nou konnen i annan plizyer *issues* ki'n leve avek salte e nou pou bezwen ranforsi ledikasyon. Sa i kler.

Lo bann *bin* ki'n ganny plase o-bor semen aktyelman i annan limero telefonn. Tou bann nouvo *bin* konmela ki'n ganny mete i annan en stanp ki'n ganny mete lo la, i annan limero telefonn lo la. I annan en *hotline* ki aktiv.

E i annan en limero ki kapab resevwar *WhatsApp*. E oi annan en paz *Facebook* kot dimoun i kapab anvoy portre.

Me lo kote sa proze, petet mon a demann Mr Mangroo pou azout lo la. Me kote sa proze Perseverance kot ou'n dir nou ki ou dezapwente ki sa

proze pe ganny lanse laba. Sa proze i en pilot sa, petet ti a bon ki nou fer li kler se ki i en pilot.

Nou konnen poudir dan lepase nou'n ganny en kantite problem ek salte e Roche Caiman ti en landrwa kot ti annan en premye pilot avan.

Sa ti dan bann lannen '90 ouswa 2000 si mon rapel byen. Kot ti annan en proze pilot pou donn dimoun diferan kouler *bin*. Be apre mon pa konnen akoz i pa'n marse.

So la i en lot lesey pou anmenn en sistenm amelyore dan bann *estate*. Sirtou an prenon kont bann problem nou ti pe gannyen letan bann dimoun ti pe konmans antre Perseverance kot bann *bin site* ti pe deborde. En kantite bann problem.

E sa kouvertir sa proze Perseverance i pa pou tou perseverance antye. I pou zis bann lakaz endividyel, bann *semi-detached* avek bann lakaz endividyel.

E lentansyon se ki apre ki'n sa proze i ganny, sa pilot in ganny fer, then nou pran en desizyon si vremen i fasil pou fer, i normal pou li ganny fer.

E mon krwar bann dimoun i merit apresye poudir i en sistenm amelyore ki pou ed zot. E enn fwa ki sa i marse *then* nou kapab agrandi li. E Roche Caiman i dezyenm landrwa ki nou le agrandi li.

Akoz Roche Caiman i parey Perseverance sa bout kot in annan bann lakaz endividyel *semi-detached*.

I en keksoz ki aktyelman i ti pou vin zis apre Perseverance, apre nou fer sa tes. Me mon a les avek Mr Mangroo pou azout detrwa pwen kot i konsern sityasyon dan Vilaz Roche Caiman. Mersi.

MR DEPUTY SPEAKER

Mr Mangroo.

DEPUTY CEO RAOUL MANGROO

Ok Onorab mersi pou kestyon. E mon osi apresye ki swivan *meeting* ki nou ti fer resaman konsernan sa sityasyon dan Perseverance, nou'n kapab war en solisyon, *sorry* Roche Caiman. Nou'n kapab war en solisyon kourt term pandan ki nou pe adres en keksoz, nou pe vwar son solisyon long term.

E sa *issue* i annefe i partou kot, dan bann tou bann distrik. So la petet mon ava demann bann Onorab pou travay ek nou e pouse ek bann DAs osi pou nou kapab adres sa problem sirtou kot bann *housing estates*. Sirtou kot i annan bann *flat* aköz bann apartman, aköz sa ki nou ganny bann problem avek.

Lo kote Roche Caiman nou annan, *well* lo kote lazans

nou annan en *hotline*. E limero se 2822600, 2822600, e sa i strikteman konfidansyel. Sa mon kapab garanti zot lo la. Si i ariv okenn lenstan kot zot santi ki sa i ganny *breach*, ganny kontak ek mwan e mon ava pran aksyon nesaser.

Lo kote kominikasyon nou'n travay. Annefe depi ler Minis ti ankor *CEO* nou'n konmans travay lo la. Aköz fodre not ki nou Bidze parey *Minister* in dir, nou Bidze i *focus* zis lo *cleaning*. Lezot landrwa i ganny e pti pe, i pa ganny sa latansyon nesaser.

So nou vreman kwense lo kote sa bout plis ledikasyon ek awareness. Nou pe travay ek lanvironnman. I annan lezot *ONG* nou travay avek.

Be selman nou pe met, nou'n konstate ki nou rekonnet ki nou bezwen fer en pe plis travay lo sa kote. Egalman son *enforcement*. E nou pou rod fason pou nou pous en pti pe plis pou sa lannen, egalman bann lannen ki swiv.

Communication network nou'n toultan travay ek distrik ek tou bann *DA* atraver zot *district meeting*. So la avek sa, la ki rotasyon pou komans *settle in*, nou swete ki atraver bann *DAs* e menm bann Onorab, nou kapab reetablir sa kontak.

E nou kapab *then* lenformasyon ki nou, nou fer

sorti petet i pa neserman ariv kot bann zabitan. Be selman atraver sa *network* ki nou pou etabli nou a kapab *forward* kot zot.

E zot dan zot *WhatsApp group* ki zot annan kelkonk, zot kapab pas sa lenformasyon. So sa mon'n *take onboard* mersi bokou.

Lo kote bann *bin* fodre note ki ban pri *bin*, bann *bin* en pti pe pli pti. E li i kout apepre 600 a 800. Akoz nou, nou'n aste an gro pou Perseverance. Natirelman ler ou aste an gro pri i vin en pti pe pli ba. So sa i son pri, selman i enportan pou zabitan konpran i annan kalite osi.

Son kalite i pou baze lo, son pri i pou baze lo son *quality*. Be selman sa i apepre son sif. Yes, Roche Caiman. Sa son pri pou proze Perseverance. Sak lakour en bin. Be selman wi.

MR DEPUTY SPEAKER

Mersi *Panel*. Mon a rekonnet Onorab Bistoquet.

HON ROSIE BISTOQUET

Bonn apre midi *Deputy*. Bonn apre midi Minis avek ou delegasyon. Minis mon pe fer *follow-up* lo sa premye. En *follow-up* lo sa kestyon ki Onorab Mondon avek lezot dimoun in demande. Konsernan konmsi sey eksplik nou en pti pe sa striktir ki

manner Kontrakter i ganny anploye, *anyway* zot *contract out*.

Akoz letan mon pe ekoute ou a krwar bann anplwayer, bann kontrakter zot ganny anploye par ou Minister apre selman zot ganny *monitor* par *Local Government* anba *DA*. *Monitor* i evalye. Akoz i paret mwan *DA* ki sinyen si zot in travay, si zot pa'n travay. Konmsi eksplik nou en pti pe byen sa striktir.

Akoz si en anplwayer enn pe fer en bout, lot pe fer en bout mon pa konnen si i annan sa armonizasyon dan ladministrasyon sa travay. Keksoz pa pou marse. Sey re eksplik nou en pti pe.

Apre dezyenm, mon pou al lo Point Larue, vi ki mon reste Point Larue. E mon ti met mon kandidatir pou Point Larue. I annan konsernan *bin* Point Larue, i annan de, kot *Old People Home* ti annan vizit ki ti fer an Desanm. E kantmenm mon pa'n gannyen pa fer naryen.

Kot *Elderly Home* zanmen in deza annan en *bin*. Ni de *bin* ni naryen. *Elderly Home* zot pe zet *bin* an deor miray kot France Joseph *Estate* kot ti annan kat *bin*. Me i annan plis ki 2an, 3an i annan zis 2 *bin*. So zot anvoy zot salte an deor miray toultan.

An plis ki sa ti annan en lot *bin site* ki ti *opposite Home Nouveau* dan bor semen sa de *bus stops* monte desann. Enn in ganny tire *for whatever reason* mon pa konnen. E prezan lot kote i annan enn kot bazar ki sa i toultan *overuse*. I annan toultan salte, mikrob, lisyen *you name it, you name it*.

E sa de *bin* ki mon pe dir la kot *Elderly Home*. Zabitan lot kote semen kot *Kannus* lot bor, zot tou zot vin zet zot salte la anndan. E li osi i plen. E apre anba kot lekòl li osi in toultan plen e toultan i, bomaten ou vini ou pe al travay dimoun pe debout lo *bus stop*, zanfan lekòl pe antre, i vin en nwizans apre i en *eye sore* osi.

E mwan mon ti anvi demande Osi, lekel *how often* ki dimoun i *maintain* sa bann *bin sites* akòz mon osi mon pa konnen lekel ki pe *maintain*?

An plis ki sa i annan e pti bout ankor anba *Waste and Management Services*. *Waste Management Services* anba *maintenance*. Anba *roads* mon war en sonm 61 *million*. 61.2, nou kapab ganny en lesplikasyon lo la. Mersi.

MR DEPUTY SPEAKER

Mersi Onorab. *Minister*.

MINISTER **FLAVIEN**
JOUBERT

Mersi Mr Chair. Mersi Onorab pou ou bann kestyon. Ki manner en kontrakter i ganny anploye par en lazans apre i ganny *monitored* par en lot? Sa bann kontrakter zot ganny *monitored* par lazans e zot Kontra i avek Gouvernman atraver lazans.

Me selman, dan program travay e dan fason fer. Sa zofisyè ki pe fer sa rezyon i sipoze pe fer, pe vizit sa bann *site* dan sak mwan avek zofisyè Lotorite Distrik. Sirtou letan ou pe ariv lafen sa mwan.

Savedir i merit annan en sityasyon kot sa zofisyè *LWMA* li i pe al lo *site* dan transpor avek sa, apye byensir pa zis dan transpor, me apye, avek sa zofisyè distrik pou gete si zot satisfè avek travay ki'n ganny donnen dan sa distrik. E alor la i a sa pwèn akòz normalman sa zofisyè distrik i bezwen met son stanp lo la el son sinyatir pou dir wi mon vwar mon dakor.

E alor si sa zofisyè distrik pa satisfè i ganny drwa pa met sa stanp ditou e ekrir lo la poudir mon pa dakor.

E prezan li ler i dir mon pa dakor, sa lazans i a bezwen fer manner pou koriz sa problemn avan ki sa dokiman i kapab pase pou re antre kot sistenm peyman, dan sistenm peyman Gouvernman.

Alors ki mon pe sey eksplike, se ki i pa *DA* ki *monitor* sa Kontra, me selman i annan en drwa *veto* lo sa Kontra. E i kapab egzers sa drwa okenn moman si i pa satisfè avek sa travay ki pe ganny fer.

Mon pou pas larestan pwen konsernan *bin* avek Mr Mangroo. Me mon pou zis dir en pti keksoz lo sa ki ou pe dir lo kote *opposite Home Nouveau*. Mon osi mon'n aret en dimoun ki ti pe al met salte la o-bor *bin*, obor sa *bus stop*, pa en *bin site* sa. I ti en *litter bin* ki ti la, e dimoun i pran labitid met bann sak salte la o-bor sa *litter bin* e i ti en problem.

E nou bezwen ennler desin en laliny. So si ti annan en *bin site*, ou ti a mete. Me i pa en *bin site* li, i en *litter bin* ki ti ganny tire. E *litter bin* normalman i pa pran en sak salte ouswa en gro sak ki sorti devan laport, ouswa bann debri.

E sa i kre dezord. Alor nou bezwen tonm dakor ki i pa en landrwa zet salte. Mon ava les avek Mr Mangroo pou li adres larestan. Mersi.

DEPUTY CEO RAOUL MANGROO

Ok Onorab konsernan *bin* kot *Old People Home*. Wi ti annan en mank *bin* laba. Annefe dan tou bann distrik a en serten

moman dan lannen *bin* i kase, *bin* i ganny vole. E ou war i redwir. E nou prezan kot lazans nou war nou bezwen pe aste *bin*, toulezan nou pe aste *bin*.

Nou annan nou aktyelman la dernyen *bin audit* Desanm, Zanvye. Nou annan nou 3mil 800 ekek *bin* partaze lo Mahe, Praslin, el La Digue. Dan 800 ekek *bin site*. E nou Bidze pou aste *bin* i fer ki nou ganny apepre 500 a 700 *bin* par lannen.

So natirelman nou pa pou zanmen kapab ariv sa kota par lannen. Si nou pe mazine en *bin* si i fer en lannen i byen fer.

Akoz i annan bann *issues* sa ki retir sa *bin* i trenn li. *Bin* i tro lour zot met bout beton ladan. I annan dimoun i bril *bin* pou rezon vandalism. I annan i vole. So i en defi pou nou kapab anba nou Bidze arive ranplas tou *bin* toultan annan sa bon set *bin* dan distrik.

So natirelman i pou ariv dan bann sirkonstans parey kot *Old People Home* ki parey ou'n mansyonnen. Me selman *Old Peoples Home* in fek ganny ankor en oubyen de *bin* la.

So pti a pti nou bezwen sey kot nou kapab ler nou Bidze apre en serten mwan in pase nou'n, petet dan *third quarter* nou kapab ganny en pe *savings* ki nou *divert* nou,

fer *averment* pou nou kapab aste plis bin. Akoz ek sa alokasyon i pa, zis i pa permet nou. *Minister* in koze lo *Home Nouveau*.

Konsernan bazar egalman kot *Old People Homes*. Anfe tou bann *bin*, *bin site* i enportan pou note ki *LWMA* i pa swazir lokasyon pou met *bin*. Tradisyonnelman e *actually* pe ganny pratike *unless* i annan en sanzman ki ganny formen.

Se *DA*, Lotorite Distrik ki swazir landrwa pou met *bin site* ler i annan en demann ki vini. Egalman ler pou *relocate bin site*.

Zot rod *wayleave* kot fodre. Si *state land* zot fer le neser. Zot fer konstriksyon sa *bin*, e nou, nou zis aste *bin* nou pe ladan, nou lave, apre nou fer servis. So i enportan pou ganny sa byen. Se atraver, si i mank *bin site* dan distrik se *Local Government* ki devret adres sa problem, pa *LWMA*.

Frequency of cleaning, *bin* i ganny netwaye, *bin* i ganny, i annan de laspe netwayaz *bin*. I annan ou pase toulezour ou anmas bann salte, *litter* ki nou dir sa. Met lord obor *bin* toulezour. E selman i ganny netwaye avek dezenfektan, savon eksetera, en fwa par semenn.

Anba nouvo Kontra in ogmant pou de fwa par semenn serten landrwa.

Selman i toultan reste en defi akoz ou kapab netwaye bomaten, en dimoun i vini i met son manze ki'n kwi oubyen disan, en pwason antye i vini i met dan sa *bin*.

So sa en gro *challenge* ki nou pe gannyen e nou bezwen rod fason pou nou adres sa bann problem ek lotorite ek lafors.

Mon ava pas kestyon avek nou *Financial Controller* konsernan sa lokasyon dan *roads*. Mersi.

FINANCIAL CONTROLLER **KARINE CASSIME**

Bonn apre midi Mr Chair. Tou bann Manm Onorab. E tou bann dimoun ki a lekout. Konsernan sa R61.2 milyon sa i Bidze ki nou ti prepare lannen 2020. I total Kontra semen ki nou ti annan pou nou peye pou lannen 2020.

Zis pou azoute pou lannen 2021 li i 71.9. Li osi i *base* la ki *tender* in ganny fer, i *base* lo *actual results* ki nou'n gannyen. E nou'n met sa son dan Bidze. Mersi.

MR DEPUTY SPEAKER

Mersi Ms Cassime. Mon ava rekonnet Manm Elekte distrik Bel Air.

HON NORBERT LOIZEAU

Mersi Mr Chair. Bonzour Minis ek ou delegasyon. Mr Speaker mwan mon annan zis

en pti kestyon konsernan *bin*. Mon anvi demann *panel* si sa dimoun ki ganny Kontra pou netway *bin*, lave, ou'n koz lo dezenfektan. Eski zot ganny peye osi pou zot met pwazon pou detri bann vermin ki sirkil obor *bin*?

Akoz aktyelman la sirtou dan distrik Bel Air tou nou bann *bin* i enfeste avek lera. Eski zot ganny peye osi pou zot donn pwazon sa bann vermin?

Aprè en lot ti kestyon. Vi ki sa bann dimoun zot netway *bin*, eski zot netway zis *bin* ouswa zot netway sa rigol? Akoz laplipar *bin* Bel Air i par lao en rigol. Ki zot fer zot netway *bin*, zot vid sa delo bin dan rigol.

Bin li i prop, rigol i sal, lera i antre. Eski zot sipoze netway sa rigol osi? Akoz nou, nou en distrik montannye, ler i annan gro lapli delo i pase i lav tou sa delo malpropte, i al zet kot bann lakaz pli ba. Mersi.

MR DEPUTY SPEAKER

Mersi Onorab.

MINISTER FLAVIEN JOUBERT

Mersi Mr Chair. Byensir *Deputy* in ava annan en parol pou dir lo la. Me lo sa bout lera letour *bin*, e eski sa bann dimoun ki fer *bin cleaning* pa sipoze pe fer vermin *control*?

Mon krwar idealman i ti a bon, me aktyelman i pa pe ganny fer. Akoz lazans pa pe fer vermin *control* kot bann *bin site*.

Dapre sa ki mon konpran se *Public Health*, Lasante ki fer sa bann keksoz e ki stok pwazon lera. Me si i annan en bezwen pou nou kordinen. Mon krwar i merit kapab ganny fer. Alor pou nou i pa en problem, me selman dan striktir aktyel i pa ti'n pe ganny fer pou sa rezon. Mersi.

MR DEPUTY SPEAKER

Mr Mangroo.

DEPUTY CEO RAOUL MANGROO

Onorab mon *bin*, wi ou byen pou ou dir ler i netway son *bin* i netway li trwa, *well* i netway sa dezenfektan *part* i *bin* ek son striktir. Aprè osi annan li 3 met toultour *bin*. So si i annan okenn rigol devan i bezwen fer ki i netway ladan osi sirtou si in sali li.

Mon ava pran kontak ek ou pou gete si i annan okenn *bin sites* spesifik ki toultan ganny sa ban problem. Be selman zot ti devret pe fer sa. Wi.

MR DEPUTY SPEAKER

Mersi *panel*. Mon rekonnèt Manm Elekte distrik Glacis.

HON REGINA ESPARON

Mersi Mr Chair. Bonn apre midi Minis ek ou delegasyon. Petet avan mon komansman mon ti a kontan remersi *CEO* Mangroo pou sirkil sa lalis avek nou.

Mon konnen poudir oparavan ti en pe difisil pou nou ganyen. Nou'n byen apresye ki nou'n kapab ganny sa lalis en pe konplet. Pou nou kapab konnen vreman lekel kontrakter ki pe travay kot lekel.

Mr Chair, an dizan sa mon ti ava kontan demann avek *CEO* letan i ti pe reponn kebyon pou Onorab Vidot, in mansyonn sa zafer *pilot study*. Mon krwar sa legzersis pilot ti konsernan sa bann *bin* tou sord kouler.

Mon mazine ki'n sa bann *bin* tou sord kouler ti annan en lendikasyon sak kouler bin pou triyaz salte. Mon rapel dernyen fwa ki *LWMA* ti reponn nou kebyon dan Lasanble nou ti koz lo sa zafer lenportans ki i annan triyaz avek salte.

Ki zot pe fer pou ankouraze oubyen promot triyaz salte? Sirtou dan bann gran landrwa parey *Airport*. Bann landrwa parey *Hyper Market*, lo stenn.

Kot konmsi i annan sa bann diferan kouler *bin* pou diferan kalite salte. E sir tou si nou pe ankouraz resiklaz. Premyerman.

Dezyenmman, ki zot Polisi lo en dimoun ki'n annan Kontra pou li *sub-contract* sa Kontra avek en lot dimoun? Eski zot annan en Polisi ki anpes sa oubyen pou kapab kontrol sa? Mersi Mr Chair.

MR DEPUTY SPEAKER

Mersi Onorab. *Minister*.

MINISTER FLAVIEN JOUBERT

Mersi Mr Chair. Mon pou pas lo tou lede pwen apre mon a demann Mr Mangroo pou azoute.

Pou triyaz nou pou bezwen tonm dakor nasyonalman lo ki nou pou fer lo kote triyaz salte akoz dan lepase nou'n koz lo la wi byensir.

Nou'n fer met *bin* dan bann diferan landrwa ki dimoun i met diferan kalite salte ladan.

Me aktyelman Onorab dan pei i annan zis 3 kalite salte ki pe ganny trete apar. I annan zis *pet, can*, ek boutey vit la pou lemoman.

E mwan mon krwar ki nou devret met en sistenm ki pli konpreansiv, e nou devret annan bann laliny tretman pou sa bann kalite salte.

Enn bann zefor ki nou pe fer, i pa pou enplik triyaz li, i pou enplik en lot servis ki apar. Se ki nou le, nou'n deza komans en lesey ki nou le fer

dan Was Mahe. Nou le ki dimoun avek zot bann *green waste* bann brans, zot pa anmenn li *landfill*. Sa en keksoz ki kapab ed nou en kantite aköz pou tir apepre 30 a 40 poursan volim ki pe antre dan *landfill*.

E apre sa byensir dan nou bann program ki pe vini ki nou pou ganny sanz prezante isi, se nou le ki i annan en pli bon sistenm Nasyonal ki pou adres diferan kalite salte.

Me nou bezwen fer sir pou li fonksyonnen i bezwen annan en pe parey ki pe arive avek bann *scheme* egzistan.

I bezwen annan en lekonomi otour. E pou ou annan en lekonomi otour, ou bezwen larzan. E kot ou ganny sa larzan, i bezwen sorti dan sa sistenm konsonmasyon.

E alor nou bezwen fer sir ki nou annan tou sa bann keksoz an plas ki fer sa sistenm fonksyonnen.

Sanfrwa nou pou war nou avek bann keksoz parey dan lepase kot nou'n fer serten demars, salte i ariv dan en landrwa. E apre i pa zanmen ganny trete.

Akoz bokou dimoun i konplent ki zot met salte separe dan diferan kouler *bin* e apre i pa ganny trete separeman. I ganny met tou ansanm.

E sa i pe arive dan plizyer landrwa menm dan lekol pou aprann ki bann dimoun i dekouraze aköz sa.

Sub-Contracting Onorab, normalman i pa merit ganny fer. Me mon a les LWMA klarifye vreman. Me sa Kontra i ganny *allocate* avek sa dimoun. Aköz sa dimoun i bezwen en Kontra. I pa ganny donneren avek ou aköz ou kapab pran sa Kontra apre balans avek en lot dimoun. Mersi.

DEPUTY CEO RAOUL MANGROO

Mr Chair. Onorab konsernan *sub-contracting*, i enportan ou'n soulev sa aköz ki nou'n war lefe ki sa sekter i en sekter formel. E se la atraver *tender* kordinen ki nou'n war bann defayans avek sa *pool* dimoun ki dan sa sekter, e ler nou pe formaliz li i annan en ta konplikasyon ki vin avek. E nou bezwen annan laspe legal osi ki kouver. Pou fer li vin *licensable*.

Nou'n war ki i annan dimoun i dir en keksoz dan son *tender* selman an realite lo teren i pa li leka. So *sub-contracting* i ganny permete a limit. Par egzanp en konponan ladan, par egzanp koup zerb wi ou a lese, selman ou pa sipoze *sub-contract* antye ou travay. Zis ou asize kot ou, ou rezouir ou larzan, non.

Dan lenstans ki okenn rapor ki vini dan sa kote, nou, nou pou pran aksyon avek li sa dimoun. Me selman en konponan, en pti konponan, a *small component of* sa Kontra nou permete. Natirelman sa Kontrakter, *the main contractor* i bezwen *supervise* son travay.

E sa i *apply* pou *cleaning, landscaping*, e menm *waste collection* petet par ler ek bann *bulky waste* aköz i annan bokou zot kapab rod plis *pick up*, be selman an gro i koumsa.

Lo kote *recycling* zis pou azout sa ki Minis in dir, nou'n fer en proze, *well* nou pa'n fer. Nou'n sey en lesey avek Departman Lanvironnman pou nou anmenn bann *recycling pet and can* pli pre, bann *recycling operators* pli pre avek bann dimoun dan distrik. Nou ti fer sa ek Perseverance lanmwatye lannen apepre koumsa nou'n fer li.

E nou war ki bann *redeem centers*, bann ki *involve* ladan. Dimoun i konnen i la be selman i tro lwen. So Departman Lanvironnman i pe travay lo serten program pou fer ki sa bann *redeem centers* i al en pe plis dan lakominote.

Ou konnen i *reach out* en pti pe plis konmkwa i ava promouvwar sa bann keksoz.

E dan lekol, bann lorganizasyon ki ramas menm bann landrwa travay ki ramas sa bann salte i separ li aköz *that's the best way* pou fer li, *the way forward*. Zot kapab ganny en dimoun i pase i anmas zot sa dan plas zot war, zot pa konnen ki zot pou fer avek.

So sa i en keksoz ki Departman Lanvironnman i pe travay lo la.

MR DEPUTY SPEAKER

Mersi *Panel*. Ou annan en *follow-up* Onorab?

HON REGINA ESPARON

Mersi Mr Chair. Mr Chair pa telman en *follow-up*. Zis pou mwan dir avek *CEO* i annan sa sityasyon *commercial waste* avek *waste* piblik, kot *Sunset Beach Hotel* Glacis. Sa keksoz i kontinyen petet zis mon pou met a ou latansyon pou zot regarde.

Parski parfwa i domaz ki ou war en kantite salte i reste la. *Commercial waste* i ganny melanze avek sa ki pou piblik. Epi i pa ganny tire e loder i mont avek bann dimoun ki reste dan vwazinaz. Mersi.

MR DEPUTY SPEAKER

Mersi Onorab. Mon krwar sa ti zis en komanter ki pa neseserman bezwen en larepons. Mon rekonnnet Manm Elekte pou Zil Pros.

HON ROCKY URANIE

Mersi Mr Chair. Bonn apre midi *panel*. *Minister* sa biznes gro boutey delo, i vin en gran led pou Digwa. Me selman mon'n vwar, e ou menm ou mon krwar ou'n vwar lo *landfill* kantite sa gro boutey i ganny zete e ranpli *landfill*.

Mon konnen ki sa operater ti an diskisyon oubyen ti deza ekrir zot. I ti pe vin avek en serten solisyon. So mon ti a kontan konnen ki zistans sa diskisyon i ete si in annan menm? E ki solisyon zot pe anmennen pou rezourd sa problem? Sa i mon premye kestyon.

Apre mon ti a zis kontan konnen, eski i annan dimoun ki'n volonter pou donn permisyon pou zot met *bin* lo zot propriyete prive? Si wi konbyen?

E apre si zot menm zot in antre an diskisyon ek serten propriyete prive pou sey gete si zot kapab met *bin* e zot bezwen war zot pe pey en serten sonm larzan? Mersi Mr Chair.

MR DEPUTY SPEAKER

Mersi Onorab. *Minister*.

MINISTER FLAVIEN JOUBERT

Mersi Mr Chair. Mersi Onorab pou ou kestyon. Kot i konsern boutey delo. Wi i annan en diskisyon ki'n ganny fer ant

Departman Lanvironnman avek bann dimoun ki *supply* delo lo La Digue. E enkli osi sa dimoun ki pe fer sa *redeem center* pou pet lo La Digue. Me mon pou dir ou fransman ki sa bann solisyon ki zot pe propoze i pa dan nou satisfaksyon e nou pa krwar poudir i pou ede pou nou rezourd problem 100 poursan.

Akoz? Akoz i pou ede retir boutey ki lo La Digue ki ganny anmennen par egzanp kot *redeem centers*, me i pa pou ede anpese ki boutey i ariv lo *landfill*.

Ki nou bezwen annan se ki nou bezwen annan en sistenm ki dekouraz ouswa ankouraz dimoun pou zot retourn avek sa bann boutey olye pran li met dan *bin*. Ranpli *bin* pran tou lespas e apre anmenn li lo *landfill*.

Alor i pa ankor pare sa solisyon e mon pa pou, i pou mal pou mwan anons avek ou konmkwa nou'n ganny en solisyon kan i pa ankor pare.

Permisyon pou met *bin* lo later parey Mr Mangroo in eksplike dan en bon pe fwa se *DA* ki fer sa bann demars. Normalman nou, nou esper en Lagreman *wayleave* avek sa dimoun.

I annan sa bann Lagreman selman se *DA*. Sa *wayleave* i ganny fer avek *DA* e non pa avek Lazans. E apre

DA i fer tou sa bann tranzaksyon apre i transmet avek lazans pou dir in fini ganny permisyon avek sa dimoun.

Me selman mon bezwen met lo rikord klerman. Napa larzan ki ganny e sanze pou sa. Napa personn ki mon okouran ki pe ganny peye pou okenn *bin* lo zot propriyete. Mersi.

MR DEPUTY SPEAKER

Mersi *Minister*. Ti zis ou ki ti pe reponn lo sennla, napa lot dimoun lo *panel* ki pe azout? *Ok*. Donk mon ava rekonnnet Manm Elekte Distrik Beau Vallon.

HON JOHN HOAREAU

Mersi Mr Chair. Mr Chair mon le *welcome* Mr Raoul Mangroo ki en zabitan Distrik Beau Vallon. Mr Chair, mon ti a kontan ki pas en lobzervasyon avek LWMA sirtou lo kote lans Beau Vallon.

An se moman nou nepli annan bokou bann lisyen eran. Akoz napa aktivite vann manze ensidswit. Me selman, i annan en problem kot bann dimoun ki annan zot lisyen zot vin *walk* zot *dog*. Zot pa kit li lo *leash* premyerman.

E zot fer malpropte partou lo lans, e i annan bann dimoun ki ganny Kontra avek LWMA ki vin netway lans zot konplent akoz sa sityasyon.

E mwan mon pe zis sizere ki dan lentere lizyenn e tou dimoun ki vin servi lans. Si zot kapab met serten *board* pou endike ki lans pa en landrwa pou dimoun vin anmenn zot lisyen pou zis vin fer malpropte. Zot devret kit zot lisyen lo *leash*. E osi si i annan en *fix penalty* pou bann ki pa ranmas zot bann malpropte lisyen, mon krwar ti ava bon.

Dezyenmman, Mr Chair. I annan osi en konsern lo size Kontra ki bann dimoun i gannyen pou netway bann landrwa dan distrik. I annan pou fer avek laz bann dimoun e osi lenvestisman ki sa bann dimoun in met dan zot *cleaning agency*.

I annan ki fer bokou lenvestisman sirtou osi pou ranmas salte osi. E apre zot santi ki zot ganny defavorize me zot *end-up* avek en lenvestisman ki zot pa kapab servi. Zot bezwen revann.

Oubyen i annan dimoun ki menm par lao serten laz ki zot in *retire* me selman *still* zot ankor pe ganny Kontra pou netway distrik.

Mr Chair, mon kestyon plito i baze lo size *energy from waste*. Mon konnen poudir LWMA avek Lanvironnman ti pe sey travay lo serten stratezi pou *convert waste into energy*. E mon ti a kontan konnen ki zistans sa travay in arive?

E osi fer rekonnèt poudir sa problemn kot dimoun i zet *industrial waste* dan *bin* piblik i annan osi en kantite dan mon distrik. E menm nou'n deza fer enn de konplent. Mon pou vwar Mr Raoul pli tar pou mwan pas enn de konsern osi lo sa size. Mersi.

MR DEPUTY SPEAKER

Mersi Onorab. *Minister*.

MINISTER FLAVIEN JOUBERT

Mersi Mr Chair. Mersi Onorab pou ou kestyon. Mon pou zis koz lo *waste to energy* e apre mon a les Mr Mangroo koz lo larestan. Malpropte lo lans, travay si i annan *age limit*. E osi *commercial waste*.

Mr Chair, lo sa size *waste to energy* i annan plizyer diskisyon ki'n ganny fer dan lepase. Plizyer lesey pou sey atir bann dimoun pou vin Sesel. I menm annan ozordi plizyer endividi, pa bokou me selman serten. Endividi swa konpanyen ki ankor pe kontinyen kontakte nou pou *waste to energy*.

Me an prensip Gouvernman pa ankor fini deside lo la. Akoz i annan plizyer laplikasyon ki nou bezwen fer analiz detaye. In annan en lesey pou ganny sipor enternasyonal pou fer en analiz, me mon letan mon'n

vini mon'n vwar poudir sa lesey pa ti pe abouti.

E mon'n fer en nouvo kontak avek menm atraver *UNDP*, e mon krwar ki lafen sa lannen petet dan trwazyenm kar nou pou kapab ganny en sipor pou nou kapab fer sa *analysis* konplent.

E prezant Gouvernman avek son lenplikasyon finansyel.

Akoz i pa en keksoz ki pou annan zero lenpak finansyel pou Gouvernman. Akoz letan ou pe get li kantite volim ki nou pe tire Sesel. Ki nou pe prodwir Sesel koman salte. E kantite potansyel ki sa i annan. Posibleman i pou annan en kou ki pou vin avek.

E sa bann solisyon letan ou get li i pa neserman en solisyon ki lenerzi sorti dan salte, me plito en solisyon salte. Ki kapab prodwir en pe lenerzi par kote. Sa nou bezwen met byen kler sa.

E so nou bezwen fer sir i annan sa bon analiz avan nou lans ladan akoz en keksoz avek *waste to energy* Onorab se ki en fwa ki ou anbank ladan, ou pou reste pri ladan pou 30an omwen.

So nou bezwen fer sir avan nou fer en desizyon. E nou bezwen fer sir nou konnen ki kalite konsekans ki kapab annan pou Leta letan nou pe lans ladan.

Byensir i kapab anmenn en kantite benefis pou nou, nou bezwen aksepte sa. I kapab anmenn en kantite benefis akoz i pou redwir volim salte par plis ki 3 kar. E ou pou napa bokou bezwen.

Me mon krwar nou pou bezwen fer en bon analiz e menm letan mon krwar departman ti anmenn devan sa Komite Devlopman pou prezant propozisyon pou fer en *call for expression of interest* pou bann konpanyen vini. Komite ti dir avek zot poudir dapre bann lenformasyon ki'n ganny donnen ki'n ganny prezante avek zot, zot krwar i pa ankor pare.

Alor i enportan ki nou vreman fer sa lalis an detay e prezant avek, menm avek Lasanble. Bann Manm Lasanble pou zot konnen e pou zot konpran egzakteman ki bann lenplikasyon ladan.

Me selman mon krwar ki letan i dir ou lafen 2021 nou bezwen kapab dan en pozisyon pou nou dir wi ou non ki kalite teknolozi. Ki kalite metod e ki kouvertir i pou annan.

Eski i pou zis Mahe. Mahe Praslin, La Digue, en sistenm entegre tou. Mon ava les Mr Mangroo pran larestan pwen. Mersi.

MR DEPUTY SPEAKER

Mr Mangroo.

DEPUTY CEO RAOUL MANGROO

Chair. Onorab konsernan lisyen lo lans e sa ki zot kit deryer ler zot fini fer marse zot lisyen.

I pa'n, i en nouvo keksoz ki pou nou antre ladan, so petet mon ava fer en pe resers demann, rod lotorite konsernen. Netwaye sertennman i tonm ek nou, me selman pou bann *boards*, pou bann notis, pou *penalties*.

Nou bezwen gete lekel lotorite osi ki nou kapab travay avek. Akoz sa fransman i en nouvote pou nou. Pou lans Beau Vallon egalman lezot lans osi.

Lo kote *age limit*, a se ki konsern bann kriter ki ganny mete pou en dimoun partisip dan Kontra. I en keksoz ki *taskforce* pou *tender* egalman *POU*, egalman Minister Finans nou'n debat lo la e nou'n menm apros *AG's Office* pou ganny son pwennvi lo la.

Repons ki nou ti gannyen se ki nou bezwen fer sir ki nou pa etabli en sistenm, nou pa met an plas en sistenm ki pou *infringe* lo drwa Konstitisyon en dimoun.

So se pou sela ki nou pa'n kapab met en *age limit* lo la apard ki, napa naryen pou fer ek laz. I annan petet laspe mantal oubyen laspe lasante en dimoun pou li kapab pa, pou li pa partisipe.

Me lo *age limit* i napa. Me selman sa keksoz i ankor an diskisyon akoz i, sa sekter i pe ganny formalite pou fer li vin *licensable*. E si fodre met en *age limit* nou ava mete, mon an faver sa mon, be selman nou bezwen en pti pe plis aprofondisman lo la.

Mon remerisi ou pou ou komantr konsernan pou ou travay ansanm ek mwan. Mon laport i toultan ouver. Mon kontan e mon ti a swete travay en pe plis ek bann *MNA*, akoz nou depan lo zot osi pou bokou bann lenstan kot i annan pa mal konplikasyon avek zabitan dan distrik. Alor mon *welcome* sa.

Lo kote *investment*, mon konstate, e i sagren ki par ler dimoun ki'n investir bokou dan en, dan son sekter ki i ete ladan. Apre rezilta *tender* i fer ki i pa gannyen.

Ou konnen nou'n diskrit sa en pti pe longman lo bann diferan Komite diferan nivo. *The status* i se ki ler ou fer *tender* ou bezwen rod sa, ou bezwen annan sa transparans. Ou bezwen met dimoun lo tou nivo.

E parfwa i annan serten sekter ou war ki leksperyans ek *investment* i pa neserman met ou an avans akoz sa travay petet i en travay ki nenport dimoun i kapab i komans zero i al investir.

So sa i en keksoz petet nou bezwen diskite avek Minister Finans dan bann lezot *forum* pou nou kapab ler nou fer *tender* ki bann kriter nou mete. Lo sa laspe ki la.

Lo kote *commercial waste* dan *public bin*. Sa osi i pa mal latet fermal nou gannyen. E mon kontan pou note ki i annan regilasyon depi lannen pase nou'n komans travay lo la. E nou'n soumet li, e an se moman la i ek Departman Lanvironnman.

Zot pe finaliz li, *polish* li pou zot kapab anvoy li kot *AG's Office*. E swivan sa en lanons pou ganny fer, i annan ledikasyon pou ganny fer akoz i annan tou en seri aksyon ki pou ganny pran avek bann komersan.

Ler mon dir komersan se tou dimoun ki pe pratik ki pe fer biznes ki *generate* larzan tou nivo. I annan aksyon ki pou ganny pran, e i annan tou en seri en *framework* ki pou ganny mete an plas pou mon kapab fer sir ki zot salte ki zot prodwir i pa *end-up* dan *bin* piblik.

So mon kapab anons sa. Zis nou a esper plis lenformasyon *from AG's Office* pli tar. Mersi.

MR DEPUTY SPEAKER

Mersi *panel*. Zis en komantr lo pwen ki Onorab Hoareau in leve Mr Mangroo. Mon krwar

sa ki zot bezwen fer parey Onorab Vidot in propoze. Sa bann siny ki i ti pe dir met kot bann *bin*. Be kot lans Beau Vallon zis met en *sign*, “*Please pick up after your pet*” e i ava ankouraz bann dimoun ki vin lo lans pou anmenn en pti sak plastik ek zot. Bann keksoz koumsa pou netwaye apre zot zannimo. I osi fasil mon krwar.

Nou a pas laparol avek Onorab Cosgrow.

HON WALLACE COSGROW

Mersi Mr Chair. Bonn apre Minis. Bonn apre midi *Deputy CEO* avek tou dimoun. Mr Chair, mon kontinyen fer mon bann lentervansyon baze lo bann landrwa kot mon war petet nou pe *deviate* en pti pe *from Policy*.

E dan sa ka la i konsernan en Onorab ki'n koz en pti pe lo a avan boner.

I konsernan desizyon pou nou revwar sa bann Kontra. E la mon pe koz direkteman pou bann pti kontrakter deor, de santenn zot ki annan.

Ki'n esper en bon pe letan pou zot kapab ganny en pti Kontra pou zot partisip dan netwayaz dan zot distrik, ouswa dan zot rezyon.

Minis Finans in anonse dan Bidze ki zot pe revwar. Minis Joubert osi in dir ki poudir zot pe revwar lafason ki bann *tender* i ganny fer. Eski

zot pe dir, mesaz ki zot pe anvoye deor. Eski zot pe dir avek pti kontrakter ki zot in ganny en Kontra pou 3an, i annan bann ki pe espere pou antre, ki i posib ki sa Kontra i kapab ganny kennsel, e ki zot kapab war zot perdi sa Kontra baze lo bann louvraz ki zot pe antreprann la pou revwar sistenn Kontra?

Dezyenn Mr Chair, i konsernan dan Bidze i apel ‘*Collection municipalities*’ mon war i annan de *Head*. I annan enn 28milyon avek enn 6 milyon. Akoz i separe? Mon sipoze, i sipoze anba en *Head*. Apre osi menm laliny ladan Minis in dir avek Onorab pou Bel Air ki pou dir zot pa fer *pest control*.

Me mon war ki dan Bidze i annan apepre en R1 milyon relye avek *pest control*. Mon ti a kontan konnen ki zot touye akoz R1 milyon mon krwar i bezwen annan serten *significant amount of pest* ki zot kontrole. So petet i ava eklersi mwan, i ava eklersi Onorab Loizeau osi. Se tou Mr Chairman pou mon de kestyon.

MR DEPUTY SPEAKER

Mersi Onorab. *Minister*.

MINISTER FLAVIEN JOUBERT

Mersi Mr Chair. Desizyon Kontra mon krwar Onorab

nou bezwen fer sir ki nou pa pe anvoy bann mesaz ki pou kre en pe diskord an deor. Bann dimoun ki deza lo Kontra nou bezwen respekte zot dwa Kontra.

Akoz sa i en Lagreman formel, legal ki ou'n sinyen ek sa bann dimoun, ou bezwen respekte zot drwa. Alor napa sa posibilite ki pou al kennsel sa bann Kontra.

Me anmenn tan nou annan bann Kontra ki pou vini devan nou e nou bezwen kapab ganny en bon apersi lo kote nou pe fer, ki lot lepa ki nou pou al fer konsernan bann Kontra.

Bann Kontra ki ti lo *tender* ki bann dimoun i ankor pe espere, en bon pe letan zot pe espere. Plis ki 1an, 2an, mon krwar 3an menm pe espere.

E mon pa tro krwar sa bann dimoun pe asize 3an pe esper sa Kontra. Posibleman i annan serten pe al sanz zot travay letan zot ganny sa Kontra, me selman nou bezwen annan en refleksyon. Kestyon se ki kan eski nou pou fer sa desizyon?

Eski nou pou donn tou dimoun Kontra ozordi, nou pou les sa pri monte la deswit e apre nou pou retournen pou nou al sey korize.

Ouswa eski avan ki bann Kontra antre. I annan bann Kontra, sa bann dimoun pa

ankor ganny notifiye zot en. Fodre nou konpran sa, se ki nou pa pe koz lo bann dimoun ki'n ganny notifiye konmkwa zot pe al ganny en Kontra.

Nou pe koz lo bann Kontra ki bann dimoun in soumet me selman personn pa konnen lekel ki pou gannyen, lekel ki pa pou gannyen.

Alor eski nou fer sa refleksyon la ouswa eski nou les li ale ankor. E nou fouy en pli gran trou lo kote Bidze. E nou war nou avek en sityasyon kot Minister Finans i komans bloke.

E letan i ariv lafen lannen ou napa ase pou depanse.

Mon krwar i pou fer bokou pli mal pou sa bann dimoun ki ozordi nou fer krwar avek zot poudir tou keksoz pou byen.

E apre letan in ariv lafen lannen nou dir zot poudir non nou pou bezwen koup zot Kontra par 25 poursan ouswa *by* 30poursan. Akoz napa larzan. I pou dir ou be la in ariv lafen lannen nou ti espekte donn nou travayer en Trezyenm Mwan napa naryen.

Mon krwar ki pou fer plis dimal si nou'n al fer sa. E i byen ki nou fer sa *move* la ozordi pou nou verifiye ki kantite posibilite ki i annan pou nou kontinyen avek sa bann Kontra.

Me selman parey mon ganny diskisyon avek Finans, si letan nou fer analiz nou war poudir tou keksoz i *ok*, nou kontinye larout. Me si nou, nou war poudir i annan keksoz ki nou bezwen sanze, nou pou bezwen travay lo serten nouvo posibilite.

Me tou fason nenport ki posibilite ki pou vini pou annan posibilite Kontra. Sa i kler sa mon krwar. Dimoun i bezwen konpran poudir pou annan posibilite Kontra.

Me i kapab pa dan menm kantite, pa dan menm laform, pa dan menm frekans. Me selman i pou annan posibilite Kontra nenport ki lapros ki ganny pran.

Pest control Onorab, si nou rapel byen. Non, petet mon a pas avek bann dimoun ki annan plis detay. Me selman mon konnen i pou *landscape* lamazorite letan. I pa kontrol obor *bin*. E mon a pas avek Mr Mangroo ek Ms Cassime. Mersi.

MR DEPUTY SPEAKER

Mr Mangroo.

DEPUTY CEO RAOUL MANGROO

Chairman. Onorab konsernan sa sonm pou *pest control*, wi parey Minis in dir i prensipalman pou *beautification areas*. So nou pe koz nou Mahe ek Praslin

prensipalman. En pti morso lo La Digue.

Aprè i annan en konponan lo nou bann lofis osi. Sa laspe *pest control* kot lofis. Kot tou nou bann stasyon, *main office*. Tou nou bann stasyon lo Mahe, Praslin, La Digue.

MR DEPUTY SPEAKER

Financial Controller ti annan en kontribisyon?

FINANCIAL CONTROLLER MS KARINE CASSIME

Mersi Onorab pou ou kestyon. Konsernan sa koleksyon minisipal, wi i ganny kase pa an de me selman an trwa. I ganny kase pou sa trwa diferan zil. Mahe 28.8 milyon, Praslin 6.1 milyon, e La Digue 3.2 milyon. Mersi.

MR DEPUTY SPEAKER

Mersi. Mon'n rekonnet ou annan en klarifikasyon. Me solman nou ava donn laparol *PS* avan. Aprè nou a retourn kot ou Onorab Cosgrow.

PS DAMIEN THESEE

Mersi Mr Chair. Mon krwar lo sa *issue* Kontra netwayaz i pou enportan *at some point* ki nou vin fer en diskisyon avek bann Manm elekte Lasanble.

Akoz mon krwar pou bokou lannen sa ki pli ou mwen domin en pe sa azanda netwayaz. Ki nou'n war nou

kot Minister Finans dan serten *sort of* dilenm.

Akoz nou bezwen realize ki nou pe sey met devan ki Gouvernman dan sa ka la i en kliyan li. E sa kliyan li i bezwen rod son *best benefit at* sa kou ki pli abordab oubyen ki pli fer sans pou li.

Currently la nou pe zis servi sa koman en fason pou donn as much Kontra ki nou kapab deor. Nou pe fer bann pti, pti *slot allocation*. Menm si nou rekonnèt ki i annan bann nouvo demann ki pe vini.

Me nou pe sey rod en fason pou sanz sa. Ki Gouvernman i la koman en fasilite. E bann biznes deor osi i bezwen rod bann lezot landrwa pou zot fer biznes.

Pa neserman pe kre biznes pou vin rod biznes ek Gouvernman pou netwaye. Akoz mon krwar sa ki probleman. So mon krwar dan bann mwan ki vini ler nou fer sa legzersis i pou enportan osi ki nou fer sa diskisyon ek Manm Lasanble Nasyonal pou war osi defi sa ki pe fer.

Akoz sa larzan osi nou ti kapab servi li pou lot keksoz pou konstriksyon pou *renovate* nou ban lenfrastruktir ki nou annan. E pa servi li totalman pou *rely* lo donn biznes pti lanplwa.

So nou pou respekte bann Kontra ki i annan la, me selman nou pe fer li an mezir

ki nou war bann Kontra i *expire*. Mersi.

MR DEPUTY SPEAKER

Mersi PS. Ou annan klarifikasyon Onorab Cosgrow.

HON WALLACE COSGROW

Yes, Mr Chairman very short. De klarifikasyon annefe. Enn PS fek leve. PS letan ou enkli bann MNA enkli MNA elekte avek bann proporsyonnel. Mon krwar ou pe *mean MNA* an zeneral en. Akoz mon osi mon annan bann nide enportan mon le partaze.

Dezyenm, zis en klarifikasyon *pest control*. I enportan akoz nou konnen Minister Lagrikiltir i fer vini, SAA i fer vini par egzanp *rat blocks*. Konmsi eski zot *tender* pou bann *pest control* zafer? Ouswa zot aste avek Lagrikiltir?

Akoz i annan en lefe lo fermye si zot pe aste en gro *bulk* e fermye i riske pa gannyen. Os i *fertilizer* mon war zot pe aste en bon pe *fertilizer*. Mersi.

MR DEPUTY SPEAKER

Mersi Onorab. *Minister*.

MINISTER FLAVIEN JOUBERT

Mersi Mr Chair. mon a zis vitman pas lo sa zafer *pest control*. Normalman *pest*

control i ganny fer, *actual pest control* i ganny fer an traver bann *license pest control operators*. Savedir zis ou ale ou annan en lalis mon pa konnen, mon krwar 8 a 12 par la.

Mon pa konnen egzaktaman konbyen zot i annan la konmela. E ou demann zot tou en kotasyon pou bann travay ki annan pou fer.

Aprè bann *fertilizers* lamazorite bann lezot keksoz i ganny aste direk *from requisite store* en. Wi preski tou i ganny aste avek *requisite store*. Savedir ou al lo *store* i bann prodwir pli rezonnab dan sa bann *class* ki ou kapab gannyen lo *market right now*. So i ganny aste avek *requisite store*.

MR DEPUTY SPEAKER

Mersi *Minister*. Nou pou pran en poz la ziske 4er edmi. Nou pa'n mal fer, nou ti annan nou 20 dimoun ki'n demande pou demann keston so nou'n al egzaktaman dan milye la. 10, i reste nou 10. E mon swete ler nou retournen 4er edmi nou a kapab fini avan 6er.

Donk nou a rezwenn 4er edmi.

(BREAK)

LANDSCAPE & WASTE MANAGEMENT AGENCY **(cont)**

MR DEPUTY SPEAKER

Ankor enn fwa byenveni. Nou ava kontinyen avek nou deliberasyon lo Bidze pou *Landscape and Waste Management Agency*. Mon ava rekonnet Manm Elekte Distrik St Louis.

HON SATHYA NAIDU

Bonn aprè midi Mr Chair. Bonn aprè midi Minis ek ou delegasyon. I vreman fer lapenn ki ozordi nou pe diskit lo leta bann bin dan nou bann distrik, e plizyer lezot pti problem ki pa ti'n devret neserman en problem lo li menm me malerezman nou'n ariv kot sa staz.

E mon swe se ki vizavi bann *DA* nou pou kapab fer bann revizyon neser an term Polisi pou sey ankadre nou bann *MNA* osi, nou koman bann *MNA*, me i se nou zabitan ki kontakte nou ler en keksoz i mal.

E lo kote Kontra ankor enn fwa mon rapel Mer Lavi Mr David Andre, ti'n lans en lapel avek bann Onorab dan bann rezyon santral pou desann pou vin netway Victoria.

E dan pe fer sa netwayaz mon ti'n vreman dekouraze pou note ki tou sa bann

kontrakter ki'n la dan lefase zot pa'n neserman fer zot louvraz byen. E alors i tre enportan ki lo kote sipervizyon zot bezwen revwar zot prosesis ki zot pe met an aplikasyon osi.

E dan sa prosesis netwayaz ki serten kontrakter i fer zot servi bann *blower*, mon kestyon se ki eski sa bann *blower* i vreman efikas?

Zot bezwen revwar sa en pe aköz en ta dimoun pe konplent, menm dan pe koup zerb zot pa pe servi okenn *protective gear* osi. Non, selman zot pe poz danze pou zot prop lekor, me osi lezot otour zot espesyalman bann dimoun ki pe dray zot transpor i bezwen annan plis konsiderasyon dan sa kote.

E lo kote *landfill*, lannen pase ti'n annan en gro dife e apre *DRDM* in soumet en rapor. Mon kestyon se eski i pou annan en diferans lo lafason ki salte pou ganny dispoze dan *landfill*?

E an 2019 atraver *Environment Trust Fund* ti annan 6milyon e Gouvernman ti'n donn 3milyon, zot in aste *the 'Red Giant', shred wasting machine*. Mon kestyon se ki eski sa masin ki'n kout pres R9milyon pe ganny itilize? Aköz dernyen fwa ler mon'n pase mon war li pe zis asize. Mersi.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Mr Chair. Mersi Onorab pou ou kestyon. Mon pou pas premye size kot i konsern efikasite sipervizyon e osi *blowers* avek Mr Mangroo. E osi *landfill management* e apre nou a koz lo sa masin ki Providence. Mersi.

MR DEPUTY SPEAKER

Mr Mangroo.

DEPUTY CEO RAHUL MANGROO

Mr Chairman. Onorab konsernan *supervision* mon admet ki e i annan plis, *there's room for improvement* dan tou laspe. Nou fer bokou keksoz e nou fer li partenarya parey mon'n deza dir ek lezot *stakeholders*. Me selman *there's a way*, i annan toultan *challenges* ki nou gannyen, e par ler sa bann *challenge* i ase signifikan ki fer ki petet i, mal sorti lo Lazans.

So mon garanti ou la anba sa nouvo Kontra i annan en nouvo fason fer lo kote *contract management*, e bann lenspekter osi zot pou ganny *train* dan laspe pou fer zot en pti pe pli vizilan e pran aksyon neser en pti pe pli an devan.

E egalman osi anba Kontra *Procurement Oversight*

Unit, i annan en *contract management office* ki i la osi pou donn sa sipor e donn sa, konmsi aplik keksoz en pti pe pli sever anba portfolyo Minister Finans.

So *supervision* definitivman i en keksoz lo *agenda* pou sa lannen anba nouvo kontra.

Use of blower wi, i napa ... Lo La Digue mon konnen i annan en serten restriksyon. I limite pou en serten ler. Be selman lo Mahe i pa neserman. Dapre kominikasyon ki mon'n gannyen avek *PS Decommarmond* Departman Lanvironnman i pa neserman annan. I plito son nivo tapaz.

Me selman i annan en keksoz ki mon konnen zot pou bezwen travay lo la lo zot kote zot pou bezwen travay lo la, akoz i annan en laspe tapaz, pa zis tapaz, be selman i en nwizans.

So mon agree ek ou, nou osi nou annan pa mal sa problem, nou dir kontrakter, be selman i fer mwan tous lo sa lot pwen ki annan pou fer avek koup zerb, danze ki vin avek *lack of PPEs*. Sa lo nou kote anba nou *SOP* ki pou antase ek sa Kontra, nou pe met anfers ki i annan (apard sa bann striktir an plas) nou pe met anfers en penalti ki vin lo sa bann kontrakter.

Wi zot ganny demande pou pran lasirans, wi zot pran lasirans. Me selman a lafen dizour nou bezwen prevwar dan plas reakte apre ki en problem in vini. E tou kontrakter laba deor nou'n fatige dir zot plizyer fwa. Me selman la nou bezwen al pran aksyon avek zot. Zot konnen zot menm, me selman zot bezwen en pti pe pli atantif e konnen.

MR DEPUTY SPEAKER

Mersi *panel*. Ou annan en lot pwen ki oule azoute Mr Mangroo?

DEPUTY CEO RAHUL MANGROO

Konsernan *shredder*, wi sa sif ki ou'n dir mon pou war *shredder* i korek. 9.9milyon sa ti 2009, *sorry* 2019 baze lo to lesanz *back then*. *Shredder* an se moman i pa pe ganny servi, i zis annan bann *test run* ki nou fer akoz i annan en *issue* kot nou bezwen *secure* lokasyon pou met li.

Sa pe ganny finalize la e *by before* dan milye lannen, i pou tonm dan son nouvo lokasyon e la nou pou komans fer li mars parey i devret marse.

I annan tout en seri salte ki nou'n fini alinyen, akoz sa i bann salte ki separe pou nou kapab alinyen pou nou kapab fer li marse. Selman pou note

osi i son *tender* ki pe al sorti. *Be by the end of first quarter* la, *before the end of the first quarter* i annan son *tender* ki pou *operate* servis *maintenance* e sa osi i a fer ki tou keksoz i a tonm an plas.

I annan en lasirans osi ki nou'n pran *shredder* depi ler i la. Mersi.

MR DEPUTY SPEAKER

Mersi *panel*. Ou annan en *follow-up*?

MINISTER FLAVIEN JOUBERT

Thank you, Mr Chair. Mon ti a voudre zis petet met lanfaz lo de pti pwen ki'n ganny leve par Onorab. Enn se ki kot i konsern *blower* nou rekonnèt ki nou bezwen fer sorti en lareg konsernan *the use of blowers*, ou'n koz lo efikasite.

Me i osi en kestyon nwizans. Nou bezwen tonm dakor lo keler en dimoun i annan drwa servi *blowers*. E dan lepase nou'n *deal* avek bann dimoun enn lo enn me mon krwar in ariv ler e sirtou prenon kont bann demann ki'n sorti partou, partou, bann Letablisman Touristik eksetera, ki nou bezwen etabli keler pli boner nou kapab servi en *blower* aköz i annan sa problemn nwizans ki leve.

E kot i konsern *protective gear* nou rekonnèt ki i annan en problemn. Parey Mr

Mangroo in dir, i annan sa bout ki i pou ganny mete dan Kontra koman en penalti. Me osi mon krwar nou pou bezwen fer sorti en, parey en regilasyon ouswa en lareg ki ganny *applied across the board*, pou tou dimoun ki pe fer Kontra avek sa Lazans e i ganny *issue* par Lotorite.

Petet Lotorite ki responsab pou siperviz bann travay *Occupational Health* pour ki nou pa zis pran li koman en zafer LWMA. Me en zafer zeneral ki ganny aplike. Me apre pou osi petet pou azoute lo sa zafer *shredder*, enn bann retar ki'n arive se ki pour loperasyon sa masin.

E pour sa bann dimoun ki sipoze ganny swazir pou fer son mentenans, i sipoze annan en *training* osi ki sa *supplier* ki sipoze vin Sesel.

E 2021, 2020 antye sa *supplier* pa'n kapab vini, zot sorti *La France*. I pa'n posib pou zot vini pou kapab vin fer sa *training*. E alor prezan i annan sa nouvo *tender* pe ganny lanse pour okenn dimoun ouswa group ki annan kapasite.

Me tou fason nenport ki dimoun ki ganny swazir pour *operate* sa masin i pou bezwen obligatwarman pas dan sa *briefing*, *training* avek sa *supplier* avan ki i met lanmen lo sa masin. Mersi.

MR DEPUTY SPEAKER

Mersi *panel*. Ou ti'n endike ki oule,

HON SATHYA NAIDU

Wi mon ti pe zis regarde lo kote *landfill* apre ki sa rapor ki *DRDM* ti'n soumet, ki diferans i annan ozordi lo kote zesyon salte lo *landfill*?

MINISTER FLAVIEN JOUBERT

Wi, mon ava koz avek, mon ava Donn laparol apre Mr Mangroo pou li azoute me en keksoz prensipal ki annan lo sa *landfill*, enn bann, 2 problem ki ti annan lo sa *landfill* enn se dezord, lot se mankman kouvertir.

Materyo pou kouver, materyo pou kouver i reste en *challenge* ziska ozordi i ankor en *challenge* akoz ziska ozordi napa materyo pou kouver, e pli bin materyo se *coralfil*. E *coralfil* parey ou konnen i annan en gran limitasyon lo *coralfil*. I annan posibilite ki atraver bann nouvo proze ki pe vini i pou annan bann travay kirmol ki pou ganny fer.

E posibleman nou kapab ganny en pe *coralfil* atraver sa bann prosesis, me keksoz ki mon kapab dir ou se ki la bann *staff* lafason ki zot pe fonksyonnen, mon pe ganny bann kopi bann rapor, i annan en gran amelyorasyon dan lord ek sipervizyon lo *landfill*.

E sa mon krwar i kapab ede akoz nou ti annan bann problem kot keksoz ti pe ganny fer an dezord. I annan en kantite zet keksoz partou e tou sort kalite akimilasyon gos, drwat e sa in kre kondisyon ideal pou letan nou ganny problem dife.

Me ou a remarke osi poudir zour ti annan dife enn ban defayans se ki napa en *supply* delo. Mon krwar i bezwen kler pou tou dimoun se ki menm dan *Providence Industrial Estate* napa en sistenm *hydrant*. Napa en landrwa dan Providence ki annan en *hydrant*.

So si i annan en problem dife, pa zis *landfill*, en problem dife i en pe partou dan sa rezyon i annan en gro defayans. Nou keksoz ki nou ti anvi fer letan mon ti kot *LWMA* mon mazine sa demars nou a sey gete si nou kontinyen se annan en *supply* delo omwen kot nou kapab. Letan, par egzanp letan i so nou ganny bann peryod sek ki vreman long.

Ou kapab annan en *supply* delo ki'n pare la, e ki pe ponp delo sale ki ou kapab servi koman en sistenm *suppression*, si ou annan okenn difikilte. Akoz rekomandasyon, enn bann rekomandasyon se ki lo ou sit kot i annan en gro dife ou bezwen annan en serten

kapasite limite pou omwen kontrol demaraz en dife.

Apre si ou bezwen lasistans bann dimoun an deor a vin ed ou me omwen sa premye demaraz ou bezwen annan en fasilite pou kapab kontrol lime napa ni enn kot *landfill*.

I en pti dife i kapab vin en gro dife. Mon rapel sa zour swar letan mon ti vini Sanmdi swar i pa ti tro gro dife li. Me selman apre in vin en masiv dife. So i annan sa bann mezir, sirtou lo kote kontrol, met lord, aranz bann *practice* ki bezwen ganny fer, me i annan bann lezot keksoz pli avanse ki bezwen ganny fer.

E apre osi evantyeleman nou bezwen osi asize gete ki nou pe fre lo sa *landfill*.

Parey mon'n dir pli boner nou ganny en kantite dibwa ek en kantite brans ki kre en kantite volim lo sa *landfill*. Me i kre en kantite problem e nou bezwen fer sir ki sa bann dibwa pa pe antre dan *landfill*, dibwa palet eksetera, i ganny tire e si i bezwen ganny kraze, i ganny kite an deor ouswa i ganny anmennen an deor *landfill*.

E alor i annan en kantite keksoz ki nou bezwen fer, larou, avek sa masin ki nou'n koz lo la, li i kapab *shred* larou. E enn bann keksoz prensipal ki ou ti anvi fermen

avan dife malerezman dife in pase in bril tou, ti annan en *stock pile* larou ki nou ti rekonnèt i en riz dife.

E enn nou lentansyon se pas li dan sa masin, koup li an pti morso e servi li pou stabiliz bor *landfill* avek anba kouvertir disab me malerezman in ganny brile.

E alor sa i bann keksoz ki nou oule fer dan lavenir, me mo dakor avek ou. *Management landfill* Sesel fodre i improve aköz la i pa tro en *landfill* la i plito en *pile of* salte. Mersi.

DEPUTY CEO RAHUL MANGROO

Chairman. Onorab zis pou konparezon ler nou get, si nou pe koz lo separasyon salte kot *landfill the way it's disposed*, si nou al La Digue, La Digue i en legzanp tipik kot nou satisfe pli byen ki Mahe kot nou separ salte. E La Digue ou pou war son *landfill* son *life span* in *extend* en kantite. Aköz nou pe, bann *bulky waste* i ganny met en kote.

E *scrap metal* i ganny met en kote, *green waste*, *vegetation waste* i ganny met en lot kote, e sa i al dan laspe *composting* avek Linyon Estate. So nou anvi *apply* sa lo Mahe i en pe pli difisil.

I pli gran i annan plis dimoun ki antre dan *landfill* e

parler dimoun osi i pa respekte bann lenstriksyon.

So nou pe travay lo la pou nou etabli en sistenm, nou'n komanse, i pe komans marse, zis dimoun i en pe teti so ofir an mezir la nou pe komans li tar lannen pase.

E nou annan bann zour spesyal ki ouver pou serten salte zot dimoun pou bezwen konpran ki *landfill* i pa zis en landrwa ki nenport zour pou vini. Nou pou bezwen etabli lord zour ki pou vini.

E alor dimoun i bezwen responsab pou anmenn son salte byen apropriyeman ler i vini nou fasilite sa servis pou zot.

Lo kote rapor *landfill fire* nou ti ganny *meeting* ek *DRDM* e mon kontan pou anonse ki i annan serten mezir ki *short term* ki nou'n deza komans enplimante e i annan ki medium e plito lonterm.

Lo kote lonterm mon pou fer pledwari avek bann *MNAs*, akoz atraver *DRDM* avek bann departman nou pou bezwen apros zot pou nou ganny zot led petet ek proze dan bann restan keksoz. *Well*, pa restan bann materyo ki pa ganny servi dan proze danm ki manner sa i kapab fasilite nou.

Akoz nou'n idantifye serten keksoz i kapab es nou lo kote laba menm *cover material*. Be egalman i annan,

lespri i ale la, i egalman annan wi, (mon a kontinyen apre) me selman i annan plizyer laspe ki nou'n vin avek, sekirite, *camera*, wi zisteman nou'n ganny partenarya nou'n ganny koze ek *Airtel* pou etabli kont par sa *camera surveillance*.

Me selman i enportan pou note ki bann lensidan ki arive lo *landfill* i pa arive lizour i ariv aswar. So nou bezwen etabli en pi bon fason pou nou kapab annan sa sirveyans lo *landfill* aswar, prenon kont *landfill* i fernwar aswar e parler i annan, i difisil pou ou kontrol siperfisi *landfill*.

So selman i annan *improvement* ladan e nou swete keksoz i amelyore *over the coming months* pou lafen lannen boner lannen prosen. Mersi.

MR DEPUTY SPEAKER

Mersi *panel*. Mon rekonnèt Manm Elekte Plaisance.

HON RICHARD LABROSSE.

Bonn apre midi Mr Speaker. Mersi pou donn mwan laparol. Bonn apre midi Minis ek ou delegasyon e tou dimoun ki a lekout. Premyerman mon ti a kontan remerisi *LWMA* Mr Speaker pou son bann efikasite pandan bann problem ki mon rankontre dan distrik.

Sak fwa mon'n gannyen mon'n kontakte zot e zot in

reakte en pti pe vit,. E pour sa mon dir zot mersi.

So mon premye kestyon pou zot i konsern zot priyorite pou 2021 ek 2023. Mon vwar ki zot pe mazin pou elarzi bann bus, bann *bin site* me selman en keksoz ki mon'n remarke dan Plaisance i annan enn de landrwa ki zot in fer sa. Me apre osi i annan dimoun ki'n menm lev zot miray sirtou kot bann bin i obor bann lakour. Me problemm pe kontinyen se ki sa bann salte pe kontinyen tonm lo propriyete prive.

So la mon pe gete la eski zot annan zot mobilizasyon kot zot fer ban konpany edikasyonnel pour edik dimoun en pti pe plis lo bann laspe parey?

Apre mon dezyenm kestyon i konsernan i pa absoliman en kestyon ki i en sizesyon ki ler mon'n get dan sa Bidze li menm, mon'n vwar ki i annan bann Kontra sirtou bann bout Finans ki pe ganny mete parey *PS* in dir konmsi i en pti pe tro for, e la mon pe regarde eski *LWMA* avek sa nouvo fason fer, sa nouvo Gouvernman ki nou ladan nouvo Minis.

Eski zot pe mazin osi revwar vizavi bann Polisi ki annan pou fer ek netway semen sirtou dan bann sou distrik, kot la mon mazine osi lontan ou ti annan en lespri

volontarya dan bann kominote, e partou dan nou kominote.

Me nou pa konnen vreman ki'n arive avek sa, eski lo sa laliny la eski nou pe mazin osi antre ladan kekfw pou edik dimoun lo sa kote? Kekfw sa osi i ava kapab *minimize* en pe larzan kot larzan i ava kapab dan bann lezot keksoz en pti pe pli priyorite, dan bann distrik. Mersi Mr Speaker.

MR DEPUTY SPEAKER

Mersi Onorab. Minister.

MINISTER FLAVIEN JOUBERT

Mersi Mr Speaker. Mon a pas laparol avek Mr Mangroo pou li reponn pwen limero (1) e osi pwen limero (2). Mersi.

DEPUTY CEO RAHUL MANGROO

Ok Mr Chair. Onorab mersi pou ou bon parol, nou touzour *welcome* lapros travay ansanm pou ede apros en problemm. *Educational campaigns* pou adres bann *issues illegal dumping* egalman bann sanzman dan latitid i reste en defi, pou nou me selman pttapti nou pe travay lo *reach out* avek manm piblik.

Nou annan nou *hotline*, nou annan nou *Facebook Page* nou anvi dimoun i angaz zot e nou ganny bokou dimoun ki'n

like nou *page* e zot mem *call* ler i annan bann lensidan sirtou bann lensidan kot en dimoun i bin i zet salte obor en bon en *pickup* antye i *tip* salte kot en bin.

Petet ki nou bezwen fer se nou bezwen *advertise* sa en pti pe plis. E nou bezwen serten detay pou met en *case* pli devan laspe legal. E ler zot donn nou lenformasyon parler i napa limerou transpor ou tann kouler ou tann en pti *pickup*, selman i annan bann laspe koumsa nou a travay avek Departman Lanvironnman osi pou nou kapab fer sa la pli devan.

So sa i en keksoz ki nou'n komanse e lo kote *promoting voluntarism* sa pou ede ki nou Bidze i pa kontinyelman monte. Wi sa i en konsern, e nou'n met sa devan Minister Finans e se pour sela ki mon konnen ki sa legzersis pou revwar en pe sa laspe Kontra menm donn Kontra *Outsourcing of Cleaning* in antre ladan.

Akoz nou war ki tou dimoun i anvi sa selman ki ganny fer atraver diferan *means*, swa i *SLTA* swa i *MLUH*, swa district kapab en pti proze. Nou, nou bezwen antre pou al netwaye prezan finalman sa responsabilite i sorti lo zabitan i vin ver Gouvernman e la prezan i vin en kou dan Bidze.

So nou pa pou kapab kontinyen fer li lo sa laspe e mon mazine sa legzersis ki Minister Finans pou ganny fer i pou donn bann *outcomes* ki pou fer ki sa pou dousman, dousman nou retournen.

E i mazine i bezwen annan en laspe ledikasyon osi ki i vin avek pou nou fer dimoun be fer ou bout ede adres keksoz lo ou kote lo ou nivo, Gouvernman li i petet i deside *pull back*, e fer serten semen ki pli esansyel. Me selman sa i en keksoz ki nou osi nou konsernen avek. Mersi.

MR DEPUTY SPEAKER

Mersi *panel*. Mon rekonnèt Manm Elekte pou Distrik Baie Lazare.

HON FRANCOIS ADELAIDE

Mersi Mr Chair. Bonn apre midi. Mon osi parey mon koleg in dir Baie Lazare in vin en distrik ki'n komans ase prop. So mersi bokou *LWMA*. Esperon ki nou kit sa partenarya dan nou travay.

So mwan mon annan zis en pti kestyon Minis petet pou *panel*. Nou pli gro problem le mon pe gete i ant sa rol *LWMA* avek *SLTA in regards to* petet bann zafer rigol ouswa bann kanpes ki pouse e ou pa konnen lekel ki fer lekel e ler ou demande.

So keksoz i tarde e dimoun i, sa i ede pou kre fristrasyon. So mon ti a kontan petet parler adrese eski i annan travay ki zot pe fer ek *SLTA* pour ki nou konnen lekel vreman sa Departman ki *take up* sa e ki nou kapab netway nou distrik e kit li byen prop? Mersi.

MR DEPUTY SPEAKER

Mersi Onorab.

MINISTER FLAVIEN JOUBERT

Mersi Mr Chair. Mersi Onorab pou ou keston. Mon krwar ki i tre enportan. Mon ti'n lev sa boner letan nou ti pe koz lo lanvironnman. I annan en diskisyon la mon la dan Lasanble, me sa diskisyon tim deza programen pou sa semenn pou nou ganny en diskisyon an detay avek *SLTA*.

I annan en seri *item* ki nou bezwen tonm dakor lo la e nou oule ki nou osi letan nou ganny sa diskisyon Minister Finans i prezan akou nou pou bezwen tir sa bann bout Bidze ki dan lezot Bidze diferan lorganizasyon.

E met li en sel landrwa kot sa enn ki responsab i annan sa size vezetasyon par lao semen, louvertir bann dren, tir disab lo semen letan i monte avek gro mare, *drains* parey ou pe dir Onorab.

E serten lezot keksoz ki nou annan en kantite konfizyon ki leve ant *SLTA*, *LWMA* ek distrik.

E sa nou bezwen tonm dakor lo la, alor mwan pour mon i enn mon bann target pou sa mwan pou nou kapab fini ganny sa diskisyon e agree enn fwa pour tou kwa ki ganny fer, lekel ki fer e en fason ki nou annan en sel dimoun ki letan nou annan en problem ki nou kapab *call* sa dimoun.

E ou konnen ki sa dimoun i responsab sa Lazans i responsab sa travay e mon krwar i en keksoz ase senp petet lo kote Bidze kantmenm pa tro fasil me selman nou bezwen adapte nou ava bezwen rod en fason pou nou fer li.

Alor mwan mon pou deklar avek ou ki mon ekspekte ki sa legzersis i kapab konplete avan lafen Mars sa lannen ki nou ava kapab tonm dakor lo lekel ki pou responsab sak sa bann *item*. Mersi.

MR DEPUTY SPEAKER

Mersi *panel*. Mon rekonnnet Manm Elekte pou Distrik Anse Royale.

HON SYLVANNE LEMIEL

Mersi Mr Chair. Bonn apre midi Minis avek ou delegasyon. Mon selman keston mwan osi ti pou al

dan menm laliny avek pou Onorab Sathya. Kot mon ti annan *query about sa industrial shredder and crusher* ki depi 2019 zot in fer vini.

Me selman mwan mon konsern la Minister i se ki menm avan sa masin i vini zot ti'n deza prevwar zot. Konmsi akoz zot pa ti fini war son lokasyon kote pou mete, prepare ki ozordi la disi nou pe al ganny 2an, ki i ti a konmans fini vin dan laplikasyon.

Petet mon pe mazine ki difikilte ki zot in gannyen pou zot kapab war sa lokasyon pou zot enstal sa masin. Akoz *by then*, la si i pe asize preski 2an taler ou pa konnen koman ou komans servi i komans kase. So mon ti a kontan ganny de pti lesplikasyon, (les mon demann mon kestyon silvouple)

Kot i konsern *landfill* Anse Royale, mon ti a kontan konnen si akoz toultan nou'n koz lo la, *fencing*, ki zistans in arive sa zafer *fencing*, avek *landfill* Anse Royale? E apre mon pou sezi sa loportinite osi pou mon kapab demann zot pou fer en leklersisman ek zabitan distrik.

Sa *landfill* aparaman mon ti a kontan si i annan e lease *agreement* avek sa nouvo lakonpanyen ki pe al zer li e apre donn enn pti pe leksplikasyon bann zabitan en

pti pe ki pe fer la, in pase program lo televizyon e pa tou dimoun ki'n war.

So la dan sa letan nou ti a kontan bann dimoun i konnen egzakteman i pe fer parske i annan i pase i dir be ki pe fer la, en lot dimoun in vin reste la ankor?

So nou konnen pa en lot dimoun ki'n vin reste i zot pe resikle bann boutey an glas, sonn en pti pe plis detay si i annan okenn sonm larzan zot pe anmase avek sa bann dimoun ki pe fer sa bann biznes la si vi, konbyen par mwan? En pti pe detay dan sa laliny. Mersi Mr Chair.

MR DEPUTY SPEAKER

Mersi Onorab. Minister.

MINISTER FLAVIEN JOUBERT

Mersi Mr Chair. Mersi Onorab pou ou bann kestyon. Kot i konsern sa *shredder* akoz nou pa'n ganny landrwa pou met li? Mon krwar ou okouran i nou annan bann demars avek *Star Seychelles* pou li kit sa *site*.

E se apre ki sa bann demars pe fini la aktyelman e i annan en landrwa ki'n ganny idantifye finalman. E *Star Seychelles* i dan proses pou li bouze pou li sorti lo site e prezan pou li *release* sa bann landrwa pou nou kapab servi.

Sa i enn bann rezon prensipal akoz.

I pa en kestyon nou ti pe rod en landrwa li i en kestyon nou ti pe esper keksoz fini pou nou kapab pran sa lespas pou nou servi.

Me selman ou'n lev en pwen lo sa mazin sa kantite letan ki i la e pangar i a kase letan nou met li *on*. Nou annan en laranzman avek en konpanyen lokal ki tou le mwan i fer *checks* lo la, i teste li e i *run* li. Alor nou pe asire ki sa masin i pa degrade lo don fonksyonman e ki tou son bann keksoz i rete annord e i annan benn rikord ki ganny garde i ganny teste.

Me Anse Royale *Fencing* mon krwar ki Mr Mangroo i a klasifye, me selman avek sa kontrakter ki pe fer sa *glass project*, dan laranzman pou fer sa *glass project*. Gouvernman i sipoze donn sa dimoun en landrwa pou li fre sa proze. Alor i pa'n enstal en biznes la pou li pey en *lease* avek Gouvernman.

Me Gouvernman in dir li nou'n siny en lagreman servi sa lespas ou annan ou bann drwa, letan nou dan sa lespas me son prezans i zis pou fer sa proze *glass* e napa lezot proze ki i sipoze pe fer la.

E dan son lagreman i sipoze annan en lespas anler lo *landfill* pou li okipe pou met son lekipman apre i annan en

bout sa batiman anba ki i sipoze servi koman en lofis se tou.

E apre son *utilities* i pey li menm, son delo ek son elektrik i pey li menm e i osi kontribye dan sekirite site akoz prensipalman se li ki annan materyo pli valer la dan sa landrwa akoz zon lekipman i la.

Alor i annan, i tout en laranzman e sa konpanyen i la pou li kraz sa bann boutey me selman i sa *landfill* pa sipoze akimil sa bann boutey kraze en.

Avek letan sa bann boutey an mezir i ganny kraze i sipoze ganny tire pou al ganny servi dan lezot landrwa.

I pa pe sipoze pe akimil boutey la, byensir lo televizyon nou ti war en ta boutey kraze me sa bann boutey letan i ganny kraze i sipoze ganny tire e a ganny servi dan lezot landrwa.

Par egzanp i annan dimoun ki oule met dan beton, i annan ki oule servi pou fonksyon eksetera, eksetera dan konstriksyon.

E alor sa laranzman i la e mon oule reasir ou Onorab ki sa loperasyon dan li menm, i pa pe kre en risk akoz se zis boutey ver ki nou pe *deal* avek. E napa en risk ki pou kre en delo sal en polisyon en keksoz parey. So se sa ki pe arive lo *landfill* Anse Royale.

MR DEPUTY SPEAKER

Mr Mangroo.

DEPUTY CEO RAHUL MANGROO

Mr Chair. Onorab konsernan *fencing* nou ti'n mete dan nou Bidze me malerezman nou pa'n ganny sa larzan anba prensip ti annan en *case of* prioritiz ant Praslin avek Mahe e Praslin in gannyen selman sa ki enportan pou note se ki avek sa kontrakter ki pe fer *glass crushing* i annan sa laspe PPP.

E nou war ki par egzanp renovasyon sa batiman in antre ladan e nou pa'n i pa'n kout nou e nou an diskisyon ek li pou nou gete ki nou kapab, i annan sa *security service* ki mor antye lo li pa sorti dan son Bidze.

So nou pe gete si nou kapab eksplor en pti pe plis e nou swete petet sa *fencing* i kapab ante ladan nou bezwen al negosye ak li gete ki manner i ete selman i en keksoz ki nou pa'n ganny larzan pou li sa lannen lo kote. Se tou mersi.

MR DEPUTY SPEAKER

Ou annan klarifikasyon Onorab?

HON SYLVANNE LEMIEL

Thank you, Mr Chair. *What about maintenance of grounds,*

koup zerb, bann keksoz koumsa i tonm lo sa dimoun ki pe soz sa landrwa? Mersi.

MR DEPUTY SPEAKER

Mr Mangroo.

DEPUTY CEO RAHUL MANGROO

Onorab zis mon bliye enformen *the ground is not, compound* li menm i reste Leta, propriyete Leta. Sa dimoun i fer *grass crushing* i annan en bout ki i *occupy* lo la sa landrwa i *still* anba nou sipervizyon nou *still access* li.

E nou annan en bout lofis ladan e nou annan en kontrakter. E sa menm kontrakter ki la ki koman en *offer* depi lontan ziska ler *tender* i sorti i okip son *grounds*. Wi pou zis fer sir i la.

MR DEPUTY SPEAKER

Mersi *panel*. Mon rekonnèt Manm Elekte Anse Boileau.

HON PHILLIP ARISSOL

Mersi Mr Chair. Bonn apre midi tou dimoun. Minis dan Bidze *LWMA programme 2* "waste management services" mon war ki i annan larzan ki'n ganny bidzete pou Kontra netway lans, semen, *bin site, bus shelter*. E parey mon'n deza fer remark,e sa morso later ant lans avek semen pa ganny netwaye ditou li.

Mon konnen poudir napa larzan, me solman sa landrwa i sal e i atrakte bokou vermin. Eski ou Minister i kapab konsider ouver sa seksyon e donn Kontra bann dimoun ki enterese pou netway sa morso later? Sa a kree lanplwa pou bann ki enterese.

Aprè Minis mon war i itilizasyon *blower* par bann kontrakter in vin en konsern akoz salte i blok bann drenaz, eski LWMA pe mazin adres sa sityasyon? Mersi.

MINISTER FLAVIEN JOUBERT

Mersi Mr Chair. Mersi Onorab pou ou kestyon, kot i konsern bann zafer Kontra anba *program 2* mon ava les Mr Mangroo entervenir, me ou'n demann mon eski i dan lentansyon Minister ek LWMA pou adres sa kestyon *blower*?

Mon krwar ki nou bezwen tonm dakor ki in ariv ler pou nou adres sa kestyon *blower*. Pa pou limit liberte bann dimoun pou servi zot lekipman. Me pour asire ki *blower* pa koz en lenkonvenyans ek en nwizans dan pei an zeneral. I annan posibilite anba Lalwa pou nou entrodwir serten mezir.

Nou pa oule fer li bann mezir ki sever, akoz nou konnen ki dimoun i bezwen travay. Me selman nou bezwen fer ki nwizans avek

blower i ganny redwir ki tou dimoun i kapab koegziste diferan lentere i kapab viv san ki zot ganny *disturb* enn par lot.

Alor i nou lentansyon pou nou fer keksoz lo kote *blower*. Me selman sa ki ou'n dir se ki *blower* pa netway prop. Sa i en kestyon kondisyon Kontra sa i en kestyon lafason ki ou egzekit Kontra e sa i pou bezwen ganny adrese atraver bann Kontra zot menm ki LWMA i fer sorti e bann lenstriksyon ki i donn bann kontrakter lo lafason ki zot pou fer sot Kontra. Mersi.

MR DEPUTY SPEAKER

Mr Mangroo.

DEPUTY CEO RAHUL MANGROO

Mr Chair. Onorab konsernan sa *buffer between* lans, *high water mark*, vezetasyon en pti pe obor lans ek semen zis pou reasir ou ek tou bann Manm Onorab laplipar landrwa kot semen, lo lakot nou pe koze la i balizaz ek lans, i ganny netwaye.

Be selman dan bann *buffer area* si i etrwat i ganny for *littering* akoz nou pa pou al koupaye akoz i en, zisteman i protez lakot. Be selman nou konpran ki i annan serten landrwa parey dan ou distrik osi i annan en bon grander

bout e petet nou bezwen get sa *on a case-by-case*, i *case specific*.

So ki mon ava fer mon ava antre an konsiltasyon avek ou *DA* ek ou lofis, pou nou kapab idantifye sa bann landrwa e lezot landrwa osi akoz i kapab i ganny kouver anba nouvo Kontra. Petet akoz i pa ankor sorti ki ou war sa i leka.

Me selman nou ava get li *case-by-case* akoz i annan *buffer* i etrwat, i annan ou kapab sot lo la, i annan i en bon zistans i annan i en propriyete prive. So nou bezwen veye osi en pti pe.

MR DEPUTY SPEAKER

Mersi *panel*. Minister oule azout en keksoz?

MINISTER FLAVIEN JOUBERT

Wi Mr Chair. Mon ti a kontan azout en, petet zis dir en pti mo la, petet zis en pti mo kosyon lo sa size donn Kontra e kre lanplwa pou bann dimoun dan distrik. Mon krwar *PS Thesee* in eksplike poudir nou bezwen fer en revi, e nou bezwen get ki mannyer nou pe ogmant la kantite Kontra.

Petet i en moman pou nou reflexir e met en poz lo nouvo Kontra ziska ler nou kapab vreman ganny en bon nide kwa ki posib anba sa

bann Bidze ki nou annan lo kote Gouvernman avan ki nou fer lezot desizyon lo la. Mersi.

MR DEPUTY SPEAKER

Mersi *panel*. Mon rekonnèt Manm Elekte pou Anse Etoile.

HON GEORGE ROMAIN

Mersi Mr Chair. Bonn apre midi Minis ankor ek ou lekip. Sa ki mon'n anvi koz lo la in tous en pti pe me selman an vi mon pe koz pou Anse Etoile byensir mon bezwen fer bann dimoun ki pe ekoute konnen ki nou pe, mon'n anvi sey sort zot problem.

Mon'n ganny plizyer fwa dan Anse Etoile anvi ki i en gran distrik e i annan en ta sou distrik ki bann bin pa ganny tire kan ler pou tire.

Prezan ki arive la bann bin pa'n ganny tire byensir lezot salte le i ganny vini ankor i ganny met lo la, prezan byensir lisyen eran i pase i tir sa bann salte i al avek, apre byensir bann lezot keksoz parey lera parey nou ti pe koz lo la pli boner.

Apre anvi ki mon'n tann Onorab Esparon in fer resorti ler nou pe koz resikle. Mon krwar sa ti pou en vreman bon nide akoz ler ou regarde bokou dimoun konmela, i annan enn de dimoun ki fouy dan bin, i pa byen.

Me selman ou war zot pe fouy damn bin pe tir tou bann

sak zot zet ater, zot pe rod bann boutey kekwfa bann *pet* bann keksoz koumsa.

Me si ou ti annan en bin ki demarke konmkwa sa bann keksoz ou kapab zet ladan si sa dimoun i pe vin fouy dan bin, i konnen ki bin i vin fouy ladan i al direk lo son bin i pran son bann *pet*. Alor mon ti a kontan ganny pwennvi Minis lo sa enn.

Aprè yer mon'n tann Minis koz lo i pa ti tro asire lekel ki tir disab lo semen, espesyalman bann lakot ki en pe pre ek delo sale. North East Point i enn ki annan en bon pe disab lo semen, alors mon pe regarde si i tonm kot *LWMA* ki fer sa tir disab lo semen e konbyen fwa kekwfa par ler ki zot tire aköz North East Point lo semen i annan *quite* en bon pe disab e sa i a kapab koz aksidan.

E apre dernyen, parey bann pti kontrakter ki netway semen, nou konnen partou dan sou distrik nou war zot, i annan ki pe vremen fer en bon louvraz. Be i annan en keksoz ki mon'n tande ki parey Onorab Naidu in dir lo kote lasirans, mon krwar ki Minis in tous en pti pe lo la.

Mwan mon krwar si sa ban pti kontrakter zot pa pran en lasirans aköz parey letan zot pe koup zerb zot kapab kas en *windscreen*, zot kapab andomaz enn de, aksidan i

kapab arive, mon pa krwar si zot pe merit ganny sa louvraz, mwan pour mwan.

Akoz si i arive ou *windscreen* i kase ki bor ou pou ale? E si ou loto pa lo *comprehensive* byensir mon krwar ou pou bezwen pey ou vit ou menm. So alors mon ti a kontan ganny pwennvi *CEO* ankor lo la. Mersi.

MR DEPUTY SPEAKER

Mersi Onorab. Minister.

MINISTER FLAVIEN JOUBERT

Mersi Mr Chair mon pou pran 2 pwen apre mon pou pas laparol avek Mr Mangroo. Disab lo semen mon'n koz lo la pli boner. I annan en diskisyon ki nou pe demare avek *SLTA*, ek osi lezot dimoun pou nou kapab ansanm ek Finans, pou nou tonm dakor lekel ki pou responsab e dan sa lalis Onorab ki mon'n koz lo la pou nou adrese i enkli lekel ki tir disab lo semen.

Disab letan i en pti got lo semen sa kontrakter ki fer son travay toulezour, me si i en looperasyon mazer part egzant letan ou pou bezwen anploy adisyonnèl travayer. oOu bezwen annan *excavator* pou vin tire parey, la nou bezwen konnen lekel ki responsab.

Resiklaz ek bann dimoun ki pa re, ki partisip dan resiklaz. Onorab mon krwar i

byen sa ki ou'n note. Akoz mon krwar i enportan sa ki ou'n note akoz mon krwar nou bezwen rekonnèt dan pei menm si nou pran serten dimoun pou en lot, nou get zot en lot fason, sa bann dimoun menm si nou pe dir zot pe fou dan bin i pa byen, i enportan pou nou rekonnèt ki zot pe partisip dan en sistenm e zot pe ede fer sa sistenm avanse.

Letan ou get la kantite *pet* ki ganny anmennen dan bann *Redeem Centres*, en bon pe sa ban *pet* ki pe ganny anmennen se bann dimoun ki pe fer sa bann travay enformel. E nou bezwen mazine ki mannyer nou pou ankadre zot.

Nou pa kapab zis pous zot de kote me nou bezwen mazine ki mannyer nou ankadre s bann dimoun e parey Mr Mangroo ti leve pli boner enn bann defayans dan nou sistenm se ki nou bann pwen koleksyon resiklaz i ler avek piblik.

Me si nou ankadre sa bann dimoun, eski i pa pou anmenn ou bann landrwa kot nou kapab servi bann materyo resiklaz ouswa bann dimoun i kapab menm pas kot ou lakour pou vin sers sa bann prodwi.

Petet i en fason ki nou kapab travay avek zot, vwar lekel ki pe fer, organize e fer ki sa bann dimoun zot zwe en

gran rol dan sa sistenm resiklaz.

E olye ki nou pe mazin bann *Scheme*, bann keksoz avanse konplike, teknolozi petet nou kapab servi sa bann dimoun pe deza pe fere sa bann aktivite, organiz zot e fre zot fer en pli bon travay.

Alor mon krwar i annan serten posibilite la. Me selman mon krwar ki mon pou tonm dakor avek ou ki nou bezwen met osi adisyonnèl bin pou lezot materyo resiklaz dan bann landrwa.

I annan en bann bin ki mon konnen Minister ti'n deza pe komans met, pe fer laranzman pou aste, bann bin ki annan zis en trou i napa en posibilite pou met en sak salte ladan, nou kapab met boutey ouswa *can* ouswa en keksoz pti, pti ladan.

E sa i kapab fasilite nou lavi e ede ki nou annan en landrwa pou depoz sa bann keksoz akoz i annan bokou dimoun konmela pe demande ki zot pou fer avek, me napa en landrwa.

Alor i annan en serten bon ki pe vini, ki a kapab ganny mete dan bann diferan landrwa me osi nou bezwen edik nou bann dimoun, letan ou met en bin pou en kalite salte ou pa ranpli li avek en lot.

I annan en serten landrwa kot i met en bin par

egzanp nou annan serten landrwa nou met *skip* e nou ti met *skip* zis pou nou dir bann dimoun e nou ti anvoy lanons tou nou dir ek dimoun ki met ou bann *bulky waste* ladan akouz nou pa oule ki bokou *waste* i ganny akimile obor *bin site*.

Me ou fridge, ou *cooker* e ban keksoz en pe gro. E finalman nou'n komans santi bann loder ki komans sorti en pe dan sid, i pa sipoze annan loder i annan en *fridge* ladan.

Alor i devret nou dimoun i devret konpran poudir letan nou'n dir fer en keksoz en fason, ed nou pou nou fer sa, pou nou fer keksoz marse. Mersi Onorab. Mon a pas laparol ek Mr Mangroo.

DEPUTY CEO RAHUL MANGROO

Onorab konsernan ou distrik mon agree, wi mon aksepte e i en fe ki ou distrik i annan en *high population density*.

Annefe tou bann distrik ki dan ou ka parey Anse Etoile oubyen menm dan larezyon Mont Buxton, en pti pe dan St Louis, en pti pe dan Mont Fleuri, Plaisance kot i annan *population density* li osi i bokou. Nou tir bin nou kapab tir bin en tel ler, me 2erdtan apre in fini plen.

So dan ka Anse Etoile, bin i ganny tire 3er bomaten,

4er bomaten e in fini plen *by* 10er.

So atraver sa legzersis ki Onorab Takamaka in dir pou nou kapab revwar valer sa kontra, e egalman nou zis nou'n fer sa legzersis *internally* atraver en volonter sorti *La Reunion* konsernan kote bann lakaz *population density versus* kote bin i pase, si i sifi sa kantite bin pou deservi la popilasyon.

Nou'n war i annan pa mal landrwa ki i napa ase , e nou agree lo la be solman nou bezwen travay ek distrik pou nou get ki mannyer nou kapab amelyor sa, e se pour sela i lo nou *strategic plan*.

Be selman wi e se pour sela ki nou pe mazin sa nide e nou a gete ki mannyer nou Bidze i kapab siport li pou nou kapab serten landrwa nou pas en dezyenm serten *bin site*, pa al distrik antye. Me serten *bin site* nou bezwen pas en dezyenm fwa pou tire dan apre midi petet. Mersi.

Insurance cover dan nouvo Kontra, tou kontrakter i bezwen pran *insurance cover* zot oblize ki bann e bann ki la aktyelman zot konnen nou ankouraz zot.

Me selman anba le moman nouvo Kontra i *kick-in* tou dimoun i pou bezwen annan en *insurance cover* ki petet nou lazans nou bezwen travay avek sa bann

kontrakter se ki, ki mannyer nou, nou *step-in* ler i ariv en lensidan.

E sa kontrakter i refize, akoz i afekte son *premium* eksetera ou konpran. E la ki mannyer menm sirman i annan tor me, so nou pou bezwen petet *step in* pou nou etabli fason fer e la mon mazine i pou adres sa bann problemn egalman bann *PPEs* osi. Mersi.

MR DEPUTY SPEAKER

Minister.

MINISTER FLAVIEN JOUBERT

Thank you, Mr Chair. Mon pou zis azout en pti keksoz la ki mon krwar i relevan pou sa diskisyon ki'n ganny fer kot i konsern bin. Ti annan en prezantasyon ki mwan menm mon ti fer ek en lot dimoun avek bann *DAs* an 2020, kot nou ti pe eksplik zot en pe bann defayans lo kote bin dan sa distrik, parey Deputy in eksplike.

Bann konsantrasyon popilasyon ek pozisyon bann bin ek bann landrwa kot i manke. E mon krwar in en keksoz ki petet mon pou lans en lapel avek bann *MNAs* la, dan nou bann distrik nou bezwen fer sir ki i annan sa langazman anver bann bezwen nou bann zabitan. Pour ki letan nou ganny

diskisyon petet nou kapab pous en pe pou nou kapab ganny rezourd serten problemn.

Mon'n fer diskisyon ek bann *DAs* be ziska konmela nou pa'n ganny okenn *feedback from* okenn *DA* poudir, be mon'n rekonnet poudir dan mon distrik i annan en mank 40poursan, i annan distrik ki ariv pres, plis ki 40poursan par anba sa ki sipoze annan lo kote kantite bin e pozisyonnman bin dapre son bann popilasyon.

Me nou pa'n ganny okenn *feedback* poudir be ti a bon dan mon distrik out le lannen ou fer 'x' kantite *bin sites* ouswa ou met sa kantite bin. E nou, nou ti a kontan ki i annan sa langazman ki prezan nou kapab lans nou dan en seri proze, pou nou vremen rezourd problemn bin dan distrik.

Akoz nou bezwen rekonnet ki nou pou koz lo diferan keksoz otour salte, me son bout pli vizib se sa ta salte obor semen kot sa *bin site*.

E nou bezwen adres sa an premye, nou bezwen fer sir ki i annan ase bin i annan ase fasilite, e i annan en bin servis ki pe tir salte dapre bann separasyon byensir ek bann lot mezir.

Me ki sa salte pa pe akimile la pou kre en problemn dan lanvironnman

parey Onorab Loizeau in dir nou pe kre lera akimile dan bann ken semen e pe afekte tou dimoun.

Alor mon krwar i enportan ki petet la nou reganny sa langazman ek tou distrik, sak distrik i ganny en formen lo son bann defayans. E nou tonm dakor lo kwa ki nou bezwen fer koman bann gran proze dan nou distrik pou nou vreman rezourd enn fwa pour tou bann problem mazer ki nou pe gannyen lo kote akimilasyon salte. Mersi.

MR DEPUTY SPEAKER

Mersi *panel*. Mon rekonnèt Manm Elekte Distrik Anse Aux Pinx.

HON CLIFFORD ANDRE

Mersi Mr Chair. Mr Chair mon konnen ler pe kit nou me i enportan aköz netwayaz semen e lapropte i lakle. E i osi premye fwa mon mazine ki dan Lasanble i annan en ansyen Minis ki en Manm Lasanble e i annan en Minis ki ti travay avek sa ansyen Minis ki konmela i en Manm Lasanble.

Savedir nou pe montre linefikasite lansyen me lefikasite ozordi. So mon konnen mon koleg i pran sa pozitivman, aköz mon'n diskit ek li sa ki mon pe dir so Onorab Cosgrow i ti ansyen Minis li, pa avek move

lentansyon Mr Chair me avek bon lentansyon.

Mon'n dir li parey Speaker ou bezwen dir li letan ou pe al dir en, letan ou pe anmenn en pwen devan en *matter of privilege*. So mon'n servi sa menm sistenm avek mon koleg. E mon mazine in apresye sa, e si dan le fitir i annan sa ti a bon nou diskit ek kanmarad.

Mr Chair mon oule dir ki mon dezapwente avek netwayaz dan distrik Anse Aux Pix e mon bann zabitan i dezapwente. E parler ou ganny sa bann *calls* kot i dir ou sityasyon ki letan ou gete ou menm ou war poudir vre. Mon konnen nou'n koz lo sipervizyon e i annan larzan pou fer travay ki bann supervisor i sipoze fer.

Me selman i annan landrwa kot bann dimoun i travay e zot pran salte zot met anba semen, e anba semen delo i sipoze pase li.

Letan lapli i tonbe prezan delo i monte i kre en lot sityasyon delo konmsi i sorti lo salte i vin lo delo, zanmen ou fini ek problem.

Mwan ti a kontan ki zot fer sipervizyon pli efikas, pour ki sa bann dimoun letan i fer zot netwayaz i pran sa bann salte swa i al brile, swa i depoz li dan en landrwa ki pa pou koz en difikilte pou dimoun apre. Sa i premye.

Dezyenm se letan mon analiz lo semen, Minis mon konnen ou pas Anse Aux Pins pou al La Pointe Larue, e nou kontan pou akey ou toulezour letan ou pe al travay letan ou vini sorti travay.

Letan nou pas La Pointe Larue par lao katyolo semen i en problem. Mon mazine si mon pa'n ganny sa eskiz mwan, me mon pa konnen si *Land Transport* mon'n tann ou dir zot annan diskisyon avek *Land Transport*, be nou krwar sa i bann keksoz ki nou bezwen adrese pli vit posibil?

Akoz i koz bokou problem pou bann transpor ki pe servi sa bann semen. E annandler i koz aksidan osi aköz ler nou pe say brans ki dan semen e i ariv difikilte nou pa kapab sirkile.

So sa i dezyenm ki nou bezwen gete apre letan mon pe get bann detay ki nou'n ganny donner Minister avek *CEO*, nou war i annan dan '*minor capital outlay*' i annan '*construction of wall*', R800mil apre i osi annan ankor en '*construction of work*' dan '*building infrastructure*' ki li son valer i R400mil.

Mon ti a kontan konnen si zot dan biznes fer miray, oubyen si miray pe ganny fer for *what purpose* i pe ganny fer e kote? E eski Minis pa ti ava konsidere?

Mon konnen i en keksoz en pe delika la, dan sa klima ki nou ladan. Konmsi pou fer dimoun fer en pti kontribisyon, pti kontribisyon. Mwan mon pa *mind* si mon bezwen pey R100 tou le mwan pour *refuge collection* aköz nou tou nou met nou salte dan bin ki swa ou piti i al dan lekol prive, ki swa ou piti i al dan lekol Gouvernman. Me nou met salte dan menm bin. Napa *private* bin avek *public bin*.

So mon konnen la kefwà nou dan en sityasyon delika, alors dan le fitir letan keksoz in amelyore, eski Minister ti a konsider sansibiliz dimoun pour ki nou kapab ede nou osi fer en kontribisyon, pou kapab tir salte kot nou. E sa osi ti ava fer ki dimoun zot ava, zot ava depoz salte en pti pe pli byen aköz zot konnen ki zot pe fer en pti kontribisyon pou sa salte ganny anmase. Mersi.

MR DEPUTY SPEAKER

Mersi Onorab. Minister.

MINISTER FLAVIEN JOUBERT

Mersi Mr Chair mersi Onorab ou bann pwen ki vreman enportan. Ou dezapwentman avek netwayaz dan Anse Aux Pins, nou ava fer laranzman avek *LWMA* pou get bann landrwa ki pe ganny mal

netwaye pour ki sa standar i ganny mentenir.

E mon pou napa en larepons pou ou la, selman i zis en kestyon konnen kwa ki ou problem ki ou annan e rezourd.

Katyolo osi parey nou annan diskisyon me i osi mon krwar i en keksoz ki kapab ganny fer e vit, pou asire ki nou napa sa bann lenkonvenyans.

Construction of walls mon pou demann FC pou koz lo la. Me kontribisyon pou kestyon salte mon krwar ou korek si nou ganny *backing* Lasanble. E i enportan aki nou ganny *backing* Lasanble osi, mon krwar i enn bann direksyon ki nou devret pe pran aköz nou bezwen ariv lo en pwen kot dimoun i santi ki sa servis i a zis en keksoz *free* ki pe ganny donner par Gouvernman, ki li i kapab abize nenport koman.

Me i en keksoz ki li i pe depanse pour fer marse e ki an vi ki li i pe depanse i bezwen pran ka avek pou asire ki i pa kase ouswa i pa ogmante dan son kou.

Me mon krwar i enn bann keksoz ki nou devret pe mazin lo la e mon konnen ki i annan serten demars dan lepase lo kote bann *bill* delo par egzantp ti annan bann kontribisyon ki ti ganny fer.

Me nou bezwen tonm dakor lo ki kantite eski fason nou sarz sa. Me nou bezwen evantyelman ki nou piblik i santi ki poudir koleksyon salte i pa en kestyon en zafer ki zis pe ganny donner pou naryen e ou kapab fer nenport koman ki ou anvi avek.

So mon krwar i enpotan sa pwen. E i enn bann refleksyon i devret ganny anmennen an mezir ki nou bouz devan avek nou amelyorasyon lo sistenm dan pei. Mersi.

MR DEPUTY SPEAKER

Mersi panel. FC i annan keksoz pou kontribye?

FC MS KARINE CASSIME

Mersi Mr Chair. Mersi Onorab pou ou kestyon. Zis pou klarifye wi i annan en larzan ki ganny mete anba *construction of walls* ki R800mil. Me selman sa zis i ti en *mistake* i sipoze ganny konsidere koman PSIP, sanmenm sa ki annan sa R400mil i sipoze sorti anba Bidze e tonm anba PSIP ki ganny kontrole par Minister Finans. Zot ki ler sa bann peyman i ganny fer zot ki *execute*.

Sa R800mil i pa vreman dan nou Bidze zis sa 400mil. Zot in fini fer koreksyon, *oh yes sorry*, i pa *construction of walls* like miray me *basically* sa *fence landfill*. Sa, sa

kategori vot ki zot in met ladan, napa en lot non, zot in apel li '*construction of walls*.
'Mersi.

MR DEPUTY SPEAKER

Mersi *panel*. ou annan en klarifikasyon Onorab?
Proceed.

HON CLIFFORD ANDRE

Mersi Mr Chair. So si mon ganny klarifikasyon byen, akoz dan sa detay ki nou a an i annan 800 apre i annan 400. Savedir la i nepli 800 i pe zis 400. Savedir nou pou vot lo R800mil oubyen R400 an mwens si mon pe ganny li byen Mr Chair?

Akoz letan nou vote, nou vot sa gro sonm, me selman dan sa gro sonm i paret mwan i annan en R400mil an mwens. Kekfwa *PS Thesee* i kapab eksplik nou akoz nou bezwen kler ki nou pe fer. Si in ganny rektifye i bezwen re elekte lo sa sonm ki nou pe vote. So i pou bezwen R400mil an mwens si mon ganny li kler. Mersi.

MR DEPUTY SPEAKER

Mersi Onorab. Lekel lo *panel* ki pou eklersi sa pwen?
Minister.

MINISTER FLAVIEN JOUBERT

Mr Chair i byen ki Onorab in lev sa pwen i fer nou realize ki

nou pou annan aktyelman provizyon pou 2 proze *fence* finalman. Akoz nou ti pe prevwar 2 proze *fence*. Me mon krwar Mr Mangroo pou dir ou ki poudir i pou annan zis enn sa enn ki abitye pou ganny fer.

Akoz ti annan 2 proze, ti annan enn Anse Royale ek enn Amitie, me aparaman nou ti pe prezimen ki ti pou annan zis sa enn Amitie ki pou ganny fer. Me is annan en lot sonm ki pou kouver Anse Royale osi parey Onorab Lemiel ti pe demande ki nou ti pe dir li poudir ki napa.

Me finalman i pou annan pou tou lede proze. Mersi.

MR DEPUTY SPEAKER

Ok. Mersi *panel*. savedir Onorab Andre i kler pou ou prezan? *Ok, Very good*. Nou *proceed*, mon rekonnnet Manm Elekte pou distrik English River.

HON ANDY LABONTE

Mersi Mr Chair. Panel mon kestyon i pou baze lo manda plizoumwens *LWMA* ki ti ganny etabli par en *S.I.*, an 2009. Parey ler mon pe get zot Bidze an gro in sorti 238milyon pou vin 242milyon ki annan en logmantasyon apepre 3milyon 325mil ki i ase sibstansyel ki nou siporte e nou konpran akoz.

E parey Minister in dir se ki mazorite in al anba *program*

2 kot '*waste management services*. 'So mon kestyon i vin koumsa, mon'n tann *Deputy CEO* in dir ki i annan bann semen ki'n ganny azoute. Bon be mwan ki mon ti a kontan demann zot akoz lo kote La Rivière Anglaise pour *être* fran e mon krwar Deputy i konn sa byen.

Akoz mon'n anvoy ou *mail* lo la, lo kote La Rivière Anglaise i pa li leka. I annan plizyer semenn kot ti pe ganny netwaye dan lepase ki ozordi i pa pe ganny netwaye, e tou detay mon'n anvoye. E ozordi mon sipoze annan en vizit e sa ki pou anmenn mwan lo mon dezyenm kestyon apre.

Me selman la mon pou demande akoz ki i annan, vi ki i annan en logmantasyon lo Bidze me selman semen in ganny redwir. Petet nou ti a kontan konnen akoz? Akoz nou zabitan dan distrik i dezapwente akoz zot war poudir semen pa pe ganny netwaye.

E mon dezyenm kestyon i plizoumwenn al lo sipervizyon kominikasyon, ki mon'n tann Deputy in koz lo la e menm Minister in koz lo la in dir ki i bezwen *backing* sorti kot Lasanble e vreman nou koman Lasanble nou anvri donn zot *backing* e nou pou donn zot tou nou sipor.

Me selman en problemm ki mon pe remarke ki en

keksoz ki ti la dan lepase e ki nou sa nouvo ladministrasyon nou anvri eliminen se kominikasyon, pou mwan sa i en gro problemm. E petet *Deputy* ou pou konnen sa tre byen akoz mon vreman dezapwente ki ler ou anvoy en *mail* kot zot, i pa ganny reponn. En la prensipalman ki le 23 Fevriye ki mon anvoy en *mail* ki mon pa ganny repons.

E le 2 Mars mon anvoy ankor e mon pa ganny repons, yer dan tar ki mon ganny repons koz ozordi zot pe vini i dir mon poudir ozordi i pou annan en vizit.

Mon demande keler mon pa ganny repons. Bomaten ler mon arive mon dan Lasanble mon ganny en repons vizit i 9er mon'n dir zot *sorry*, nou a fer sa vizit en lot ler, *ok?* Konmsi bann keksoz ki mon ti a kontan poudir i ganny amelyore petet pou nou kapab travay pli byen avek kanmarad.

Apre en lot mon konsern lo kote ledikasyon li menm parey nou dir ler nou pe dir ledikasyon i pa zis lo kote zabitan. Mon krwar poudir zot bann kontrakter osi parey mon'n tann *Deputy CEO* in dir poudir i annan kontrakter ki i trenn bin.

I pa zis trenn bin. Si ou war bin i kase sa bann dimoun i pran bin i annan zot, zot tir

sa kouvertir la zot kase aköz zot pa kapab zet salte anndan, *right?*

Prezan ler ki zot in fini zot pran sa bin la, zot bat ater e bin i kase. Petet ler sa bann dimoun i vin *apply* pou sa bann Kontra, eski nou kapab edik zot poudir sa i kout larzan? So pran en pe ka avek i pa zis nou zabitan.

Me osi sa bann kontrakter ki bezwen pran en pe zot responsabilite. E an gro pou *être* fran, mon apresye sa travay ki mon war bann nouvo kontrakter in konmans fer e mon ti a kontan ki zot kontinyen lo sa menm laliny. Me selman petet en pti sizesyon mon konnen poudir ler ki i ganny Kontra i ganny *tender* i ouver pou tou dimoun.

Me selman ki nou rekonnet se ki nou war ne dimoun i sorti Baie Lazare i vin netway semen La Rivière Anglaise. Me selman zour i annan *Clean Up The World* mon bezwen sa dimoun petet pou donn nou en pti koudmen oubyen ganny travayer.

Be rezon aköz i pa kapab asiste nou set aköz i reste Baie Lazare, sa i zis en legzanp ki mon pe donner.

Me selman sa voyaz mon'n war en amelyorasyon, ki mon vreman apresye ki mon war serten mon bann zabitan i pe ganny sans debourye dan

mon distrik, petet zot kapab get en pe ladan. Mersi.

MR DEPUTY SPEAKER

Mersi Onorab. *Panel, Minister.*

MINISTER FLAVIEN JOUBERT

Mersi Mr Chair. Mersi Onorab pou ou bann pwen. Mon pou pas preski tou sa bann pwen avek Deputy Mr Mangroo.

Zis kot i konsern distrik ki kontrakter i travay ladan mon oule reasir Onorab ki bann keksoz i ganny fer dapre rezyon e se pour sa rezon ki ou war bann dimoun ki dan ou distrik ouswa dan distrik akote ki pe travay dan ou rezyon aköz dimoun i ganny limite par kote i reste.

Me selman parkont i posib ki a en moman en dimoun i annan en travayer ki reste dan en lot distrik ki pa dan sa enn kot ou ete. E ou kapab par egzanp pa en dimoun Baie Lazare anploye par en kontrakter ki baze *La Rivière Anglaise*.

Alor i pa enposib pou annan bann sityasyon parey me selman *tendering* konmela i ganny fer dapre rezyon e i strikteman limite pou dimoun dan sa rezyon. Mersi, mon a pas ou avek Mr Mangroo.

DEPUTY CEO RAHUL MANGROO

Mr Chair. Mersi pou ou kestyon Onorab. Konsernan *additional roads*, mon pou al sa vizit avek ou e dan lalis ki ou'n pas ladan mon war i annan sa semen ki mwan menm mon personnelman ler mon ti *procurement manager* mon ti a mezire.

I paret mwan i annan en konfizyon ant ler bann nouvo kontrakter i vini pou zot konn sa bann landrwa e konn balizaz.

So i annan en travay ki nou, nou pe fer pou nou al avek sa bann kontrakter ki nouvo. Akoz i annan bann non osi dan nou dokiman i en fason sa *DA at the time* ti dir li en fason, la ler nouvo dimoun i vini i dir li en lot fason. So i annan bann pti konfizyon ki pe arive lo la, e sa i partou ban lezot distrik osi tou.

So nou pou klarifye li, i pa sipoze en semen ki ti pe fer pa pe ganny fer, ki nou pou war selman, e sa i akoz sityasyon reel ki nou'n war se ler nou ogmant Kontra ek larzan pa ogmant proporsyonnelman avek sa kantite Kontra ek son zefor ki ou'n met ladan nou bezwen. E sa *ceiling* ki annan dan nou Bidze a en mete par Minister Finans nou bezwen abes serten standar.

So i annan semen ki ti pe ganny fer en fwa toulezour ki petet i pou ganny fer 2 fwa dan

en mwan. So definitivman standar pou desann, be selman mon ava fer vizit ek ou pou nou, pou sa lalis ki ou'n dir.

Konsernan ou *email* i malere i zis ki mon sekreter in fer mon, in met dan mon latansyon bomaten ou pa'n anvoy email *to the right email address*. Ou pou war ki si ou tyek byen ou pou war ki i pa'n arive mon fek ganny ou *email* ler ou'n kontakte enn mon zofisye.

E lanmenm ler mon'n reply, wi mon'n war sa *email* selman sa mon ava diskit avek ou, i annan en fot ladan akoz mon war mon osi be ki mannyer mon pa'n ganny sa *email* tou sa letan. Ti annan en pti fot lo sa par, lo kote sipervizyon e kominikasyon, wi mon ava met lanfaz lo la ankor.

E nou bezwen, ki arive ek bann nouvo kontrakter ki'n antre nou pa'n kapab al zwenn zot *one-to-one* lo *site*, komans dan en group al ek *one-to-one* akoz sityasyon ki nou pei ti ladan, nou pa ti kapab fer groupman isi, laba so sanmenm sa ki i annan sa dekalaz ki i annan sa pti keksoz.

So nou pe swete la mannyer keksoz i progrese avek vaksinasyon *COVID*, kont *COVID* nou kapab refer sa vizit

e en pri pe pli pre avek bann kontrakter.

E la nou ava fer sa pli bon laspe sa kominikasyon wi atraver nouvo sistenm ki pou etabli atraver lofis *DA*, lofis *MNA* ek nou, nou swete ki keksoz i ava *improve* lo kote kominikasyon.

Lo kote, i ava fer nou travay pli byen avek bann dimoun dan distrik osi. E lo kote ledikasyon konsernan bann kontrakter anba sa laranzman ki ti ganny fer e sa letan ti *SENPA*, ti annan en larzan furni anba Minister Finans pou fer *training* sa bann kontrakter. Akoz nou bezwen aksepte ki sa bann dimoun ler zot ti antre dan sa sekter i pa neserman i pa en sekter formel.

So i annan en bon pe laspe empowerment nou bezwen fer avek zot me selman sa *was 3 years ago*, e la keksoz in bouze, sityasyon ekonomik mon bezwen retourn *back to Ministry of Finance* petet pou gete ki mannyer sa i kapab materyalize. Selman i annan en bin laspe *training* nou'n fini ganny ti ganny kotasyon nou koz ek *TGMI*, (*SIM back then*), pou nou kapab fer serten *training* be selman la alokasyon *funds* pou nou gete.

E kontrakter ti'n menm pare pou kontribye en serten larzan pou zot kapab *upgrade*

zot lekor e sa i kouven diferan laspe e ladan i aba annan sa *quality control*, sa standar, sa laspe pou zot responsab.

I en *challenge* pou nou, kontrakter li osi i dir nou i en *challenge* pou li kapab met kontrol akoz nou pe travay avek imen, imen ou dir li en keksoz ozordi sa kontrakter i dir son travayer en keksoz ozordi.

E nou tou nou bezwen *admit* ki sa bann dimoun ki ganny anploye dan sa sekter i annan pa mal problem osi, ki asosye avek depasman dimoun, pou ganny dimoun pou travay, *commitment* sa bann dimoun osi.

So ler ou pe travay ek dimoun bokou fwa ou dir li pa fer en keksoz koumsa la be selman i pa pe tande, de zour apre i fer menm parey. So i annan en laspe kot sa travayer i bezwen responsab li dan li menm e valer dan, annan valer pou sa travay ki i pe fer e fer li byen.

Nou pou, dan nou *SOP* nou pou adres sa bann keksoz e *hopefully* i annan en penalti ki vin avek. Malerezman nou bezwen *resort to that* kot nou bezwen penaliz ou pou ou kapab *abide to* bann keksoz ki nou'n mete.

E zisteman i ava rezourd en pe bann problem ki annan out there. Mon krwar mon'n

reponn tou ou kestyon *MNA*?
Mersi.

MR DEPUTY SPEAKER

Mersi *Panel*. mon a rekonnet Manm Elekte Distrik Mont Fleuri.

HON MICHEL ROUCOU

Mersi Mr Chair. Bonn apre midi panel. bonn apre midi tou zabitan Mont Fleuri ki pe get nou la apre midi. Mr Chair zis ne pti refleksyon mon krwar poudir se ki Lepep Seselwa pou bezwen dakor poudir sa problemn salte i pa zis problemn *LWMA* i problemn nou tou.

Akoz pli ale ki nou pe war dan bann distrik dimoun pe demande ki bann *bin site* pe ganny tire lo zot propriyete e byento pou napa. E osi ki nou pe war se ki dimoun pa pe mete zot salte byen dan bin, zot pe plito met zot salte anler lo bin ki aprezan bin i reste vid e lisyen i vin en nwizans aprezan.

E osi bann dimoun ki pe koup bann vezetasyon kot zot, ki plizyer fwa mon'n war Minis li menm li mont lo televizyon ler i ti *CEO* pou dir ek dimoun al *dispose* zot bann vezetasyon lo *landfill*, ki zot pa pe fer li zot kontinyen pe met kot *bin site*.
Mersi.

E Minis les sa proze pilot ki zot pe fre zafer met bin kot bann lakour, mon en vit ou

Mont Fleuri mon annan de pri sou distrik ki bann zabitan pe espere enpasyon pou zot kapab ganny sa servis zot osi.

Mon premye kestyon, Minis mon anvi konnen zot in dir poudir se ki bann Kontra i ganny donnen par rezyon e mwan mon anvi konnen Mont Fleuri dan ki rezyon i tonbe?

Si ou kapab dir nou e dan sanmenm sa kestyon osi tou e ki grad, ki grad kontrakter ki kapab pran par dan sa bann *tender* netway semen?

Mon dezyenm kestyon Minis, i lo kote sa zafer 3 met ek selman ki bann kontrakter i gannyen la en, mon anvi konnen si zot pou revwar aköz parey mon mazine i annan en Onorab in koz lo la.

Kot nou war poudir souvandfwa i annan kontrakter ki i annan sa lanmour pou li fer sa louvraz ki zot fer se ki i annan bann vezetasyon ki tonm dan semen ki aprezan i ganny inyor kot la ou bezwen war nou bann zabitan pe *call* pou kot nou, nou bezwen aprezan ale pou al rod en fason pou rod en Lazans aköz i vremen konplike ennler i tonm avek, ou ganny dir i tonm avek *SLTA* i annan ki dir ou i tonm avek tel sa.

E mwan mon trwazyenm kestyon se ki mwan mon krwar ki poudir bann kontrakter i bezwen realize se

ki zot in ganny en louvraz pou zot fer, en louvraz ki zot bann gran dimoun zot bezwen pran zot responsabilite. Nou pa ekspekte personn pou tay deryer zot pou dir zot, zot Kontra mon krwar i dir zot tou sa ki annan ladan ki annan pou zot fer.

E mwan mon ti a voudre zot annan en pli bon fason travay avek bann Lazans parey *SLTA* akoz i annan bann landrwa ki annan bann drenaz ki kouver aprezan i difisil pou sa bann kontrakter osi ganny akse anba la. Mersi.

MR DEPUTY SPEAKER

Mersi Onorab. *Panel?*
Minister.

MINISTER FLAVIEN JOUBERT

Thank you, Mr Chair. Mersi Onorab pou sa kestyon sorti dan distrik Mont Fleuri. Mon pou pas laplipar pwen avek Deputy Mr Mangroo.

Me kot i konsern *sub-district* Mont Fleuri, mon krwar enn bann lezot opsyon ki nou'n deza travay avek dan lepase ki li osi i marse dan bann sou distrik petet pa bezwen, pa servi sak lakaz en bin.

Me i annan serten landrwa kot nou kapab fer *bag collection* dan serten landrwa i annan sa prensip koleksyon sak ki osi nou pe obzerve pou

nou gete si i mars byen e i sanble mwan ki i annan serten landrwa ki i mars tre byen.

E Hermitage, Mont Fleuri i enn bann landrwa kot sa i marse e i bann kalite metod koumsa ki nou ti a kontan osi servi.

So nou bezwen servi en konbinezon metod, me *bag collection* i enn bann keksoz ki kapab ganny fer. E ti a bon fer rapel osi enn bann lavantaz s a bann sistenm koleksyon se ki konpare avek sa ki nou pe fer ozordi la napa salte akimile obor semen e lot keksoz se ki ou pa tir salte toulezour.

Bann *collection* ou fer li tou le 2 zour, ou kapab zis dir ek dimoun tel 2 zour oubyen 3 zour dan lasemenn mon tir salte, sa zour bomaten tel ler ou met ou sak obor semen i ganny tire apre sa napa naryen ankor obor semen.

Alor i enn bann prensip bann metod ki nou kapab servi e avek kolaborasyon bann dimoun dan bann sou distrik par egzantp nou kapab osi reflexir lo la, e anmenn sa bann sistenm ki nou evite annan okenn akimilasyon.

E prezan ou konnen zour pou tir bann gro salte i annan zis en zour dan le mwan ki bann gro salte i ganny tire. La bann gro salte i ganny anmennen kot bann pwen koleksyon e sa i kapab ede, me fodre nou ganny langazman

tou dimoun dan distrik tou fanmir, tou lakaz. La prezan i a marse e la nou ava war ki nou landrwa i a reste prop.

Mon pou pas laparol avek Mr Mangroo pou koz lo limit pou netway obor semen e osi *removal of bin site from propriyete*. Mersi.

DEPUTY CEO RAHUL MANGROO

Ok Mr Chair. Mersi Onorab pou ou keston. Konsernan ki grad kontrakter ki kapab partisipe ti annan en seri deba ki nou ti gannyen. E ler nou ti konsilte osi plizyer Minister kont lefe ki sa sekter i enformel sel keksoz nou'n kapab fer pou nou retir bann gro kontrakter partisip ladan se sa *license* konstriksyon 1,2,3 egalman bann biznes konpanyen ki *involve* dan bann gro laspe loperasyon, pou nou eksklir zot ladan.

I difisil pou ou kapab pin lo enn sa group dimoun ki nou tou nou konnen pe travay. Akoz sa bann group dimoun i napa en klasifikasyon. Be selman mon kapab dir ki nou ki annan en regilasyon nou'n travay lo la lannen pase in tar pou sorti, in tarde pou sorti, atraver Minister Finans pou nou kapab *license* sa *activity*.

E le moman ou *meet* kriter pou ganny en *license* atraver *Licensing then* pou ou kapab partisip ladan e sa mon

mazinen i pou bann *future tenders* ki vini e egalman si ou mal performen ou ganny retire, ou ganny perdi ou license e la i a fer ki nou a kapab mentenir sa laspe standar e kontrol.

Mon konpran, mon agree ki ek ou pou dir ou koumsa ki dimoun i bezwen responsab salte e zesyon salte. E ki nou fer ek nouvo salte osi akoz i pa responsabilite zis *LWMA* nou Bidze pa pou kapab siport tou sa aktivite ek lofans ki annan an deor laba. E pou sa nou pou, nou oule kontinyen ganny zot langazman lo la.

E nou remersye zot pou sa pou zot kapab ed nou lo la konsernan *misuse of bins*. Dimoun i, ler ou travay ek dimoun se latitid dimoun ki parler ki fer ki ou, i fer ou dekouraze, i fer ou met en servis nou anvi modernize be selman dimoun i kontinyen annan bann mal, lapros negativ anver serten keksoz so nou pe travay touzour pou nou sey amelyor sa atraver ledikasyon. E en *law enforcement*.

Buffer ek semen i reste parey. Sa ki nou bezwen azout lo la se sa ki Minis in dir se ki, bokou fwa in annan bann *overgrown* vezetasyon ki'n deor son oter ki tonm dan nou *scope of work* ki la prezan nou bezwen adres li.

Si petet n ou annan en, ler nou'n diskite nou'n etabli lekel Minister ki pou responsab sa ou byen lekel antite ki pou responsab sa, e i ganny sa *funding*. Petet 2 fwa dan en lannen en legzanp mon pe dir nou kapab travay li la, *then* ou pou war ki i annan, ki pou napa sa bann vezetasyon ki desann letan sa. Be selman lo sa nouvo *scope* osi nou pou met lanfaz lo bann vezetasyon ki obor semen ki pouse, i pouse ziska ler i vin zwenn ek semen.

Be sel an lo sa not i enportan nou annan en case la spesifik mon pa pou mansyonn on oubyen distrik. Me selman sa *MNA* pou ganny aproz, kot sa dimoun i refize pou nou tay feyaz ki pe bar, ki pe antre lo semen.

So nou ganny pa mal sa bann *issue* Mahe Praslin sirtou kot zabitan i refize, konmsi i fer problem ek nou kontrakter i fer taye nou kontrakter ler i pe fer zon louvraz.

Kot nou war ziska lapolis i bezwen mele. E sa i pa akseptab. Be prezan me selman i annan plizyer rezon i donner e se keksoz i ariv petet laspe legal osi. So la nou pou apros biro *MNA* pou nou kapab ganny lasistans. E ki mannyer nou kapab adres sa problem.

Lo kote travay ek *SLTA CEO SLTA* i lo nou Board e nou'n tonm lo en konsansis en pti, annefe depi lannen pase pti nou *access* sa bann *grill* anba bann slab ki'n sele, pou nou kapab travay.

Petet konsern ki vin la se en laspe finansman, akoz ler proze i ganny fer i ganny sele, par ler i ganny sele par Leta, par ler i ganny sele par en - zabitan i pran sa desizyon dan li menm i antre lo en koridor *access way drain* i fer son keksoz. Prezan apre i kre en reperkisyon lezot landrwa.

So ek *SLTA* nou bezwen travay lo en fason pou fer ek *Road Transport Commissioner*, konmkwa sa bann keksoz koumsa i ganny arete. Sa bann pratik koumsa i ganny arete e nou, nou antre nou fer nou bout pou nou. Sa bann difikilte. Fotespere mon'n reponn tou ou kestasyon. Mersi.

MR DEPUTY SPEAKER

Mersi *panel*. ou annan klarifikasyon?

HON MICHEL ROUCOU

Non, Mr Chair. I pa'n tous lo sa bout ki mon'n demande par rezyon ki Mont Fleuri i tonm ladan? E osi mon anv i ki zot *increase* en pi pe plis lo kote zot pa zis patrol li menm li nou bezwen vwar poudir i annan dimoun ki petet zot deza annan en Kontra e zot rod en

lot dimoun ankor pou ... pou zot. Mersi.

MR DEPUTY SPEAKER

Panel.

DEPUTY CEO RAHUL MANGROO

Chairman. Mr Onorab, Onorab lo kote Mont Fleuri i tonm dan rezyon santral ansanm avek Plaisance ek Bel Air. E sa dimoun ki partisip dan sa, anba nouvo sistenm Kontra anba *coordinated tender* en dimoun dan rezyon Bel Air i kapab ganny Kontra pou netway Mont Fleuri, Akoz ou kapab partisip dan sa rezyon *as long as* ou *within* sa rezyon.

I pa rezerv i espesyalman pou dimoun Mont Fleuri ou konpran, selman i dimoun ki pou sorti dan de kote sa distrik prensipalman. Son travayer parey Minister in dir i kapab sorti aryer akoz i depan kot i report, i rode. Mersi.

MR DEPUTY SPEAKER

Mersi *panel*. Mon a rekonnet Manm Elekte Distrik Grand Anse Mahe.

HON WAVEN WILLIAM

Mersi Mr Chairman. Mr Chairman mon annan 3 pti kestyon. Premyerman mon ti a kontan demann avek Mr Mangroo. *Well* petet Minis ava

kapab donn en koudmen ladan avek *PS Thesee*.

Premyerman se ki mon anvi konnen sa bann Kontra la ki zot in donneren eski zot in *factor-in*, mon pa konnen si s bann *tender* ti ganny fer avan ki *the inflation kicked in* akoz la nou pe koz 30poursan *buying power* ki'n ganny retire avek tou dimoun.

Eski sa bann *tender sum* in ganny *factor-in* sa, in annan bann azisteman ki enn sa bann kontrakter pa santi zot, zot dezavantaze letan zot pe rann sa servis. E an adisyon avek sa Mr Chairman, letan mon fer en evalyasyon dan mon distrik i annan bann mont montanny plato e mon pe demande si *LWMA* avek *DRDM* zot annan bann lyezon?

Akoz i annan bann ki nou apel bann *sensitive point areas* dan distrik, ki mon santi gradyelman si bann kontrakter pa pe ganny *training*, mon santi gradyelman nou lanvironnman i ganny afekte par *gradual erosion*? Akoz mon pe vwar sa pe arive toulezour.

So mon anvi konnen si bann kontrakter zot ganny bann *induction*, lo ki fason netwayaz pou ganny fer? E an menm tan lo sa eleman sipervizyon ki mon dakor avek bann lezot Manm in koz lo la. Dan lepase avek ansyen

Gouvernman ti annan en pi pe sa lese fer, ti annan en pti pe sa lese fer. E ou a krwar ti annan en dimoun ki ou a krwar tou keksoz ti *ok* e ti annan en pti pe *inside dealing* tou.

So ki zefor nouvo zot pe anmennen la? Akoz mon'n tann nou nonm *DA's Office* me zis *DA* ki sertifye, me letan sa netwayaz i ganny fer eski vizit i ganny fer en mwan pli tar, ouswa en semenn apre, ouswa menm zour, pou ou kapab vremen idantifye poudir be vwala mon vwar poudir i annan en bann problem ki keksoz i akimile?

E parey in ganny dir letan gro lapli i arive ki ou vwar dega. Akoz enn, sipervizyon pa'n ganny fer e louvraz pa'n byen ganny fer.

Mr Chairman mon lot pwen se ki mon vwar poudir zot anv i ankouraz e promot investiser dan bann *Recycling Scheme* Proze. So mon anv i demande ki bann *incentive* ozordi ki nou pe fer avek bann investiser pou kapab antre ladan? Akoz letan mon regard dan lepase i annan en ta bann resers, nou'n anmenn bann konsiltan menm lepok ki mon ti Anbasader i annan Minis ki'n mont *L'Inde* zot in vin regarde, i annan bann diferan proze me ozordi nou ankor pe diskrit menm keksoz.

So ki vremen in arive, ki bor nou ete, e dan ki *area* ki nou'n anv i vwar *recycling* dan Sesel? Sa mwan ava aret la Mr Chairman. Mersi.

MR DEPUTY SPEAKER

Mersi Onorab. *Panel?*
Minister.

MINISTER FLAVIEN JOUBERT

Mersi Mr Chair. Mersi Onorab pou ou bann kestyon. Mon a demann *PS* Thesee pou reponn premye pwen konsernan si nou'n *factor inflation cost of living* dan bann Kontra. Mersi.

PS DAMIEN THESEE

Mersi Mr Chair. *Anyway* tou bann Kontra ki la i bann Kontra ki ti'n fini sinyen, savedir i pe mars lo bann term ki ler ti ganny *tender* avek *award*.

E ordinerman sel provizyon ki nou fer se azisteman dan *minimum wage*, si i annan okenn lazisteman ki nou'n fer dan lepase oubyen si ti annan bann *delay* oubyen *at some point* nou'n *catch up*.

So pou le moman an vi sa kontrent ki nou'n annan otour sa kantite Bidze ki nou pe donner, avek netwayaz bann semen, nou pa'n fer okenn lazisteman dan pri. Akoz nou anv i fer sa legzersis apre pou

nou kapab konnen ki pozisyon nou ete. Mersi.

MR DEPUTY SPEAKER

Minister.

MINISTER FLAVIEN JOUBERT

Mersi Mr Chair. Mersi Mr Thesee. Mon ava demann Mr Mangroo pou reponn sa bout *training*, kontrakter pou zot asire zafer lenpak. E apre osi nouvo lapros amelyorasyon dan sipervizyon travay. Mersi.

DEPUTY CEO RAHUL MANGROO

Mersi Minis. Mr Chair Onorab. Konsernan travay dapre avek DA e pou rod fason pou adres sa bann *issues* sipervizyon i en bon pwen e sa ki nou'n eksplik zot se ladan ki keksoz ti pe ganny fer.

Fodre note ki i annan DA ki ou ti travay, nou'n travay ek tou DA nou'n rann vizit avek zot, vizit i ganny fer, i ganny *schedule* depandan *availability* sa DA. I kapab en fwa par semenn i kapab 2 fwa, 3 fwa i tou depan.

I annan DA ti pli aktiv dan son distrik lo bann vizit i annan DA pa ti tro aköz son *schedule* ti en pe *busy*.

Petet nou bezwen retourn kot *Local Government* pou nou war en fason pli efektif pou fer sa, aköz bokou fwa nou met en *meeting* ek DA

selman swa i dan en *training*. I annan letan DA ti ganny anvoye bann *training* prezan nou pa kapab i *upset* nou program.

I annan DA i *clash* avek serten lezot keksoz. Nou bezwen annan en striktir, en *schedule* en pe vizit, pou nou kapab ganny *ensure* ki DA i prezan.

I annan kekfwa zot anvoy zot *Office Manager* me parler sa desizyon ki bezwen ganny pran, aköz i annan en keksoz ki bezwen pou fer avek en serten rezidan spesifik. Oubyen en group dimoun dan lakominote, sa pa ti pe kapab ganny adrese i met retar.

Be selman nou a retourn *back to Local Government* pou nou war ki mannyer nou kapab *improve* lo la. E nou swete ki atraver sa i ava adres bokou bann mank dan kominikasyon, oubyen bann *lack of supervision* lo nou par oubyen keksoz i kapab sap nou. I arive.

E nou toultan ouver pou si i annan okenn keksoz ki arive dan distrik ki nou, nou'n fini, ou konnen sa kontrakter in fini travay i annan en keksoz ki arive no pa ankor war, zot enform nou, sa nou oule, nou ankouraze.

Konsernan pou travay pou *link up* avek bann lezot Minister enkli DRDM;- i en bon moman aköz ki nou, nou ti

nou'n konstate wi sa bann kontrakter i pou zot, zot pe kontan netwaye la ou tir tou keksoz.

Me i pa neserman leka. Wi nou ti gid zot pou letan lasesres zot tenir en pe zot tanporis en pe, be selman reelman nou bezwen al apros dan sa *training* ki nou pou fer nou pou bezwen osi adres bann - met an plas bann *mitigation measures* pou DRDM pou lateras grennen pou bann *bolders* ki petet kot zot pe travay si zot pe tro defris landrwa

So tousala i bezwen bann keksoz ki nou kapab konsidere e nou *welcome* bann lezot nide oi ki nou kapab met devan pou nou kapab *improve* sa soz. Nou zis swet sa bann kontrakter zot kapab konpran sa en pi pe pli an detay.

Lo kote, wi mon krwar anmenn sa de unless i annan en klarifikasyon.

MR DEPUTY SPEAKER

Mersi *panel*. Ou annan klarifikasyon Onorab?

HON WAVEN WILLIAM

Yes. Mr Chairman i annan en kestyon pa'n ganny reponn. Vizavi *incentive* pou bann investiser. Petet mon a zis pran sa klarifikasyon pou mon pa demann ankor. Mon anv konnen i zot otoriz bann kontrakter pou servi *herbicide*

lo bann bor semen? Sa osi mon ti a kontan si zot klarifye.

MR DEPUTY SPEAKER

Panel.

DEPUTY CEO RAHUL MANGROO

Mr Chair mon konnen sa kestyon in deza leve dan lepase e mon krwar la i enportan pou nou koz kler lo la. Dan Kontra napa *herbicide use*. Si ou get byen dan sa bann Kontra sa bann Kontra i *manual, removal* ouswa servi *machinery* pou tir sa bann keksoz.

Alor i pa merit annan *herbicide use*. Mon realize e mon pou dakor avek ou Onorab ki mon a en moman mon'n obzerve lo en bor semen, laparans ki *herbicide* in ganny servi. Akoz ou war ki mannyer sa bann zerb i ete e nou, nou pa krwar i en keksoz ki merit kontinyen.

E *herbicide* i ganny enporte dan pei pou serten rezon spesifik, sirtou an koneksyon avek lagrikiltir. Me nou pa kapab war nou pe degrafe e pe al lo bann sironstans kot *herbicide* pe ganny servi dan tou diferan fason partou. E koz en sanze pou lanvironnman ek popilasyon.

Dan en kantite pei sa ki zot apel *cosmetic use herbicide* pa ganny servi sirtou. I annan

en bon pe pei pa permet ki ou servi *herbicide* pou bann keksoz par egzanp *landscaping* dan lespas piblik. Eksepte kekfw a si ou annan en fristrasyon pes serten pes ki pe detri ou plant. Me mon krwar zerb i kapab ganny kontribye dan lezot fason dan ki nou servi *herbicide* lo bor semen.

Nou annan ase *herbicide* use deza dan pei, kot i konsern resiklaz Onorab mon krwar pli boner mon ti fer leve sa pwen ki pou nou fer resiklaz bouze dan pei, nou bezwen kre en lekonomi otour sa bann kalite salte.

I annan plizyer tip salte ki ozordi nou kapab akseler zot separasyon ek potansyelman komers ladan. I annan *electronic waste*. I annan feray ki pa pe tro ganny fer a sa nivo ki nou krwar i kapab ganny fer. I annan bann vye transpor. I annan en kantite bann keksoz parey batri ek lezot ki ou kapab pa pran mezir pou fer li al pli vit.

E mon krwar ki sa bann mezir i bezwen antre pou fer li al pli vit. Alor en premye pwen se pou nou donn sa bann *inducement* nou bezwen kapab annan en pe larzan dan nou lanmen.

E alors pou enplik serten lazisteman lo kote *levies* kot pou en lenportasyon e i enn e bann mezir ki nou pou bezwen

koz lo la. Lot keksoz ki bann dimoun ki pe fer resiklaz i koz lo la bokou transportasyon i en gro kou pou le moman.

E si nou pe fer en sistenm pou nou ankouraz resiklaz mon krwar nou bezwen *factor-in* transportasyon. Akoz par egzanp i annan dimoun ki anvi tir serten kalite prodwi sorti Praslin ek La Digue, me zot pa pe kapab fer i akoz sa koneksyon bato eksetera.

Alor la i annan en keksoz [ou nou fer. E enn fw a ki nou komans koz lo en keksoz anmas larzan pou fer sa bann keksoz nou bezwen osi met transportasyon.

Me en lot keksoz Onorab ki en andikap aktyelman lo kote resiklaz e ki bokou bann dimoun ki oule fer resiklaz, zot dir ou poudir napa lespas, napa later, napa lespas pou fer li e sa i en gro *challenge*.

E mon krwar i enn bann keksoz ki nou bezwen sey adrese dan en fason ase konpreansiv. E taler nou'n koz lo *management landfill*. Petet si nou aranz nou *landfill* pli byen nou kapab liber serten lespas obor *landfill*, pou nou kapab fer resiklaz lo la.

E menm *landfill* (1), si nou'n fini organiz li byen son anler lo la, nou kapab ganny en lespas ki plat kot enn oubyen de operater i kapab fer serten aktivite li la,

Alor i annan plizyer *challenge* me selman mon krwar si nou komans met sa sistenm an mars, en pe parey i egziste pou bann materyo resiklaz, nou annan larzan ki pe roule dan sistenm, nou bezwen kapab annan resiklaz plizyer lezot prodwi dan pei. Mon a fer remarke par egzanzon mon pa konnen si *PS Thesee* i kapab konfirman - en transpor nef letan i mont lo semen i annan en gro environment *levy* i ganny peye lo li.

Be sa *environment levy* i kapab ede pou tir sa transpor lo semen oubyen pou tir en transpor ki aze lo semen, e fer ki i ganny demonte lo semen e fer ki i ganny demonte konpletman e son bann morso i ganny anbale e eksporte. Me pou le moman nou pa pe servi sa bann mekanizm.

Alor i enportan ki nou kapab met an pals sa bann keksoz e fer ki nou sistenm i fonksyonnen, e dimoun prive pou fer li akoz i ganny benefis ladan. Mersi.

MR DEPUTY SPEAKER

Mersi *panel*. Mon rekonnèt Manm Elekte pou Bel Ombre.

HON SANDY ARISSOL

Mersi Mr Chair. Mon dakor Bel Ombre nou lo lapwent, en pe lwen lo lapwent nor, be selman 6er diswar nou osi nou ava fer nou kontribisyon.

Mr Speaker ou konnen nou pou bezwen fran e konnen avek Gouvernman, nou pou bezwen fran onnet avek osi bann kontrakter. Mwan mon krwar poudir si bann kontrakter pa pe delivre dan zot Kontra, nou pou bezwen fer zot arete e sed la plas pou bann ki enterese pou fer zot travay.

E mon krwar pou i annan en kantite dimoun deur ki anvi, alors si bann ki la pa anvi nou pou bezwen fer zot sed la plas e donn plas lezot.

Me selman i annan en keksoz ki mon'n obzerve ki mon ti a kontan dir avek Minis avek delegasyon ki la, ou konnen i annan sa bout letan nou pran kot Lasapel St Louis nou pe desann dan kontour Lafit ziska anba Beau Vallon, ozordi ler ou pase i annan en *look* eksepsyonnèl.

Ou santi, ou war poudir sa garson si mon pa tronpe i apel Alvin Nasib li avek son lekip zot pe fer en travay ekselan lo sa bout semen. Me parkont plizyer distrik ou pa konnen lekel sa dimoun ki'n ganny sa, ou pa war lekel sa dimoun ki'n ganny sa Kontra pe travay, me parkont ou vwar lezot dimoun, ou konpran?

Prezan mon ti a kontan lo la dir poudir letan tou bann Manm Lasanble in koz lo sipervizyon, sipervizyon i zwe

en rol se la kot mirmirasyon i antre.

Par egzant letan bann Manm in koz lo larivyer yer anba Minis, larivyer par egzant Bel Ombre nou annan larivyer obor Nicole Hoareau vizavi ek *Corsaire*, konmela zot tir portre Minis, zot tir portre anler kot i prop, be anba kot i bouse zot pa tir portre e portre i ganny anvoye pou zot kapab ganny zot larzan.

Letan nou pe koz lanmar Beau Belle mon annan en lanmar mwan, i bouse i annan en bon pe letan, personn pa pas kot nou lanmar pou gete pou netwaye. Menm bann NGO mon pa war zot la. Si nou komans en konstriksyon zot traverse nou pou konnen lekel zot. La pou le moman personn pa vin get nou lanmar anler Beau Belle.

Ler nou pe koz *bin site* Minis, nou annan en *bin site* zis *opposite* avek legliz St Roch ki tou son *dechet* i desann dan larantre kot lafanmir D'Offay avek tou lezot dimoun ki servi sa landrwa. Se pour sa rezon parfwa bann zabitan i konplent *bin site*.

Kekfwa son lokasyon i ok, be selman son mannyelman, son lafason ki i ganny netwaye, son ankadreman ki i vin ladan.

Alors sa mon pti kontribisyon mon komanter. Alor mon ti a kontan demann

Minis lalis ki zot on donn nou la, bann kontrakter, supervisor, limero telefonn.

Mwan mon ti a kontan ki Minis sa lalis i ganny mete dan tou lekol, Ladministrasyon Distrik, dan Kordgard kot tou bann Lazans dan distrik kot klinik pou tou dimoun konnen si Sandy Arissol ki netway larivyer dimoun pa bezwen telefonn MNA li, parske pa MNA ki ganny peye pou netway larivyer, i a telefonn sa enn ki son non i lo papye pou li vin debous larivyer zour i bouse, akoz i pa'n netwaye.

Zour *bin site* i sal i a telefonn sa enn ki a sipoze vin netwaye, pa telefonn MNA, pa MNA ki ganny peye pou netway bon site. I a telefonn sa enn parske li ki pe depans 242milyon avek sa Lazans pou asire ki nou distrik i prop.

Mon dezyenm kekyon ki mon ti a kontan demann Minis i an relasyon avek Beau Belle; Beau Belle i annan en volim lakaz anler la, be selman nou annan nou environ 8 bin anba isi dan larantre.

Alor mon ti a kontan demann Minis, e obor nou 8 bin i annan en pti plat ater kot plizyer dimoun i vini zot vin *dump* zot bann salt. Alor mon pe demande si pa posibil pou Beau Belle avek sa volim lakaz e napa lezot *bin site* parske pa ou dimoun ki kontan met bin

obor son lakaz, nou respekte sa, bin i la anba dan larantre.

Eski pa posib pou nou ganny en *skip* ki ganny mete dan s lespas vis kot tou bann dimoun ki vin *dump* zot salte olye zet li ater, zot vye larou, zot vye palet, zot vye sez i a kapab zisteman ed zot dan sa travay met zot dan sa *skip* pour ki no lanvironnman Beau Belle i reste prop.

Mon dernyen kestyon mon ti a kontan demann Minis, k arive avek la ozordi avek bann kontrakter ki pa delivre? Eski i annan en keksoz anba Lalwa ozordi la pou bann kontrakter ki pa delivre? Mersi bokou Mr Chair.

MR DEPUTY SPEAKER

Mersi Onorab. Panel, Minis.

MINISTER FLAVIEN JOUBERT

Mersi Mr Chair. Mersi Onorab pou ou ban kestyon. Kot i konsern Beau Belle, i annan serten pwen ki mon pou pas ek Mr Mangroo pou li klarifye, me kot i konsern Beau Belle i aktyelman annan 15 bin dapre mon konpran mon krwar i pi gran *bin site* ki annan.

E wi en *skip* i kapab vin en solisyon, me selman fodre ki nou bann zabitan i konpran byen kler. Dapre mon konpran ti annan *bin site* anler dan Beau Belle me apre in

ganny tire aköz dimoun pa satisfè avek son lafason ki in ganny *manage*.

Me nou bezwen fer sir ki nou pe fre lo kote skip aköz i annan osi en kantite *dumping*. Aköz nou pe obzerve sa landrwa nou en, i annan en kantite *dumping* ki pe ganny fer, i annan dimoun ki pa reste Beau Belle.

E mon krwar i enportan ki nou fer kler ozordi i annan en kantite dimoun i pa reste Beau Belle ki pe vin pa sa landrwa ki pran transpor pe vin la, e i annan ki pe kit konmisyon menm dan lannwit la kot sa *bin site* e sa landrwa in parey en sant rezyonal pou saler prezan.

E alor mon krwar i enportan ki nou osi dekouraz sa bann dimoun. Petet mon a enform zot ki nou pe obzerv sa *bin site*. E i annan serten lenformasyon ki nou pe anmase lo serten transpor ki pe vin la.

Me pou en *skip* Mr Mangroo i ava eksplik ou en pti pe ki bann kontrent ek *skip*.

Me selman si en demann direk sorti kot en Manm Onorab e zot krwar i kapab marse, nou a bezwen gete si Bidze i permet pou fer li ganny fer.

Apre sa bann lezot pwen kot i konsern tir bann dimoun ki pa pe delivre mon krwar

mon a pas sa osi ek *LWMA* zot ava donn nou zot pwennvi.

E dapre mon konpran Kontra i merit ganny aplike dapre sa ki mete dan Kontra si ou fer ou ganny peye si ou pa fer ou sorti, setou. Mersi.

MR DEPUTY SPEAKER

Mr Mangroo.

DEPUTY CEO RAHUL MANGROO

Mersi Mr Chair. Onorab pou reponn, pou adres ou kestasyon lalis kontrakter mon agree ek sa, *right information* egalman pou kontrakter pou zabitan konnen lekel ki pe travay.

Mon sel konsern lo la se ki, ou konnen en kontrakter ler i annan plizyer dimoun pe donn li lenstriksyon, petet la i pou ariv en moman ki en pti pe konfize ki pran lord isi laba. Be selman petet nou avan nou fer lenformasyon piblik, nou bezwen zis klarifye sa en pti kou apre nou kapab fer li. Mon *ok* ek sa.

Inovasyon lo kote striktir *bin site* i en diskisyon ki nou bezwen antre avek *DA*, akoz zisteman sa i tonm ek zot pou zot konstrir. Nou annan bann *design samples* nou'n donn zot, petet nou pa'n pran, nou'n pran kont *leachate* be selman nou bezwen pran kont petet *topography* landrwa.

E kote sa *leachate* pe al *end-up*, dan bann landrwa kot

vreman i annan devlopman ki koste ek sa *bin site*. Mon agree avek ou lo la.

Kontrakter ki pa performen oubyen ki son standar pa alaoter, Kontra i *dictate* ki i annan dimoun i ganny averti. Si i pa pe kapab delivre i annan dimoun i pare pou fer sa pou li e li i peye. Senp. Ek sa i vin ek son *warning letters*.

Nou'n deza fer sa dan lefase apre en serten *warning letter* i annan dimoun i ganny *terminated* e in deza arive kot dimoun i ganny *terminated over the year, over years* ki *LWMA* in la.

Selman mon oule reasir zot ki depi ler nou'n fer sa sanzman dan Kontra kot bann nouvo kontrakter in antre, e bann kontrakter ki la avan i annan bann gran bout, mon bezwen admet ki ti annan bann gran, gran bout par egzanp sa dimoun ki ti pe fer Pascal Village pou desann anba i ti annan en gran bout.

E sa nouvo dimoun wi i pe fer landrwa, en travay parfe akoz mon pas dan sa semen osi e plizyer landrwa osi mon vwar mon pou dir ki i annan en *improvement*. Akoz landrwa i en pe pli pti e sa dimoun i annan en nouvo souf petet i fer sa travay en pti pe pli detaye.

Mon swete ki sa i kontinyen. E si i annan okenn

sityasyon kot en kontrakter i pa pe byen performen, *by all means* konmsi apros mon lofis i kapab son kontrakter in ganny *dealt with*. In ganny son *warning* i pa pou fer tapaz ler i ganny son *warning*.

Me selman i pe ganny *dealt with* e evantyeleman i pou ganny *terminated* si i pe mal performen oubyen en serten *deduction* i pa ganny son *full payment* lo son *contract sum*.

Lo kote *skip service* kot Beau Belle, nou bezwen get sa en pti pe o profon aköz ki nou'n war ler nou ti mete Roche Caiman nou'n war ler dimoun parey Minis in mansyonn en pti pe lo la, nou met en *skip service* pou en serten kalite salte, dimoun ki mal servi li ki fer ki nou war nou, i vin en pti *landfill* la obor sa *bin site*.

So petet nou ava antre an diskisyon pou nou gete *what's the best approach* pou fer li. E in annan serten lide nou'n kapab vin avek osi e byensir nou bezwen get son kou ki vin avek. Aköz i napa bokou operater ki ofer *skip service* ki fer son pri ki rezonnab. So nou kapab eksplor sa wi selman. Mersi.

MR DEPUTY SPEAKER

Minister.

MINISTER **FLAVIEN**
JOUBERT

Mersi Mr Chair. Onorab zis en pti pwen mon ti a kontan fer petet zis port a latansyon. Dan lepase mwan letan mon'n LWMA enn bann difikilte ki mon'n gannyen se ki letan ou komans pran aksyon avek en kontrakter la, nou ganny en kantite *call* sorti partou kot MNA.

Kot diferan dimoun dan Gouvernman, pe rode aköz sa boug in ganny koup son larzan i pa'n ganny peye sa mwan eksetera, ki mannyer pou sonny son fanmir.

Alor petet mon ti a demann Lasanble Nasyonal osi pou travay avek nou, pou nou vreman fer sir ki nou pa pe al dan sa bann sityasyon kot en presyon i mete lo Lazans, letan Lazans pe komans pran aksyon.

Aköz bokou dimoun i pou travay byen normal e i pou ekout ou letan ou pou dir li poudir i pa'n fer louvraz ouswa i pou trankilman reziste.

Letan ou komans koup son larzan ki zafer i vin serye. E mon krwar i enportan ki nou bann Onorab osi zot ed nou dan sa demars pour ki nou pa war nou dan sa bann sityasyon kot i annan sa bann presyon enorm.

Mwan mon'n ganny presyon enorm mete lo mwan letan mon'n koupe e ou konnen ou dir ou a tenir ou pa ankor fer, ou'n fer 75poursan

ou a ganny 75 ou larzan. Me nou ganny en pe presyon lo sa kote.

E mon krwar i enportan ki nou kapab vreman travay ek Lazans pour ki sa dimoun i menm si i al partou i al sey met presyon i en kestyon son travay lo teren sa, i pa annan pou fer avek si ou prefer li ouble non.

Alor mon krwar ki i enportan ki nou kapab gard sa antet anmezir ki nou vreman sey forse pou fer nou bann landrwa vin pli prop. Mersi.

MR DEPUTY SPEAKER

Mersi *panel*. ou annan en klarifikasyon Onorab?

HON SANDY ARISSOL

Mersi Minis pou larepons. Mersi Mr Mangroo pou larepons. Minis mon siport ou lo sa dernyen pwen ki ou pe fer. Se pour sa rezon mwan mon'n demande akoz lalis sa bann kontrakter pa ganny bibliye dan bann landrwa kot nou annan piblik dan distrik.

Sa pou osi ed ou koman Minis. Parske letan mwan mon konnen poudir ki Sandy Arissol ki sipoze netway sa bout larivyer i pa pe fer, dimoun pou komans tir portre, pou mete deza lo rezo sosyal. Dimoun pou komans telefonn zot.

Pou annan bann rapor ki pou vini apard zis ou

Minister ki'n pran sa desizyon kont li. Mon krwar sa osi pou ede. Mon ti a kontan termin la Mr Chair.

MR DEPUTY SPEAKER

Mersi Onorab. Mon rekonnet Onorab Pillay.

HON SEBASTIEN PILLAY

Mersi Chairman. Bonswar tou dimoun. In ariv 6er ankor enn fwa en lot zour kot nou pe get en lot Bidze, so mon pou al direk lo mon bann pwen.

Mon pa pou anmenn kasyet ki in toultan en konsern pou mwan la kantite larzan ki nou bezwen depanse, asiz lo sa latap, asiz lo sa kote i pou reste en konsern pou mwan la kantite larzan ki nou bezwen kontinyelman depanse pou nou *manage landfill*, gard nou pei prop e fer tou sa bann keksoz.

Mon osi realize ki la ler nou pe vot sa Bidze e nou lo sa kote en eleman enportan sa Bidze se ki nou pe koz you bann lezot Scheme ki'n ganny mete *FA4JR*, *URS*, sa enn kantmenm i pa en *Scheme*.

Me i osi enpotan akoz en kantite dimoun pe ganny zot lavi atraver zot larzan kekfwa ki dan sa Bidze e kantite dimoun pou al kot zot avek en abilite pou kapab met en lasyet manze lo zot latap gras a sa Bidze ki nou pe *vote*. So sa i enportan.

Me selman nou bezwen osi *être* fran ki la kantite larzan ki nou kontinyen depanse ariv en letan i pa pou soutenab. Sa i en keksoz ki nou tou koman Seselwa nou bezwen konpran. E parfwa i annan nou mon bezwen dir fran, nou pa konpran, nou pase dan en loto ek en bwat *take away* nou zet lanmenm la.

Nou fini bwar en sopin labyer en sopin limonnad mon pa konnen en sopin labyer menm parfwa pa drayver, me en lot dimoun nou balans lanmenm laba ou konpran.

E prezan ou vwar menm nou al lo lans nou fer nou piknik, mon dir fran i annan ki kapab pa kontan n ou pran tou nou zafer nou kit lanmenm, pourtan i annan en bin pa menm 10 met avek nou. E apre nou bezwen kriy LWMA, rod dimoun met lo lans, netwaye, pey larzan *and then* apre nou konplent *tax payers money, tax payers money*.

Be si ou pa ti'n zet sa bwat *take away in the first place*, nou pa ti a bezwen pran tax payers money pou vin fer netwaye. So mon krwar i annan en keksoz ki nou bezwen aksepté poudir nou bezwen konpran nou pa kapab kontinyen pe depans sa kantite larzan.

Almost 88poursan sa Bidze ki apepre 240ekek mil i al dan netwayaz. Zis en pti poursantaz ki al dan saler sa bann dimoun ki al devan.

Pa enkli Minis avek PS Thesee, zis en pti poursantaz sa larzan. E mon krwar pou mwan sa i en keksoz pli enportan mesaz ki komann en Lasanble nou bezwen pe pase la ozordi. Nou konsernen avek tou kontrakter ek tou nou dimoun ki pe travay nou, nou tou nou anvi zot gard zot louvraz nou tou nou anvi ganny peye.

Me fodre en zot fer zot louvraz byen e dezyenmman nou ki servi sa bann landrwa nou respekte sa bann landrwa aköz nou tou nou kontan tir *selfie* ler nou pase ek nou zanfan, ouswa avek en zanmi dan en landrwa ki prop.

E nou annan en repitasyon pou en nasyon ki kontan lapropte nou. E nou bezwen sey fer en zefor pou nou fer sa e mon krwar sa en mesaz ki nou bezwen pase premyerman.

Dezyenmman en kestyon ki mon annan se ki sa sityasyon *management landfill*, e sa osi i serye mon krwar nou pe depans pres 40 milyon ladan nou osi.

Ler ou gete ler ou pran sa bann minisipal waste collection, ladan menm la i annan dimoun i sorti *disco*

aswar i tir en bin dan en *bin site* i zet anba miray!

Come on, come on, konmsi i dezapwentan pou mon dir sa la, me lefe i reste ki sa napa naryen pou fer avek Polisi, i annan pou fer ek nou konportman parler, nou koman Seselwa nou bezwen respekite keksoz ki nou menm nou, nou'n depanse pou aste.

E an relasyon ek sa *management* sa *landfill* Minister, mon'n vwar i annan bann rapor ki'n ganny pibliye dan bann lezot landrwa ki manner zot pe porsyon *landfill* pou zot kapab *manage* li, fer en *phase closing of landfill*.

Eski nou annan en tel plan pou Sesel e ki poursantaz parey lezot pei in war Rwanda in fer bokou progre lo bann mezir ki in mete, ki poursantaz ki nou pe sey anvizaze annan *in terms of* kapab kontrol *waste collection*?

Bokou pei in ariv 57poursan. Sey dir nou kote nou ete san ki nou al dan en gran deba sey dir nou kote nou ete e ki nou kapab fer pou nou kapab ariv laba?

E mon dernyen kestyon Mr Chairman, i relye lo lefe ki nou bezwen apresye osi ki ofil letan nou bezwen rod nouvo fason fer keksoz, i annan ne dimoun taler ki'n dir a

sityasyon *bin site* pe vin enkyetan, wi i pe vin enkyetan.

Akoz ozordi koman en dimoun i fer en konstriksyon obor son propriyete i komans vin dir ek distrik tir son *bin site* la, prezan ler napa en *bin site* i annan dimoun ki abitye vin met salte la koman i pa war bon i met lanmenm dan sa lankadremman, napa personn ki vin anmase, personn pa pe get li. I annan dimoun ki kot li napa bin i vini i pran son salte i met dan en pye dibwa anpandan.

So i pou bezwen annan bann fason inovativ ki nou pou *deal* avek sa *municipal waste collection*. Tout an prenon kont ki nou bezwen *sey cut down* sa *major cost* ki i anmennen pou ou dan Bidze, san ki nou bezwen kontinyen pey sa kantite larzan.

Mon kapab konpran sa bann kontrakter. Zot pou bezwen kontinyen netway bor semen aköz zerb pou pouse sa i nesaser. Me sa bann gro larzan ki nou pe tire dan *municipal waste collection*.

Eski sa nou kapab rod en fason pou nou sey met serten kontrol, serten fason fer ki nou pa bezwen kolekte sa depans sa kantite larzan pou nou fer sa travay? Mersi Mr Chairman.

MR DEPUTY SPEAKER

Mersi. *Panel*.

MINISTER **FLAVIEN**
JOUBERT

Mersi Mr Chair. Mersi Onorab pou ou kestasyon. Mon krwar sa premye pwen ki ou'n fer lo ledikasyon e konportman nou bann sitwayen mon krwar i tre enportan. E mon pou dakor avek tou dimoun ki'n koze pli boner, poudir ki nou bezwen ranforsi nou lenteraksyon avek bann dimoun dan kominote, pou asire ki tou dimoun i annan en konportman ki normal.

Akoz i annan sa problem kot menm si nou pe koz fer ledikasyon, pas lenformasyon avek piblik, i annan en kantite dimoun ki'n tande sa bann mesaz, me nou konportman a pe sanze. Mon pa konnen pour ki rezon i pa pe sanze, si i zis neglizans ouswa si petet nou pe fer li par ekspre.

Me i annan en keksoz ki nou bezwen rod en fason pou nou konekte avek sa bann dimoun e petet fer zot santi poudir sa konportman pa enn ki normal dan kominote.

Ou'n demann kestasyon lo ki poursantaz nou salte ki nou pe *manage*, e ki mannyer nou konpar nou lekor avek lezot pei? Mon krwar sa i en kestasyon tee enportan e i lev en premye keksoz ki mon ti koz lo la en bon pe letan pase, mon krwar se nou bezwen set serten standar lo nou

performans lo serten size e set en standar pou nou *manage waste* i enportan.

E osi set en dat kot nou dir nou pou redwir kantite salte ki pe antre dan *landfill by* tel poursantaz e mon krwar ki sa i en keksoz ki nou devret pe fer pli nou asire ki nou kapab mezir nou lekor an mezir nou ale.

Aktyelman la si ou get dan dokiman bann target ki'n ganny set i pou *green waste*. Alor zefir pe ganny fer pour tir *green waste* dan *landfill*, parey Mr Mangroo in eksplike La Digue preski tou *green waste* pa pe al dan *landfill*.

E Mahe i annan bann demars ki nou pe fer pou nou target *green waste* an deor *landfill* e anpes li rantre. E sa ki antre dan sa gro masin parey nou'n koz lo la, ki kapab servi pou nou *deal* avek bann gro, gro siko bann gro bout dibwa eksetera, pou ki green wat pa ante lo *landfill* e apre osi nou annan sa target pou larou ki'n deza ganny set e apre nou annan sa bann materyo resiklab.

Be nou ti a voudre ki bokou plis lezot kalite salte n ou annan bann target ki nou set pou feray, pou *electronic waste* e pou bann lezot ankor ki kapab koz en danze. Batri i en keksoz ki ase fasil.

E alor mon pou dakor avek ou ki nou bezwen set en

target e nou bezwen kapab mezir nou lekòr apre en serten peryòd letan.

E annan en rapòr ki nou kapab prodwi tou le lannen. Mon krwar en keksoz ki nou pa pe fer lo kote lanvironnman, menm si nou pe koze en kantite, nou pe dir poudir nou pe *perform* lo kote lanvironnman Sesel.

Me en keksoz ki nou pa pe fer se ki nou pa pe kapab fer sorti en pti keksoz lafen lannen, pou dir ek dimoun sa lannen nou'n fer byen ouswa sa lannen nou'n amelyore dan tel, tel size. E mon krwar sa i enportan pou ou kapab vreman konpran kot nou pe ale.

Akoz mon krwar i annan sa mesaz osi ki devret pase ek piblik, donn nou lanmen nou ava amelyor keksoz e nou ava war rezilta.

Lo *management landfill*, i annan serten aksyon ki nou bezwen pran lo kote *management landfill*. E i annan serten travay ki'n deza komanse an kolaborasyon ek bann dimoun an deor akòz mon krwar ou'n koz lo partener ek konesans sorti aletranze.

Aktyelman la Lazans i annan en kolaborasyon avek *La Reunion* e i pa'n tro marse akòz ti annan bann lesanz ki ti sipoze ganny fer 2020 e i pa'n ganny fer akòz *COVID*. Me

nou, nou ti a voudre ki nou annan en lekòp ki plenn fil ki vreman kapab fonksyonnen e konpran *management landfill*.

Dan lepase nou ava war ki i annan en kantite koze in ganny fer lo *landfill*. Me selman *management landfill* vreman i pa'n ganny fer dan en fason vreman byen ditou. Nou'n finalman ganny nou en ta salte ki apre i pran dife ki apre nou tou nou kriye.

Me mon krwar i enportan ki nou kapab annan en *management landfill* ki baze lo en serten prensip. E nou bezwen *train* nou bann dimoun dan sa bann keksoz. E zisteman i annan en keksoz ankor ki nou pe koz lo la, lo kote formasyon bann dimoun.

Bann laspe, bann travay teknik parey *management landfill* pou le moman i pa pe ganny priyorite dan bann formasyon nou pa pe ganny dimoun, pou vin zwenn Lazans ki annan sa bann kapasite pou fer bann travay teknik par egzanp *management ek monitoring landfill*.

Nou pa pe gannnen sa bann kalite dimoun e mon krwar osi nou bezwen reflexir lo la, ki kalite dimoun ki nou pe gannnen ki nou kapab prezan *train* zot pou zot fer sa bann keksoz.

Akoz nou bezwen annan dimoun ki konpran vreman ki

savedir *management landfill*, e ki savedir lenpak *landfill* lo lanvironnman. E ki bann prekosyon e bann mezir *management* ki ou bezwen pa bon pou fer li fonksyonnen. E mon krwar setou Mr Chair mon ava aret lanmenm.

MR DEPUTY SPEAKER

Mersi. Ou annan klarifikasyon Onorab?

HON SEBASTIEN PILLAY

Mersi Chairman. Zis en pti pwen klarifikasyon an finisyon. Ki mon ti a kontan demann Minis de keksoz enn se ki eski nou kapab. Eski ou dan en pozisyon pou dir nou *Committee Government Assurances* Lasanble i kapab vini? E kan ki i kapab vin vwar sa masin pe komans fonksyonnen?

Akoz i form en parti entegral sa stratezi ki zot pe dir nou, nou konnen i pe al *tender*. So si ou ti kapab kominik ek Lasanble ki apre nou a kapab annan en *follow-up* lo la.

E mon dernyen pwen i konsern bann kontrakter. Mwan mon donn mon langazman ki mon pou akonpanyen tou dimoun ki pe fer son louvraz byen.

E mon demann en langazman osi avek *LWMA* pour ki tou bann kontrakter i ganny trete dan en fason *fair*.

E si zot pe fer zot louvraz zot ganny trete dan en fason *fair* e zot peyman i ganny fer dan en letan, dan en dele letan rezonnab.

Me parey pou bann ki pa pe fer zot travay zot bezwen respekte lefe ki parey nenport ki dan nenport landrwa si ou pa pe fer ou louvraz byen, i annan bann penalti ki vin avek.

So mon ti a kontan ganny en lasirans ek zot, ki tou bann kontrakter i ganny trete *fairly* e ki tou ban desizyon ki ganny fer ek bann kontrakter i ganny fer lo en baz *fairness* e non pa avek okenn lezot lentansyon. Mersi Mr Chairman.

MR DEPUTY SPEAKER

Mersi. Minister ou annan en repons.

MINISTER FLAVIEN JOUBERT

Mersi Mr Chair. Mersi Onorab pou sa de pwen final. Klarifikasyon lo sa masin, dapre mon estimasyon mon krwar ki trwazyenm ka lannen nou a kapab war sa masin pe fonksyonnen. Akoz la nou lafen Mars i annan sa prosesis kot nou pe fer en lapel pou bann dimoun ki pou vin *operate* sa masin.

Nou ti a voudre ki trwazyenm kar lannen sa masin pe fonksyonnen e ki nou pe war son bann rezilta.

Fair treatment of contractor's mon krwar sa i en prensip ki la dan Lazans e ki in ganny repete e ki in ganny anzandre dan zot toultan.

Mwan letan mon'n dan LWMA mon pa'n krwar dan tret okenn kontrakter dan okenn fason partikilye, tou dimoun i egal e tou dimoun i annan en Kontra. E sel relasyon ki egziste ant ou ek Lazans se ou Kontra me sa Kontra i ganny aplike dan en fason normal san malis, san okenn lezot lentansyon.

Alor sa mon kapab reasir ou ki napa okenn lentansyon pou tret dimoun dan en fason apard ki dan en fason *fair*. Mersi.

MR DEPUTY SPEAKER

Mersi Minister. Nou dernyen entervenon, Manm Elekte distrik Les Mamelles.

HON BERNARD GEORGES

Mersi Mr Chair. Mr Chair i tar e mon pou sey fini lo en not plito pozitiv.

Si mon al an deor topik ki devan nou ki LWMA silvouple eskiz mwan Minis me mon pa'n la yer ler zot in koz lo lanvironnman, alor enn de keksoz mon anv'i demann zot i straggle sa departman e sa Lazans.

E sa i konsernan nou bann bordir semen partikilyerman. Mon devret

depar rekonnèt gro zefor ki'n ganny fer depi dan sa detruwa dernyen lannen pou netway bann *verges*, semen pou tay dibwa eksetera e pour fer nou bann semen gou pou dray lo la. Olye annan en kantite brousay ki pe napes nou servi semen ki mannyer nou anv'i.

Me akoz i annan en met parey zot anba realize i annan ankor bokou travay pou fer e pa tou dimoun ki respekte netway zot semen. Dan serten landrwa se bis SPTC ki tay kanpes parey zot konnen. E dan bokou ka larzer semen i ganny redwi par lefe ki i annan brousay lo ou kote.

Oubyen en zoli pye dibwa PUC i pase i koup li an de e en sel kou i fer li vin en vilen pye dibwa olye zis tir li konpletman. Anler Helvetia i annan en zoli *view point* ki devret pe regard Grand Anse;- Onorab Waven William i konn sa tre byen e ou pa war naryen ou war zis bann pye dibwa ki'n grandi devan li e i fer sa *viewpoint* vin *completely redundant*.

Mon dir tousala akoz i annan, dan serten landrwa i annan bann bout rasin dibwa ki'n ganny koupe, ki zis ganny reste lanmenm. E mwan en morso semen ki mon drive lo la toulezour se ant *roundabout* Roche Caiman ek *roundabout* Eden e ler nou regard kote gos ou vwar ki i annan en kantite

pye sed ki'n ganny koupe e son *stump* i ankor la dan later e i pa'n zanmen ganny tire, e gazon i ganny koupe byen zoli toultour ki me stanp i reste koman en *eyesore*.

Mwan mon krwar Mr Chair ki i annan en zefor pou nou fer, akoz nou depans en kantite larzan parey Onorab *Leader* Lopozisyon in fer resorti e mon toutafe dakor avek li. Annou fer sir ki sa larzan ki nou depanse i anmenn en serten retonbe dan nou pei, *if only* pou fer li vin pli zoli ankor ini ete e ki nou bann kanton e nou bann landrwa i ava gou pou pas atraver.

Annan defwa ou war i annan en zoli pye dibwa, me in ganny antoure avek brousay. Ti ava byen si i ti a valoriz sa pye dibwa ki dan en fason kot nou ava netway tou bann keksoz ki limit son labote.

E donk mon pe demann ou Minis ozordi ek *CEO* zot reasirans ki sa bann keksoz i *front and center* dan zot program e zot pour kontinyen avek sa travay, pour fer sir ki nou pa devalye nou landrwa par bann pti keksoz ki nou kapab aranze. Me o kontrer ki nou re valoriz sa zoli keksoz ki nou annan.

E dan sa loptik mon ti a swete ki zot ti aprann konsiderasyon fer li vin devwar en propriyeter ki *abut* avek semen piblik, pou li fer

sir ki son landrwa i prop e napa okenn pye dibwa o okenn kanpes ki *intrude* lo semen piblik dan en fason kot kekfw menm en lofans i kapab ganny kree si enn napa deza, pou asire ki sa keksoz i arive.

Nou pa ti a kontan fors dimoun pou fer me si zot pa anvi fer mon krwar ki nou koman *tax payers* nou pa devret pe pey pou en defayans ki zot i en lobligasyon lo zot. Alor mon ti a kontan sa reasiran avek *panel* silvouple *going forward*. Mersi Mr Chair.

MR DEPUTY SPEAKER

Mersi Onorab. *Panel*.

MINISTER FLAVIEN JOUBERT

Mersi Mr Chair. Mersi Onorab pou sa bann pwen pou fini lo en not pozitiv. Mon totalman welcome sa dernyen pwen ki ou'n fer lo ankouraze ouswa menm fors en pti pe bann dimoun ki bord avek semen pou pran ka avek zot bout ki konsern zot. Sirtou bann plant ki ante dan semen e sa i pou ede bokou, i ou ed en kantite.

Aktyelman i annan serten lareg ki pa pe ganny vremen respekte kot i konsern bann pye dibwa. Akoz en bon pe ou a realize ki pe kabann lo semen i bann ki lo propriyete peye li, selman sa propriyeter pa pe port latansyon lo la pou

tire. E mon krwar sa i kapab vremen anmenn en diferans lo bor bann semen. E koup en bon pe depans Gouvernman pou al tir problem en lot dimoun.

Ou'n koz lo bann amelyorasyon i ou kapab fer lo performans, pou asiste ki bann pti detay i ganny port atansyon parey bann siko ki ganny kite partou. Byensir ennler i en kestyon Bidze. Par egzant sa bout semen ki nou pe koz lo la i annan bann pye sed ki ti'n ganny tire aköz gro divan.

E si mon apel *LWMA* ti tir en pe, *Land Transport* ti tir detrwa. E apre sa letan ou get kou pou ganny en *excavator* pou tir sa bann materyo dan later i kout en kantite. E sa osi mon krwar i enportan si nou kapab ganny kolaborasyon serten dimoun mon krwar i kapab ganny fer.

Lo *viewpoint* Helvetia Onorab, mon krwar i en tipik *case* kot nou pe met bokou larzan dan en ta keksoz e nou pa pe adres keksoz ki enportan. Parey nou'n dir nou pe met en kantite zefor pou nou anmas salte partou me dimoun pe zis zete par lafnet transpor.

Me nou ti kapab pran *viewpoint* Helvetia met li dan sa Kontra semen, me letan ou pou al azout li ou pou bezwen tir en pe larzan dan semen pou

ou al fer li e sa ou bezwen get sa dan sa legzersis re balanse osi. Ki mannyer nou kapab enkli tou sa bann pti keksoz dan nou bann Kontra e evite ki nou pran larzan nou al met dan bann keksoz inital.

Par egzant nou pou zis anmas salte apre ki dimoun in zete. E sa mon krwar ki pe arive osi aköz *viewpoint* Helvetia in ganny netwaye par Lazans dan lepase, me in ganny netwaye an deor travay regilye.

Me i devret ante dan travay regilye ki toultan i pe ganny netwaye, toultan bann brans pe ganny koupe devan pou ki i reste parey en *viewpoint*. E i pa vin en landrwa ki ganny kouver ki tousel en fwa par lannen ou vini ou ouver li en kou apre i re fermen.

Me mon donn ou mon langazman ki Lazans ek Minister pou eseye pou li kapab, kot i kapab ganny resours pou li fer sa bann pti bout ki parey ou pe dir i kapab fer Sesel vin en pe pli zoli ki i aktyelman ete dan bann ka kot nou kapab fer *improvement* nou bezwen fer li. Mersi.

MR DEPUTY SPEAKER

Mersi *Panel*. Onorab.

HON BERNARD GEORGES

Mersi Minis pou ou reasirans ki fer mwan byen kontan. Les mon prezan anvoy en defi avek nou bann Manm Lasanble, akoz okenn parmi nou i reprezant en distrik.

E mwan mon'n angaz mon lekora anvanm avek mon clerk ki dan nou distrik nou pou sey rod larzan avek bann *businessmen* dan nou distrik, lev en pe fon pou fer egzakteman sa bann kalite keksoz ki mon fek koz lo la ozordi, *train* kanpes, met zot annord, netway en pe.

E mon krwar ki *going forward* nou pa devret depann zis lo *LWMA*. Me dan nou distrik nou kapab avek kolaborasyon nou bann biznesmenn dan nou distrik fer en bout sa travay osi pou ed zot. Mersi Minis.

MR DEPUTY SPEAKER

Mersi Onorab Georges. Sa ti dernyen entervenans lo *floor*, lo sa *headings*. Me koman Manm Elekte distrik Mont Buxton mon oule zis, pa keston, pa keston, me mon krwar i en size vremen enportan.

Dabor mon krwar pwen ki'n sorti ozordi dan nou deba ki enportan nou *remind* Lasanble se ki *panel* in depanse ki i annan pli gran langazman par popilasyon akoz lapropte pei. Sak lakour ek sak fanmir Minis in dir, in

osi met lanfaz lo ki bann kontrakter i asire i ganny valer pou larzan.

Akoz la kantite larzan parey *Leader* Lopozisyon in dir i pe vin en sonm ki pa soutenab pou pei. Nou bezwen asire *panel* ki annan lo lapar *LWMA* i annan pli bon sipervizyon lo travay bann kontrakter. Me apre i annan en pledwari pou annan en pli gran *involvement* par Lotorite distrik partikilyerman lofis *MNA* avek *DA*.

Me koman Manm Elekte pou distrik Mont Buxton mon donn zot mon langazman mon pou travay pre avek zot akoz mon krwar i annan en keksoz nou konnen i nouvo *CEO* byento parski dernyen *CEO* *LWMA* ti Minis avan i ganny apwente.

Mon krwar ki sa *CEO* i devret fer li koman en defi pour ki vremen *LWMA* apre 11an legzistans i anmenn en transformasyon kot nou war rediksyon dan salte, bann keksoz koumsa dan pei.

E anfet i annan, dan lemond i annan sa ki nou apel *Environmental Performance Index*, (*EPI*) e sa ki fek sorti Sesel i 38enm lo la. Zot get kalite delo, lenz ek son salte, keston sanniter dan pei e ki mannyer i enpakte lo lasante imen signifikaman.

Nou premye dan Lafrik, premye dan Losean Endyen.

Pei Lafrik ki pli pre avek nou se Gabon ki 76 e Moris i dan 90enm pozisyon. Donk nou pe fer byen. Me i annan lespas pou amelyorasyon, me mon ti a met en defi avek Lotorite konsernen. *L'Angleterre* i katriyenm, *La France* i senkyenm.

E zot de pei ki'n koloniz nou ki nou annan en relasyon avek zot, aköz ki nou pa get e *what is their best practice* e amelyor sa ki pou nou dan sa ki nou pe deza fer byen. Bon vwala ki mon ti a kontan partaze avek Lasanble.

Nou pou pas lo vot aprezan pou *Landscape & Waste Management Agency* ki lo paz 517 a 522 pou en sonm R242milyon 236mil. Alor mon ti ava demann tou bann Manm ki an faver pou endike silvouple. Mersi okenn Manm ki kont? Mersi Madanm Clerk.

Vot *pour Landscape & Waste Management Agency* ki trouve lo paz 517 a 522 pou en sonm R242milyon 223mil in ganny aprouve 25 vot an faver, napa personn ki'n vot kont e 2 Manm in abstenir. Donk sa vot i pase.

Nou ava remersye bann Zofisye ki'n la avek nou pou ozordi, nou annan Minis Flavien Joubert, Minis pou Lagrikiltir sanzman Klima a ek Lanvironnman. Nou osi annan Sekreter Prensipal pou Finans Mr Damien Thesee e *Principal*

Finance Analyst manmzel Noella Vinda.

Lo kote *LWMA* nou ti annan Mr Rahul Mangroo ki *Deputy Chief Executive Officer*, manmzel Karine Cassime ki *Financial Controller* e Mrs Vivianne Chang-Pin-Tive ki Direkter pou Ladministrasyon avek Resours Imen.

Zis avan ki nou *adjourn* pou Lendi, mon ti ava zis *remind* Manm Lasanble e bann dimoun ki pe vini, i annan *National Biosecurity Agency* apre *Seychelles Energy Commission* avek *National Botanical Garden Foundation* sa i sa 3 antite ki pou Lendi.

Mon ava demann *Sergeant-at-Arms* pou retourn nou dan Staz Lasanble silvouple. Mersi.

Donk nou ava *adjourn* e nou ava rezwenn Lendi 9er bomaten.

(ADJOURNMENT)

